

Ans.



6  
37-A  
14



Ex Bibliotheca  
majori Coll. Rom.  
Societ. Jesu

R



63.2.11  
1  
16  
D

6-37-A-14  
6-37-A-14  
23-1-2-3





1

10

C



IOA. IOSEPHI NOBILIS DE HAVERN

S. R. I. EQUITIS, AUGUSTAE A CONSILIIIS BELLICIS, DAPIBUSQUE FERUNDIS,

DISSERTATIO APOLOGETICA,

QUA

AENEI, ET VNICI VESPASIAE POLLAE NUMI,

QUI IN EIUDEM MUSEO HIC VIENNAE ADSERVATUR,

ANTIQUITAS, ET INTEGRITAS VINDICANTUR,

EVERSIS ARGUMENTIS,

QUIS EA IN II. AD EIUDEM EPISTOLA, HIC LOCI TYPIS EVULGATA, INPEGNAVIT

CLARISSIMVS E S. J. P. JOSEPHVS KHELL,

IN

THERESIANO NOBILIVM CONLEGIO

BIBLIOTHECAE GARELLIANAE, ET REI ANTIQVARIAE DOCENDAE

PRAEFECTVS, ACADEMIAE HETRUSCAE CORTONENSIS

SOCIVS.




VINDOBONAE,

TYPIS JOANNIS THOMAE DE TRATTNERN

CAES. REG. AULAE TYPOGRAPHI ET BIBLIOPOLAE.

MDCCLXVI.





I. Fig. Numi, qualis hodie in Museo Haueriano Vindobonæ visitur.  
 II. Fig. ejusdem, qualis olim cum integro limbo in primo ortu suo erat.



inime miror, CLARISSIME. KHELLI, si  
 ad primum Apologiæ hujusce meæ adspe-  
 ctum responsi, ad tuam ad me Epistolam su-  
 per Vespasiæ Pollæ numo usque huc dilati, admiratio ani-  
 mum obcupet tuum. Plaudebas tu certe jam tibi de prostrata  
 Vespasia mea, ac fortean *πρὸ τῆς νίκης τὸν παῖδα* cane-  
 bas; neque unquam putabas futurum, ut ejusdem in ære,  
 veluti postliminio, reviviscat memoria.

Si diuturnæ procrastinationis meæ causam adfero militarium negotiorum molem, atque bellicorum subfelliorum adfuitatem; verum dico, at necdum totum: quodsi namque una hæc, ac omnis existat cunctationis meæ ratio, næ tu etiamnunc responsum frustra præstoleris meum. Dicam igitur, quod caput rei est: censorius ille rigor tuus, atque Manliana propemodum severitas, qua velut supremus rei monetariæ arbiter in aheneum Vespasiæ meæ numisma proscriptio- nis sententiam tulisti, me inducere, ut principio crederem te, nisi gravissimis convictum & subfultum argumentis, in Pollam meam infontem ea inclementia & asperitate animadversurum non fuisse; atque minime *de Tribus Capellis* tecum mihi litem intercedere, neque te ignorare:

*Quid distent æra lupinis.*

Quare in spinoso hoc ac inplexo litium numariarum, contentionumque monetarium labyrintho haud absque Theseo progrediendum mihi censebam: hinc eruditorum, atque cum in moneta veterum, tum antiqua historia adprime exercitatorum virorum mentem ac sententias periclitandas (id quod tu probe perspicias, absque magna & temporis & operæ impensa præstari nequaquam potuisse) ante duxeram, quam carissimum numophylacii mei ocellum incertæ

alæ conmitterem, tecumque inparatus cæco quasi Marte, ac tumultuaria acie configerem; tecum, inquam, qui tamquam primæ magnitudinis sidus in cœlo antiquario exsplendescis.

Quidquid itaque isthac in *Dissertatione* aut ad retundenda tela tua, aut ad conprobendam numismatis mei γνησιότητα ad commodorum atque idoneorum repereris argumentorum (reperies autem non pauca) omne id primum literatorum, sapientumque virorum, atque æquorum causæ nostræ arbitrorum consilio & adprobatione susceptum: tum ad sensu & autoritate mea executioni traditum; ac denique cujuspiam Numophili opera, pennaque elaboratum esse scias velim. De hisce mox in vestibulo admonitum te volui, ut adeo mente a præjudicatis opinionibus, imaginibusque ante capitis profus eximia, atque in unam modo veritatem intenta, id quod obnixè abs te postulo, qualem demum cumque hancce opellam pervolutare queas, & quidquid hic exaratum deprehenderis, id noris eo derivare, unde profluxerat.

Ex adhuc dictis jam quoque, opinor, intelligis, ecur exili huic *Dissertationi* Inlustre strenuissimi nostri ævi Herois, serenissimi nimirum Principis IOSEPHI WENCESLAI LICHTENSTEINII Nomen ac titulos præfixerim: volebam quippe literariæ æneo super numo pugnæ atque cer-

tamini eum præesse ducem, qui veluti aliquis *ex machina Deus*, non *aenea* equidem moneta, at tamen, quod multo amplius est, *aenearum* omnis generis machinarum, aut recens stupendo ingenii partu excogitarum, aut ad sublimiorem perfectionis apicem provectorum, maioremque ad efficacitatem instructarum, ingenti juxta, ac multiplici adparatu atque vi hostibus Auftriacis maxime formidandis tantumdem damni, cladisque intulit, quantum alii exercituum ductores seu ferro, seu consilio. Profecto

*Nostri Decus Admirabile seculi!*

Cupiebam una, sin auctius, at saltem tantum ex tanti Nominis splendore Vespasia ~~meæ~~ honori arcessere decus ac ornamentum, quantum iusto severior penna tua de illo detractum ibat; ut hoc pacto lector in primo mox limine, splendidi adeo Nominis maiestate inlectus, æquum facilemque meam erga Vespasiam induat animum: tu vero, **KHELLI CELEBERRIME**, objecto hoc **MARTE FULMINATORE** extimescas, explicatisque frontis rugis a Minoa tua severitate remittas aliquantum.

Et sane, iterum dico iterumque, imperiosum illud tuum senatus consultum: *Numus Vespasie Pollæ inter adulterinos*

*proscribitor* : placido haud potis sum concoquere animo. Quod si eruditas modo conjecturas, aut si quæ tibi oborta erant, literaria meo super numismate dubia in medium adtulisses, ac mecum ingenue communicasses, id quod præprimis ipsa tuæ erga me, quam toties verbis declarasti, humanitatis & amicitiae officia abs te deposcebant; næ tu causæ tuæ melius consulturus, primusque fors ego futurus eram, qui præclaro huic consilio tuo adplausissem. Nosti enim ut qui optime, imo Inlustrissimi discipuli tui COMITIS CRISTIANI ore loquens (α) ultro profiteris : *In re numaria non omnia profecto clara, atque evidentia postulanda, in pluribus enim multum præstari, si probabili aliqua CONJECTURA spissæ antiquitatis tenebræ, tanquam exigua quadam luce excitata, non penitus quidem dispellantur, sed tamen minuantur aliquantum.* Non possum hac occasione committere, quin publico testimonio animi mei sensa de inlustrissimo hoc Comite CRISTIANI declarem. Eum hætenus & amavi, & suspexi cum ob venustissimam juvenis Nobilissimi indolem, tum ob singularem ea in ætate historiæ juxta, ac monetæ veteris intelligentiam, quam præter complura, quæ Theresiano in Collegio magno, & quod amplius, merito cum plausu me coram teste sustinuit tentamina, non solum in *Adpendicula* mox

## A 3

---

(α) *Com. Cristiani Adpendic. ad Numism. Græc. lac. Cæsneri. pag. 76*

laudata, sed Haymii quoque *Tresauri Britannici* Volumine I., eleganti latinitate donato, luculenter prodidit. Dignus hinc est, qui nedum magni Parentis, sed propriis etiam censeatur meritis, quibus ipsis AUGUSTAM NOSTRAM fas est credere impulsam, ut eidem usque huc non perinde dominam, quam matrem se praeftaret. Hæc paucis hic adtigisse sat sit: jam e diverticulo ad viam.

Conmeminisse præterea debebas, KHELLI DOCTISSIME, eorum, quæ celeberrimus quondam tuus in arte numaria Magister FROELICHIUS *ὁ vñr ἐν ἀγίῳ* (α), in quo rara animi modestia cum scientia minime vulgari de palma contendebat, verbis usus TERENTII (β), de se ipse scribit: *Plane in me expertus sum, uti ad vitam humanam, ita ad rem numariam veterem nunquam ita quemquam subducta ratione fuisse, quin res, ætas, usus semper aliquid adportet novi, semper aliquid moneat, ut illa, quæ te scire credas, nescias, & quæ tibi putaris prima, in experiundo ut repudies.* Eandem in rem P. JOBERTUS ex tua pariter Societate in præclaro suo libello, *la Science des Médailles* (γ) inscripto, ait: *L'on n'est point encore jusques ici convenu d'un juge*

(α) IV. Tent. in *Re Num. Vet.* p. 391.

(β) *Atelph. Art.* 5. scen. 4.

(γ) *ſſſr.* XI. p. 2.



infaillible des controverses, qui arrivent entre les curieux. Les plus habiles sont obligés tous les jours de se rendre à la vue de certaines médailles, qu'ils ne connoissent point, & qui détruisent en un clin d'oeil les principes, qu'ils avoient avancés comme indubitables. Necdum convenit inter antiquæ monetæ curiosos de veraci, fallique nescio arbitro contentionum, quæ inter ipsos intercedunt. Horum præstantissimi in dies singulos verbam necesse habent porrigere ad conspectum certorum numismatum, quæ antea ipsis penitus ignota, momento evertunt rationes & argumenta, quæ pro indubitatis venditabant.

Istis tu ipse ex integro adsentiri videris, quum, non jam alieno loquens ore, in l. tua ad me *Epistola* pag. 9. ita scribis: *Ex ipso errore, Vaillantii, axioma illud altius imprimendum infero, quam CAUTISSIMOS nos esse oportere in statuendis legibus universalibus, quas UNICUS forte inventus integerrimæ antiquitatis NUMUS evertit.* Atque utinam tibi isthoc subiisset in altera tua, idem ferme sub tempus ad me data, *Epistola!* Majore fortassean moderatione, minorive cum feveritate, certe ambigentis, minime decernentis, aut de subgesto proscribentis more, meo in numismate versatus fuisses.

Enimvero tot *σφάλματα* ac prolapsiones etiam principum nostra in arte Magistrorum, in quorum numero te me-

rito censent Numophili omnes, te timidiorem, atque in sententia ferenda multo difficiliorem præstare debuerant. Ut missa hic faciam complura exempla errorum, quæ in Clarissimis alias supellestilis numariæ promiscundis, **MEDIOBARBO**, **PATINO**, **VAILLANTIO**, aliisque viri docti jam ante me viderunt, atque adnotarunt; unum dumtaxat in præfens commemorabo, propterea quod tuum ipsius lapsum, qui quidem cum immortalis memoria dignissimo **FROELICHIO** tuo communis tibi accidit, palam facit. Edendo quippe **Austriaco Gazæ Cæsareæ Museo** intentus, Græcum *Damastii* urbis numum *Damascio* Syriæ adtribueras; id quod de te testatur laudatus ante **Inl. Comes CRISTIANI** (α) discipulorum gemma tuorum.

Maximo sanè opere cavendum tibi fuerat, ut iustam mihi ne præberes ansam retorquendi potiori fortassis jure in te ipsum verba, quæ **Cl. HARDUINUM** in laudata mox *Adpendicula* nomine tuo conripit **Inlustrissimus CRISTIANIUS** (β): *satis mirari non poteram, exclamans, qua CENSORIA POTESTATE vir reverendus in notis numos ab Andrea Marmora relatos -- FICTOS ET ADULTERINOS promulget.*

Ipsi

(α) *Com. Cristiani Adpendic. ad Numism. Græc. Jac. Gesneri p. 23.*

(β) *Id. Ib. p. 57.*

Ipsi adeo Critici Vindobonenses in erudita, quam super binis tuis ad me epistolis tulere, censura Vespasiae meae forti indoluiffe videntur, quum & de ipsius numismate inter fictos abjecto, & de eadem hoc pacto monetali honore despoliata haud obscure conqueruntur. Ego certe, quo adtentius rem omnem, accumprimis eminentem tuam numorum, monumentorumque antiquorum scientiam mecum reputo, eo firmius persuasum mihi habeo, te ipsum longe alia ab iis, quæ scripseras, animo fovisse sensa; atque adeo non serio, sed vel dicæ solum caussa, vel nimia eruditionis, qua polles, ubertate abreptum, vel novitatis quodam studio, vel etiam cereum mihi, aliisve nasum fingendi lubidine inductum, calamum in Vespasiam meam exacuisse. Id quod quam a vero absit proxime, ipsum exile atque inane, quæ adducis, argumentorum pondus satis superque docet. Isthoc itaque cum jam, jamque demonstratum eo, a veteri, qua me adhuc profecutus es, amicitia tua, ut, quidquid unius veritatis studio pro mei numismatis pretio ac honore tuendo, alienis licet verbis, dicturus sum, æqui bonique consulas, & expeto, & exspecto; idque hoc amplius, quod tu ipse iterum mihi, ac tertium aperte significasti, te nihil æque in votis habere, atque ut aliquando tibi copia fiat Apologiæ meæ cernendæ.

Ut igitur ne diutius te in limine morer, ad rem ipsam adgredior. Ne apicem quidem dictorum tuorum, quoad necesse erit, relinquam intactum, atque ordinem, quem tibi, **VIR EXIMIE**, fervare adlubuit, ad amussim confectabor, enervatisque, ut ex alio aliud sese mihi obferent, ratiociniis tuis, juxta meam proferam atque consolidabo sententiam.



**P**rimo loco tuum in proscribendo Vespasiani numo rigorem purgare adniteris exemplo Italarum quorundam, quorum nomina nescis, antiquariorum, qui simili jam censura eundem notarint. At enim haudquaquam advertebas, te, ubi eodem ipse tempore adductas eorundem rationes penitus refellis, ac infirmas, omnem una ipsorum censuræ vim adimere & valorem; atque adeo tantum abesse, ut eorum exemplo, & autoritate tueri te possis, uti potius, si quid inde, totum id adversus te conligatur ac efficiatur.

Sed jam gravioribus mecum argumentis te congregurum minitaris, ubi primum ea removeris, quæ *vinciar* numi antiquitatem mihi persuaferant. Initium ducis a can-

dida relatione mea, qua tibi paucis exposueram, ut in meas inciderit manus Vespasianæ numus: nempe veniisse mihi eum, aiebam, in sacco inter centum, & amplius alia sincerissimæ integritatis numismata oblitescentem, atque tam opaco vestitum cortice, ut diuturno demum labore adhibito vultus, inscriptionisque literæ se in conspectum darent. Hinc prudenter conjectare fas mihi putabam, numum hunc pari cum reliquis illis integritatis pollere prærogativa, idque vel maxime propterea, quod tam stolidum ac plumbeum, speratique lucri tantopere incurium mea effingere mente nequeam inpostorem, qui rem, qua adlicere debebat maxime, quamque adeo in primis oculo spectandam objicere necesse habebat, numi nimirum rarissimi, imo ad hunc diem unici imaginem & epigraphen, adhibito potius nisu omni, ac dedita veluti opera obculere, atque adspectui eripere maluisset. Suboluisse aliquantum tibi videtur hujus vis argumenti; unde tantisper fingere me jubes, numum a falsario, subinde aut OBLITO, aut mortuo defossam, ab hærede, aliove forte inventum, inperito bonum cimeliorum propolæ, aut pannoso apellæ traditum, denique inter complures genuinos alios meas in manus venisse. At, fodes, fingito tu mihi id genus falsarium, qui numisma rarissimum, imo unicum, nulla prorsus lucri, quæstusve cupidine adlectus, ingenti cum molestia atque labore ex ære ad antiquam

adcurate scalpat, exprimatque normam! tum quidem continuo ego pro imperio tuo fingam, illum repente omnis ab se inpenſæ operæ, omnisque, quod inde exſpectabat, lucri ac emolumenti *oblitum*, jacturam ſibi ultro accerſere voluiſſe minime contemnendam.

Verum dices, fieri potuiſſe, ut aliquis antiquitatis peritus inpoſtor non quidem quæſtus, ſed animi dumtaxat cauſſa, aut ineruditos inludendi libidine adductus, ejusce-modi procuderet numum. At neque iſtum tibi conceſſero, ingenioſi conmenti ſui tam facile *oblitum* fuiſſe, niſi forte cum Poetis lethæum quempiam, de quo fortuitu delibariſ, fontem conminiſci mavelis. Nam non ſumus ſic a natura comparati, ut eorum, unde vel quæſtum, vel voluptatem, vel inſignem aliquam famam nos confeſcuturos confidimus, oblivione nos deſubito, aut facile capi patiamur. Haud gravatim itaque credidero, voculam illam *oblito* tuis ingratiis, atque aliud agenti tibi in calamum influxiſſe. Sed denique morte præventum eum dixeris: dabo id tibi, dum ante oſtendas, talem quempiam in vivis egiſſe falſarium, qui artem calluerit, quale eſt meæ Veſpaſiæ numiſma, nempe & metalli forma, & ponderis mole antiquis ſimillimum, maximeque geminum, denique ad omnem antiquitatis ſpeciem, & juxta eorum temporum ſcalprum ſeu *χάραγμα* quam ſcitiffime

effingendi. Probe nimirum tenes, VIR ERUDITISSIME, venustissima illa, quæ *Cavinus Patavinus, Parmesanus, Carteronus* ad antiquorum invidiam, arteque recentioribus haud imitanda flarunt, incideruntque numismata, nihilominus partim æris fabrica ac colore, partim ponderis molisque ratione, partim & præsertim literarum imaginumque forma per exercitatos antiquarios haud magno negotio a genuinis, atque sincere antiquis dignosci. Hoc postremum præpimis de Joanne illo *Cavino* testatur Ant: *AUGUSTINUS Dial. II. Patavinus* quidam hac in plastica excelluit veteres numos feliciter exprimens, ut spectanti voluptatem præbeant, & nisi peccarent interdum vel LITERÆ, vel IMAGINES, nihil requiras amplius.

Jam eam, quæ unum ex principibus tuis complecti videtur argumentis, quæstionem mihi moves: *Matri suæ numum feriri permiserit pius Filius?* moxque tibi ipse respondes: Id enim vero in animum inducere non possim, non INPIUM faciam *Vespasianum*, sed ab ingenio illius nimium abhorret magnifica istiusmodi publico in ære majorum observantia. Conrobore isthæc niteris testimonio SÜETONII (α) sic loquentis: *Mediocritem præstinam neque dissimulavit unquam, ac frequenter etiam præsetulit, quin & conantes quosdam originem Flavii ge-*

B 3

(α) Suet. in Vesp. c. 12.

*neris ad Conditores Reatinos, comitemque Herculis - - - referre, irrifit ultro. Et paulo post: Ne Tribunitiam quidem potestatem, & Patris patriæ adpellationem nisi sero recepit.*

Candide hic tecum conloquor: qui tu Vespasiano ex scalpto Matri numo *impietatis* notam conflare, adspargereque possis, neutiquam intelligo. Quis enim unquam filium, quod matrem, splendido alioqui genere oriundam, publica honoris significatione, publicove monumento colat, *impium* propterea conpellet? Ecquisnam magnificam majorum observantiam probrobo *impietatis* nomine dedecorare aufit? præpimis quum fermo est de priscis illis seu Græcis, seu Romanis, quibus nihil sanctius, nihil solemnius fuisse constat, quam majorum, parentumque venerationem, adeo uti & divinos iisdem honores decernerent, defunctosque vel Deos crearent. Ipse certe SVETONIVS aperte Claudium Cæsarem de prædicat (α), quod *conversus ad officia PIETATIS iusjurandum neque sanctius sibi, neque crebrius instituit, quam per Augustum. Avia Livia divinos honores, & Circensi pompa currum elephantorum Augustino similem decernendum curavit. Parentibus inferias publicas: & hoc amplius, patri Circenses annuos natali die; MATRI carpentum quod per circum duceretur: & cognomen Augustæ ab Avia recusatum. Ne Marcum quidem*

---

(α) Sueton. in Claud. c. 1.



*Antonium inbonoratum, ac sine grata mentione transmisit. Te-  
status quondam per edictum: tanto impensius petere se, ut na-  
talem Patris Drusi celebrarent, quod idem esset & Avi sui An-  
tonii. Tiberio marmoreum arcum juxta Pompeji Theatrum - -  
peregit.*

Tu ipse paulo post exemplum adducis Caji, matrem numo ejus honori signato honorantis; imo, quum infra pag. 24 mentionem infers signatorum Agrippinæ, ac aliarum *Augustali-um* feminarum numorum, hæc adeo interferis verba: *in quibus, numis, FILIORUM PIETAS celebratur.* Idem ipse, de quo ante, Cajus Cæsar publicam sibi promeritus est *Pietatis* statuam ob Templum, divi Augusti proavi honoribus dedicatum; testatum id faciunt numismata ærea, quorum aliquot ipse meo in Museo habeo. In area anteriore visitur *Pietas sedens d. pateram tenens, f. vestem complexa*; inscriptio in numi limbo: C. CÆSAR. AVG. GERMANICVS. P. M. TR. POT. PIETAS. In medio: DIVO. AVG. Postica repræsentat *Templum Hexastylon.* Tantum itaque abest, ut Veteres magnificam majorum avorumque suorum observantiam censerent *impiam*, ut potius summam in iis, non numo tantum, sed vel templo honoratis *pietatis* laudem repositam putarent. Supervacaneum foret ad hoc firmandum plura hic percerere priorum seu testimonia, seu exempla, quæ innumera sunt, ac veterum codices, & monumenta consulentibus obvia.

At insolentem, vanum, adrogantem eapropter dixeris Vespasianum? ne id quidem: nam feriendo Vespasie honoribus numo *mediocritatis* aut *modestie* limites transgressus minime dici potest, quum idcirco sibi, vel genti suae *Flaviae*, nempe teste SVETONIO ( $\alpha$ ) *obscurae*, ac sine ullis *majorum imaginibus*, nihil quidquam seu laudis seu gloriæ alienæ adrogarit; aut præcerpserit; sed genus solummodo *Vespasiorum*, quorum alioquin, teste eodem ( $\beta$ ), *conplura monumenta exstabant*, *magnum indicium splendoris familiae*, & *vetustatis*, in Vespasia Polla congruo publici in ære monummenti honore inlustrarit, exemplo non modo decessorum suorum Augustorum, sed ipsorum adeo Triumvirorum Monetalium, qui Familiarum, ac majorum suorum *memoriam* flatibus, signatisque numis posteritati consignarunt: id quod *Familiarum Romanarum Numismata* satis superque conprobant.

Unum modo hic commemorabo exemplum A. Vitellii, quod, quum iste proximus Vespasiani decessor fuerit, præsentissima adhucdum memoria complecti debebat Vespasianus; signaverat ille numum in honorem Patris sui L. Vitellii, quem TACITUS tradit ( $\gamma$ ) *Censorem*, ac *ter Consulem*

( $\alpha$ ) Sueton. in *Vespasian.* C. 1.

( $\beta$ ) Idem. *ibid.*

( $\gamma$ ) Tacit. *Hist.* I. 9.

*sulem* fuisse: numismatis hujus meminere & Inl. MEDIOBARBUS, & Cl. VAILLANTIUS, uterque in numis Vitellii Imperatoris. Jam quis vitio verterat Vitellio, quod numismate nomen cohonestarit Patris, amplissimis Reipublicæ usi honoribus, & cujus *amplitudine*, quod ait idem TACITUS (α), *omnia adeptus est* filius? Equis itaque Vespasianum vanitatis arceffat aut insolentiæ, si quidem in moneta consignasset memoriam Matris, genere ortæ nobilissimo, & aqua stemmatis claritudinem, quin nomen ipse fortitus erat suum?

Verum cedo, num quia numus Vespasie Pollæ inscriptus est, continuo Vespasianus filius eum feriundum permisisse censendus est? An non nepotes Titus aut Domitianus idem præstare poterant? quæ hic, amabo, rei hujus repugnancia? summam imo hujus deinceps tibi ostendam convenientiam. Quid? quod hoc loco oblitus videris notæ S. C. qua consignatus est numus, quæque manifesto indicat, haudquaquam Vespasiani jussu, aut arbitrio, sed publica Senatus autoritate ac consulto numisma procusum? Quippe conperit habes ex unanimi jam Antiquariorum consensu, atque etiam inferius pag. 25. confiteris, æris signandi, cudendique jus ac potestatem integram penes Senatum existisse. Et certe temporum illorum conditioni valde consentaneum fuisse

C

(α.) Tacit. Hist. III. 86.

videtur, ut, ubi (α) *rebellione trium Principum, & cade incertum diu & quasi vagum imperium suscepit, firmavitque tandem gens Flavia*, senatus Romanus de adeo lætis, fortunasque novi Principis primordiis sibi populoque gratulatus, una ejusdem, unde oriundus erat, generis nobilitatem, ab veteribus illis Romanis tantopere expetitam & æstimatam; quæque sola in *Vespasiano*, reliquis dotibus omnibus instructo, desideraretur, publico quopiam documento notam in vulgus, testatamque faceret; id quod, quum ex *Vespasiani paterno*, nempe novo, *obscur*o, nullisque *majorum imaginibus* claro, minime *confieri* posset, ex materno denique *Vespasiorum*, ab *splendore & vetustate* plurimum commendato genere, procufo *Vespasie Matris* honoribus numismate, *con-*  
*fecerit conprobaritque.*

Sane, quanta tum apud universos, præsertim urbis primores, advenientis novi Principis Vespasiani fuerit expectatio atque amor, non aliunde certius discimus, quam ex FL. JOSEPHO, illis temporibus cœvo, qui hac super re ita scribit (β): Τοιαύτης δ' ἐννοίας ἐξ ἀπάντων ὑπαρχέσης, τοῖς μὲν κατὰ τὰς ἀξιώσεις πρᾶχθαι τῶν ἀνδρῶν ἐκ ἑτ' ἀνεκλόν ἢ ἀναμείνειν ἀλλὰ ποῦ ῥ' ὠτάτω τῆς Ρώμης αὐτῷ προεντυχεῖν ἔσπεν-

(α) Sueton. in Vespasi. Cap. 1. initio.

(β) Joseph. de Bell. Jud. VII. 4.

δὸν ἀμὲν εἰδὲ τῶν ἄλλων τις ἠνείχετο τῆς ἐντέυξεως τὴν ἀναβολὴν,  
 ἀλλ' ἔτῳς ἐξεχέοντο πάντες ἄδρόσι, καὶ πᾶσιν εὐπορώτερον καὶ  
 ῥᾶν ἐδόκει τε μένειν τὸ ἀπέναι, ὥς καὶ τὴν πόλιν αὐτὴν τότε πρῶ-  
 τον ἐν ἑαυτῇ λαβὼν ὀλίγαν θρωπίας αἰθρῶσιν ἠδῆαι ἥσαν γὰρ ἐλάτ-  
 τας τῶν ἀπώλων οἱ μέροντες. Quum autem tanta in eum om-  
 nium exsisteret benevolentia, viris quidem, dignitate eminentio-  
 ribus, non ultra toleranda erat ejusdem expectatio; sed longissi-  
 me ab Roma prius se obviam ei dare properabant. Neque tamen  
 aliorum quisquam moram ejus conveniendi ferebat, sed ita omnes  
 confertis effundebantur agminibus, & universis expeditis ac faci-  
 lius ire, quam manere videbatur, ut & ipsa urbs tum primum in se  
 jucundam persentisceret hominum infrequentiam: nam qui mane-  
 bant, pauciores erant abeuntibus. Idem loco mox indicato lu-  
 culenter quoque senatus Romani de Vespasiano exultatio-  
 nem his verbis declarat: Τῆτε γὰρ βελῆ κατὰ μνήμην τῶν γε-  
 γεννημένων ἐν ταῖς τῶν ἡγεμόνων μελαβολαῖς συμφορῶν, εὐχταῖον  
 ἦν ἀπολαβεῖν ἡγεμόνα, γήρως σεμνότητι καὶ πράξεων ἀκμῇ  
 πολεμικῶν κεκοσμημένον, ᾧ τὴν ὑπεροχὴν πρὸς μὲνιν ἠπίσαντο  
 τὴν τῶν ἀρχομένων σωτηρίαν ἐσομένην. Nam & senatus memor  
 calamitatum, quas ex Principum mutatione adceperat, exo-  
 ptabat suscipere Imperatorem, senectutis gravitate, bellicorum-  
 que gestorum gloria condecoratum, cujus eminentiam solum modo  
 salutis subditis fore noverat.

Cetera neque SUTTONII autoritas te hoc loco fatiscituetur, quippe fallax, & erronea: etenim Vespasianum neuitiquam *sēro*, quod ille ait, *Tribunitiam Potestatem*, & *Patris Patriæ adpellationem*, verum quam mox primo, atque altero Imperii anno adcepisse numi testantur sinceri, & conprobatæ vetustatis, totidem monumenta, certiora ipsis Historiicorum manuscriptis, publica, synchrona. Unus Inlustrissimus Comes MEDIOBARBUS in suis Romanorum Imperatorum Numismatibus quaterna cum ejusmodi inscriptione, atque adpellatione sub primo & secundo Vespasiani imperantis anno exhibet; hunc SUTTONII errorem quoque notavit Cl. FROELICHIUS ὁ μακαρίτης (α).

Præterea qui tu mihi laudatam ab SUTTONIO Vespasiani *mediocritatem* sat apte conciliaris cum sumptuosissimis ab eo, teste eodem (β), exstructis *operibus*, *Templo Pacis foro proximo*, *Divique Claudii in Coelio monte*; item *Amphitheatro urbe media*? Sane quale, quantumque opus fuerit Templum hoc Pacis, id nos doceant scriptores antiqui: missos enim hic facio numos, ejus pariter rei testes. HERODIANUS (γ) illud nuncupat: Μέγιστον, καὶ κάλλιστον γένόμενον τῶν ἐν τῇ πόλει ἔργων, *operum cunctorum tota urbe maximum atque pul-*

(α) Froelich. *Tentam.* I. p. 20.

(β) Sueton. in *Vespas.* c. 9.

(γ) Herodian. *L.* I.

*cerrium. Item: Templorum omnium opulentissimum, multoque ornatum auro & argento. In eandem sententiam PLINIUS (α) illud adpellat pulcerrimum operum, quæ unquam. Idem alibi (β) Coronas, ait, ex cinnamomo interrasili auro inclusas primus omnium in Templis Capitolii atque Pacis dicavit Imp. Vespasianus Augustus. Ab his minime dissentit JOSEPHUS sic loquens: (γ) Magnis opibus largiter hanc in rem usus, & priscorum etiam præclara omnia adhibens, picturis & statuis pulcerrimis illud, Templum Pacis, adornavit. Omnia namque in hoc Templum conlata, atque congesta erant, quorum visendorum studio homines antea per totum terrarum orbem vagabantur, quo modo aliud apud alios se haberet, videre cupientes. Ἀνέθηκε δ' ἐν ταῦτα καὶ τὰ ἐν τῇ ἱερῇ τῶν Ἰουδαίων χρυσῇ κατασκευάσματα, σεμνυρόμενος ἐπ' αὐτοῖς. Reposuit autem & ibi ex Judæorum Templo vasa aurea, de istis GLORIANS, & SESE EFFERENS. Audin' Vespasianum magnifice sese extollentis modestiam & mediocritatem?*

Porro qui tu, quod longe difficilior, eandem hanc Vespasiani mediocritatem ac modestiam conciliaveris cum superbissimo illo, quem de capta Judæa cum Tito filio (cui quidem uni, tamquam Hierosolymorum expugnatori, Judææ everfori, atque belli Judaici confectori, id quod CL.

## C 3

- (α) Plin. XXVI. 15. (β) Id. XII. 1.  
(γ) Jos. De Bell. Jud. VII. 5.



VAILLANTIUS (α) quoque advertit, omnis ea pompa principe titulo debebatur) veluti ad se æquo jure pertinentem egerat triumphum? super quo ipse, *fatigatus* (β) *tarditate* & *radio* *potius* conquestus erat: *merito se plecti*, inquit, *qui triumphum quasi aut debitum majoribus suis, aut speratum unquam sibi tam INEPTE senex concupisset*. Adeo ille ipse, at sub finem demum, ejus pompæ vanitatem & ineptiam agnovisse, condemnasseque videtur. Profecto infortunatissimum, atque omnium ad eum diem actorum triumphorum superbissimum fuisse testatur OROSIVS (γ) his verbis: *Ubi Vespasianus & Titus Imperatores, magnificum agentes de judæis triumphum, urbem ingressi sunt; pulcrum & ignotum ante cunctis mortalibus inter CCCXX. triumphos, qui a condita urbe usque ad id tempus acti erant, hoc spectaculum fuit.*

Multo etiam his ampliora de illo commemorat denuo FL. JOSEPHUS scriptor synchronus, qui diligentissime Judæicarum rerum persecutus est historiam, & quidem sermonis lepore adeo conquisito, ut D. Hieronymus eum *Livii Græci* nomine compellet: *Ἀμύχανον δὲ*, inquit ille, (δ) *κατὰ τὴν ἀξίαν εἰπεῖν τῶν θαυμάτων ἐκείνων τὸ πλῆθος καὶ τὴν με-*

(α) Vaill. Num. Præst. T. II. p. 98.

(β) Suet. in Vesp. c. 12.

(γ) Oros. Historiar. advers. gent. VII. 9.

(δ) Jos. de Bell. Jud. VII. 5.



γαλοπρεπείαν ἐν ἅπασιν, ὅς ἂν τις ἐπινοήσκειν, ἢ τεχνῶν ἔργοις, ἢ πλέτε μέρεσιν, ἢ φύσεως σπάνιότησι. *χερὸν γὰρ ὅσα τοῖς πᾶσι ποτ' ἀνθρώποις εὐδαμονήσασιν ἐκτίθη κατὰ μέρος, ἄλλα παρ' ἄλλοις θαύμας, καὶ πολυτελῆ, ταῦτ' ἐπὶ τῆς ἡμέρας ἐκείνης ἀθροάτης Ῥωμαίων ἡγεμονίας ἔδειξε τὸ μέγεθος. Ἀργύρετε γὰρ καὶ χρυσῆ, καὶ ἐλέφαντος ἐν παντοίαις ἰδέαις κατασκευασμάτων ἦν ὄραν, ἔχ' ὥσπερ ἐν πομπῇ κομιζόμενον πλῆθος, ἀλλ' ὥς ἂν εἴποι τις ῥέοντα ποταμὸν. Nolo reliqua, ne longior sim, græce proferre, sed omnia latine modo reddo: Pro merito narrari multitudo spectaculorum, magnificentique non potest in omnibus, quæ quisque aut artium egregiis factis, aut divitiarum ostentatione, aut naturæ novitate excogitavit. Nam pene, quæcumque hominibus, qui usquam sunt, fortunatis paulatim obtigerunt, aliis alia mirabilia atque magnifica, hæc simul universa illa die Romani Imperii magnitudinem probaverunt. Etenim argenti, aurique, ac eboris in omni operum, machinarumque specie multitudinem, non ut in pompa ferri cerneret; sed quasi si quis dixerit decurrentem fluvium: Et alias quidem vestes ex purpura rarissima, alias vero conquestis picturis arte Babylonica variatas. Gemmæ etiam, aliæ quidem aureis coronis insertæ, aliæ vero aliis operibus inclusæ, in medium tam magno numero adlatæ sunt, ut hinc discere liceret, frustra nos earum aliquid rarum esse existimasse. Quin Et Deorum simulacra ferebantur, magnitudine apud ipsos mirabilia, Et arte excimia elaborata: bo-*

rumque nihil, nisi quod ex pretiosa materia. Insuper animalia diversæ naturæ traducebantur, omnia ornamentis sibi propriis induta. Erant autem quoque, qui singula portarent, homines multi, purpureis vestibus atque inauratis ornati: quique ad pompam fuerant destinati, insignem, & admirabilem ornamentorum magnificentiam præseferbant. Præterea neque captivorum turbam cernere erat inornatum; sed vestium varietas, bujusque pulcritudo natam ex corporum fatigatione deformitatem oculis subtrahabat. Maximæ vero admirationi erat ferculorum, quæ portabantur, adparatus: nam vel propter magnitudinem de gestationis firmitate metuebat, quicumque obcurreret. Multa quippe in tertium tabulatum, quartumque surrexerunt; atque magnificentia fabricæ delectationem adferebat una, ac stuporem incutiebat. In multis namque auratæ erat vestis amictus, & argentum, atque ebur adfabre elaboratum singulis erant adfixa.

Visum est hæc fusius referre, tum quod, qui hæc conscripsit JOSEPHUS, suis eadem ipse oculis usurparit, tum quod veluti facem præferant, quo quis facilius superbissimi ejus post natos homines triumphi pompam ac magnificentiam animo sibi fingere queat. Age tu jam, & Vespasiani mediocritatem cum hoc triumphali fastu componito! Ut nihil jam dicam de ejusdem avaritia, nihil de vanis honorum vocabulis, quæ suis inscribi numis passus est: de his namque uberior

rior infra erit edifferendi campus. An non certius mediocritatis laudem sibi aut comparasset, aut constabilisset Vespasianus, si, contempta triumphipompa ac vanitate, ea serio fecum ipse reputasset argumenta, quæ alia TULLIUS (α) ob-  
 catione Pisoni inludens subgesserat: Quid tandem habet iste cur-  
 rus? quid vincti ante currum duces? quid simulacra oppidorum?  
 quid aurum? quid argentum? quid legati in equis & tribuni?  
 quid clamor militum? quid tota illa pompa? inania sunt ista,  
 mihi crede, delectamenta pene puerorum, captare plausus, ve-  
 bi per urbem, conspici velle, quibus ex rebus nihil est, quod  
 solidum tenere possis. Quid? quod laudatus aliquoties JO-  
 SEPHUS testatur (β), eo insuper vanitatis processisse cum Ti-  
 to Vespasianum, ut & per loca, alias spectaculis dumtaxat  
 destinata, triumphalem pompam deduceret, ἔτις ἐν τοῖς  
 πλῆθεσιν ἡ Σεα ἔφων. Quo multitudini facilius foret adspectus.  
 En insolitam, & immodicam hominibus sese ostentandi cu-  
 piditatem! Aliam profecto, multoque tutiorem, qua mode-  
 stiae, & mediocritatis famam consequeretur, viam inivit Ha-  
 drianus Imperator, de quo SPARTIANUS (γ) sequens rarè  
 in ambiosis iis Principibus moderationis specimen memoriae  
 prodidit: Cum triumphum ei senatus, qui Trajano debitus erat,

## D

(α) Cic. Orat. in Pison. 25.

(β) Joseph. de Bell. Jud. L. 1.

(γ) Spartian. in Hadrian. c. 6.

*detulisset, recusavit ipse, atque imaginem Trajani curru triumphali vexit, ut optimus Imperator ne post mortem quidem triumpho amitteret dignitatem.*

At denique te ipsum jam triumphalis ejus magnificentiae, an vanitatis? fastidium atque satietas ceperit. Transibo itaque tecum ad examinandum Vespasiae vultum: aniles tu in hoc desideras rugas, quas quidem in numismate nullas adesse adseveras. Sed neque juvenilem, quod tu dicis, vultum refert numus meus, cujus quidem ectypon ab sculptore, quantumvis tertium eapropter admonito ac correcto, minus accurate expressum si longe aliam, ac reapse est, Pollae meae speciem obtutui tuo objecit, illius, non mea id culpa addidit. Intuere jam numismatis imaginem, opellae huic praefixam, atque a meliore artifice multo majori cum arte fideque in aes incisam, & juvenilem hic pupam aliquam mihi detege, cui jocularia illa ex MARTIALE tatarum, & mammarum agnomina ex vero accommodare possis. Carmini, quod ex ejusdem L. III. Epigr. 88. ad nitentis, quem Suetonius vocat, Vespasiani vultum adplicas, sequens ex illius L. II. Epigr. 87. de eodem Vespasiano addo:

*Qui faciem sub aqua, Pbæbe, natantis babes.*

Viden', ut tuum τὸ nitentis ex Suetonio cum meo τῷ natantis ex MARTIALE belle congruat? Verum quid nugis istis

inmoramur ? Ut largiar tibi, juvenilem omnino Vespasianæ in numismate repræsentari faciem, tamen inde contra hujus integritatem & antiquitatem nihil dum concluderis. Habes rei hujus non tot, quin plura documenta atque specimina in plerorumque recentioris ævi Principum numis, quorum sexagenariorum eadem sæpe, quæ vicanariorum, aut tricenariorum, oris lineamentorumque in monetis prostat conformatio: ad investigandam hujus adfert veritatem haud opus habes alio, præterquam oculorum ipsorum testimonio, atque contuitu. At tamen ut uno velut ictu omnem hanc, si quæ sit, subcidam difficultatem, utque tu majorem antiquorum in ejusmodi commatibus excidendis adcuracionem ne obtendas, ipsa adeo Illustrissimi Baronis DE LA BASTIE pulcherrima verba, ex ejusdem, a te alibi (α) dilaudato in *Numariam P. Joberti Scientiam* Commentario (β) excerpta, & quidem, quo brevior sim, integerrima fide latine conversa isthic subjungo:

*Pro modica, quam quis hausserit ex tractatis antiquis numismatibus, notitia atque consuetudine ignorare haud potest, eundem crebro Principem, seu eundem Imperatorem oris vultusque habitu parum congruo, ac valde dissimili repræsentari usque adeo, ut, nisi unum idemque inscriptio referret nomen, binos*

D 2

---

(α) *Epist. I. pag. 9.*

(β) *Tom. II. p. 215.*

*ſepenumero ejusdem Principis numos binis ab invicem magnopere discrepantibus Principibus adtribueret. Iſtæc veritas præcipue eluceſcit in argenteis Getæ, & Severi Alexandri numis: in prioris numiſmatibus jam forma admodum juvenis, jam barba adfatim hiſſutus, virique quadragenario majoris viſitur vultus; quamquam Getæ vivendo non adtigerat, niſi annum tertium ſupra viceſimum. Hujus teſtes & advocatos ipſe ego meo ex numophylacio quinos conſtituere poſſum Getæ numos, quorum ne uni quidem cum altero convenit; alius certe eundem refert ſub ſpecie juvenis, vix ad viceſimum ætatis annum adcedentis, ubi e converſo alius ſpiſſa, beneque promiſſa ejus mentum obvolvitur barba, eumque totius vultus exhibet habitum, qui ab ſexagenario recedat proxime.*

*Quod ad Severum Alexandrum adtinet (proſequitur laudatus Inluſtriſſimus Conmentator) ſi quis adtente ipſius conſideret numiſmata, in his copiam detegit eorum, in quibus plane eadem hujus Imperatoris, quæ Elagabali, exſiſtit facies, adeo ut, absque inſcriptionis adminiculo, quiſque dubio procul in errorem induceretur. Vidi præterea argenteum numum Trajani Decii, vultu habituque juvenili, quamvis plerumque in numiſmatibus compareat ætatis ſat provectæ. Argenteo huic æneum ex quatuor denis, quæ meo in Muſeo cuſtodio, ejusdem Imperatoris numiſmatibus liceat hic mihi adjungere; iſthoc Trajanum Decium inberbem, ſpecieque prodit juvenili, ubi*

contra in reliquis barbatus, natuque grandis, qualis solet, & qualem tu quoque in I. ad me *Epistola* exhibes, conspicitur. *Adeo* (ad rem prorsus adposite concludit Vir ille Doctissimus) *nihil solidi statui, conficique potest super ætatis, orisque lineamentorum diversitate, quæ in vultibus monetali opere efficitur adparet. Audistin', quam levis, aut nullius potius ponderis sint argumenta, ex diversa oris lineamentorumque compositione desumpta? Ita sane meis in numismatibus bina numero Domitiæ inscripta, diversissimi utrumque vultus: alia pariter bina Marcianæ consecrationem exhibentia, vultus quoque habitu admodum dispari. Ita ex septenis, quos adservo, Sabinæ numis quaterni formam oris referunt inpendio discrepantem. Prætereo Lucillæ, Faustinae, aliarumque numismata, quæ quamquam quoad inscriptionem, metallique speciem ac fabricam sibi sunt æqualia, minime tamen inter se conveniunt quoad lineamentorum conformationem.*

His jam ultra quod addam, necesse non habeo: interea tamen, ne quid prætermisisse videar, istis velut cumulum exemplo plane gemino addo binas totidem Augustorum, nempe Agrippinam Caji, & Agrippinam Neronis, Matres: in istarum tu mihi numis aut rugas, aut formam, quæso, exhibe senilem! cur igitur rugas, cur senectam in sola Vespasiani Matre requiris? At illas. dices ætate media, annis-

que non admodum graves diem obiisse. Verum hanc, Vespasiam puta, unde, ex quonam scriptore antiquo, ex quo monumento vetere tu mihi eviceris rugosam aut annosam? Adde, hujus forte effigiem tum, quum ætate adhucdum florebat, vigebatque, id quod hodieque in nobilium præsertim feminarum imaginibus fieri solet, ab Apelle quodam coloribus, pigmentisque expressam; vel a Phidia aliquo in marmor aut æs incisam; atque ab hac adeo ipsa Triumvirum, five coelatorem monetarium typarii sui formam mutuatum fuisse. Quid hic absurdum, quid cernis absonum? Cetera da mihi eum ex antiquis scalptorem, qui omnes etiam minimos lineamentorum apiculos, qui subtilissimos rugarum fulcos, vix oculis conspicuos, tenuissimaque pilorum stamina in exili æris frustulo ad numerum, ad nativam expresse- rit, reddideritque formam: atque esto, expresse- rit licet; num temporis edax dens per continuam decem & septem seculorum seriem nihil quidquam inde detriverit? En! ad quas aniles rugas, an nugas? delapsi sumus, ut si lis nobis foret similis illi, qua quis disceptet: utrum Aeneas, in Italiam adpulsus, primum dextro, an pede lævo terram tetigerit?

Age igitur, relictis his nucibus, aliam excutiamus quercum! Revocatam ajo Vespasie mortuæ memoriam. Ecce tibi uno hoc ictu prostratam, everfamque omnem illam futilem de rugis, senioque contentionem! sed tu contra: *Arbi-*



tror, ais, *avia* Tertullæ potius æternitati consulturum fuisse *Vespasianum*, a qua in prædiis *Cosanis* educatus erat, matre, ut videtur, minus sollicita, & amante, cum teste SÜETONIO eum identidem anteambulonem fratris adpellaret. Quin obpono ego, ex hoc eodem SÜETONII loco (α.) plane fieri apertum, matrem de *Vespasiano* ut quam maxime fuisse sollicitam. Audiamus modo totum orationis, quam tu consulto mutilasse videris, contextum: *simta toga virili, latum clavum, quamquam fratre adepto, diu averfatus est: nec ut tandem adpeteret, COMPELLI nisi a Matre potuit. Ea demum extudit magis CONVITIO, quam PRECIUS vel AUTORITATE, dum eum identidem per CONTUMELIAM anteambulonem fratris adpellat. Anea tibi Mater de filii honore minus sollicita videtur, quæ, ubi preces, ubi autoritatem necquidquam profutura animadvertit, ipsis adeo convitiis, contumeliarumque aculeis filium urget, atque compellit ad congrua dignitatis, honorisque insignia adsumenda?*

Verum enim vero *Aviæ* memoriam tantopere dilexit, ut solennibus ac festis diebus pocillo quoque ejus argenteo potare perseveraverit. (β). Quam connexa sententia, prosequeris tu, hic addidisset Historicus: *matrem vero exemplo Caji etiam numo ejus honori signato honoravit. Quam connexo potius ora-*

---

(α) Sueton. in *Vespas.* c. 2.

(β) *Id. ibid.*

tionis filo, excipio ego, hic addidisset Historicus: eidem, scilicet aviæ, exemplo Caji etiam maximos honores decernendos, & numum signandum curavit; quum enim minime de matris, sed de aviæ dumtaxat amore, quo hujus memoriam profecutus erat Vespasianus, mentionem hoc loco faciat SÜETONIUS, non, nisi inopportune rupto filo, sermonem ad matrem detorsisset. Cetera quid mirum, quod *educatus sub paterna Avia Tertulla* (α) hanc tantopere dilexerit, quum quoque & loco incunabulorum sic adficeretur, ut eum *assidue* (β) *frequentaret*, manente villa, qualis fuerat olim: ne quid scilicet oculorum consuetudini deperiret. Nempe primæ, quæ mollioribus puerorum cerebris, animisque imprimuntur, rerum imagines atque adfectiones, & insident firmissime, & earumdem recordatio nunquam non addidit jucundissima!

Sed cur aviæ tantopere dilectæ nomen metallo ad immortalitatem non consecravit? Itane vero? tu hic non dubitas *impium* facere Vespasianum, qui aviæ paternæ (de hac namque hic sermo) nimirum *obscuræ* genere ortæ, publicum præcipui honoris monumentum, ut puta numum feriundum decreverit, pristinæ suæ, abs te cum SÜETONIO tantopere superius dilaudatæ, *mediocritatis* oblitus? Vespasianum, inquam, eum

---

(α.) *Id. Ibid.*

(β.) *Id. l. l.*

eum, quem paulo ante ob numum Matris, licet ex *splendidissima* ac *vetustissima* *Vespasiorum* gente prognatae, honori-fignatum, *impium facere* verebare? Sed omnis, si quæ sit, hæc difficultas penitus conruit, Pollæ numismate nec Vespasiani, ut supra jam innui, jussu, neque autoritate percusso.

At cur, urges, de signato hoc numo nihil quidquam in tabulis adnotatum invenitur? aut ecurr numum, qui sub Trajano vixit TRANQUILLUS, videre autem debuerat, vel non vidit, vel non recensuit? si modo illa, quorum in antiquis tabulis aut codicibus fit mentio, numismata in sinceriorum ac genuinorum loco censere velis, VIR PLURIMUM REVERENDE, quot nobis ex universo antiquorum, qui, secundum Inlustrissimi Baronis DE LA BASTIE computum, quinquagies superat millesimum, notorum, atque usque huc conpertorum numorum numero reliqua forent probata, testataque integritatis numismata? quot fors tibi ipsi, & in his carissima quæpiam, quæ tuo in Museo ut totidem oculos custodis, in commentitiorum, aut saltem dubiorum censum rejicienda essent? An nescis, ipsam Historiam (id quod Cl. P. JOBERTUS (α) quoque testatur) sæpenumero a numis, quippe fidissimis, omnisque doli expertibus testibus, fidem atque auctoritatem mutuari debere? *Nova nempe*, huic sub-

## E

(α) P. Jovert la Science des Méd. Astr. V.

fragatus dicit Cl. FRŌELICHIVS tuus ὁ μαχαρίτης (α), *subsidia e numis adhuc historia praestolatur.*

Et sane mille eventuum, de quibus altum in historicis Conmentariis silentium, cognitio nos destitueret, nisi de illis numi, historicorum vice perfuncti, omni adcuratius scriptore certiores nos redderent. An non enim hodieque ignoraremus, filium Antonino ex Faustina procreatum, atque Marcum Annium Galerium Antoninum nominatum fuisse, absque testimonio aenei mediae formae numi Graeci, quem rarissimum Cl. PATINUS (β) prodidit? Eadem ratione Vespasiani Aug. filius ΟΤΕΣΠΙΑΣΙΑΝΟΣ ΝΕΩΤΕΡΟΣ *Vespasianus junior* ex Smyrnaeorum numismate ab Harduino prolatus est. In aeterna fortasse pace (posterior quippe numismatis area hanc continet inscriptionem: PAX AETERNA) quiesceret Pacatiani Imperatoris nomen, nisi numum hujus argenteum rarissimum vulgasset P. Chamillardus (γ). Unde, nisi itidem e numis, conperissemus, ab Vespasiano Vestae, & ab Antonino Pio D. Augusti Templum fuisse restitutum, uti erudite coniecere Cl. Cl. MEDIOBARBUS, & VAILLANTIUS? Sic ex numismatibus quoque palam est, Sallustiam Barbianam Orbianam (cujus bina elegantissima numismata meo servo

(α) Frœlich. *Tent.* I. p. 15.

(β) Patin. *Imp. Rom. Numism.* pag. 186.

(γ) P. Chamillard. *Epist. A.* 1701. *inpressa.*

in Museo) Severi Alexandri, atque Herenniam Etruscilam, de qua antehac diu addubitatum fuit, Trajani Decii uxorem fuisse, id quod a Cl. SEGUINO (α) in Epistola, Octavio Falconerio inscripta, solido argumentorum robore constabilitum est. Marcianam præterea Trajani sororem, ejusque filiam fuisse Matidiam, ex similibus numorum monumentis innotuit. Sic Gnea Cornelia Supera, non nisi a numis nota, a VAILLANTIO, & Comite MEDIOBARBO Valeriani junioris conjunx declarata est. Tranquillinam, Gordiani Pii uxorem, Furiam Sabinam compellatam esse, numismata prodiderunt.

Si itaque Pollæ consignatus fuit in ære numus, cur TRANQUILLUS, rogitas iterum, illum non vidit, quem tamen videre debuerat? quid tu isthic inquis, videre debuerat? num tu, num ego, num alius quisquam cunctos ac singulos nostrorum, qui nostra, aut patrum nostrorum memoria vixere, Principum numos, pro varia temporum, seu eventuum conditione varios signatos, cufosque vidimus, vel videre debuimus? Atqui vidit, ajo, Pollæ numisma SUTRONIUS. Ecceur ergo illius non meminit? At, amabo, cur idem non meminit aliorum numismatum, ipsius Vespasiani honori cum singulari quadam tituli prærogativa percussorum,

E 2

---

(α) Seguin. *Sel. Numism.* p. 287. seqq.

qualia sunt ea, in quibus Vespasianus adpellatur AUGUR TRI. POT., quum tamen hoc nomen, teste FROELICHIO (α), in aliorum Augustorum ære signato vix deprehendatur? Cur nullam infert mentionem numorum ejusdem Vespasiani, ac filiorum Titi, & Domitiani cum *Censōris* titulo, quem, adstante denuo laudato mox FROELICHIO (β), soli hi tres Augusti (& Domitianus insuper, quod refert P. JOBERTUS (γ), *sē fit CENSOR PERPETUUS, sans que depuis lui on puisse jamais rencontrer cette qualité sur les Médailles, se creavit Censorem perpetuum, quin banc prærogativam in ullis post ipsum numis reperire sit*) in veteri metallo usurpavere, quamvis censoriam quidem potestatem Augustus, & ejus in imperio subcessores susceperint.

Et cur ille idem Domitillæ, cur Juliæ Titi filiæ, cur Domitiæ, cur filii, Domitiano ex hac eadem Domitia procreati, consecratique, ac cum aliis e gente Flavia inter fidera collocati, numos subticet? ubi tamen horum ultimi STATIUS (δ) meminit in Domitiani gratiam :

*Huc & sub nocte silenti,*

*Cum superis terrena placent, tua turba relicto*

(α) Froelich. Tent. I. pag. 21.

(β) Id. ibid. p. 22.

(γ) P. Jobert. Instr. VI.

(δ) Stat. Papin. Sylv. I.

*Labetur cælo, miscebitque oscula juxta.*

*Ibit in amplexus NATUS, fraterque Paterque,*

*Et foror; una locum cervix dabit omnibus ASTRIS.*

MARTIALIS quoque de eodem canit (α):

*Templa Deis, mores populis dedit, otia ferro,*

*Astra suis, cælo SIDERA, ferta Jovi.*

Hoc ipsum numisma exhibet VAILLANTIUS (β), in quo visitur *infans globo infidens, circumdatus stellis.*

Cur denique complura alia silentio involvit numismata, quæ tamen, quippe in currentis monetæ usum signata, sibi-que coævæ, atque aliis sub idem tempus conspecta, videre debuerat TRANQUIELUS? An tu fors omnia hæc ob SUE-  
TONII silentium sublesta fidei argues, aut adulterina pronun-  
tiabis?

Similifere argumentandi genere uti sunt, qui sæculo su-  
periore *Othones æreos* existere, id quod jam hodiernorum  
nullus Antiquariorum in controversiam vocat, acriter non mi-  
nus, atque audacter negarunt. Ipsa adeo, alias literatissi-  
ma Suecorum CHRISTINA, regni perinde ac sexus sui Or-

(α) *Martial. L. IX. Epigr. 104.*

(β) *Vaillant. Num. Præf. T. II. p. 111.*

namentum, teste CHIFFLETIO (α) (qui, uti tu modo Epistolam contra æneam Vespasiam meam, ita olim integram in Othones æreos Dissertationem exitu infausto, conatibusque literariis minime respondente conscripserat) quum inaudisset, adlatum e Germania Serenissimo Archiduci LEOPOLDO GUILIELMO Belgarum Proregi Othonem æneum, in hæc verba prorupit: qui æneum Othonem repererit antiquum, Philosophicum lapidem invenerit. Pol! beatos hodie Alchymistas, si cum altero alterum hujus sententiæ membrum æquali nexu conjunctum foret! AENEAS VICUS Parmensis, Antiquariorum Primipilus ait (β): *Di Othone non dico, la cui effigie niuno, senza suo inganno, si vanta aver veduta stampata in rame. De Othone nihil dico, ejus effigiem nemo citra proprium errorem jactat se vidisse æri impressam.* Idem alio loco (γ) repetit: *Le Medaglie di Othone in argento, ed in oro sono tutte rare; ma di rame fin qui non ne ho veduta alcuna antica, nè parlando con vecchi Professori di queste cose, in tutta Italia non ho ancor trovato uno, che veduto ne abbia: ma si ben di finte assai.* Numismata Othonis argentea, & aurea omnia sunt rara; sed antiquum nullum hactenus vidi æneum; neque agendo cum senibus rerum antiquarum Preceptoribus vel unum per totam Italiam nancisci mihi licuit, qui vidisset; sed adulterata complura.

(α) Chifflet. Dissert. de Othon. Æreis. c. 2.

(β) Discorsi di Enza Vico. c. 6.

(γ) Ibid. cap. 18.



Nullum, ratiocinando concludit loco ante indicato  
CHIFFLETIUS, *Adolphus Occo refert, ille sedulus scriniorum  
in Germania scrutator: nullum Joannes Trifanus, qui in hoc  
studio consumpsit aetatem: nullum Franciscus Angelonus, numif-  
matum nuperus editor. Pol, isti cum non loquuntur, consentiunt!*

At enimvero quid ex omnium horum, doctissimo-  
rum licet, Scriptorum silentio CHIFFLETIUS, quid ex ocu-  
latorum testium inopia VICUS efficere contra æneis Othonis  
numos, quorum in præsens conperta, explorataque est inte-  
gritas, atque antiquitas? Quid tu denique, VIR EXIMIE,  
ex unius TRANQUILLI reticentia in Pollæ meæ numisma de-  
cernes? Tu adeo ipse *Epist. tuæ pag. 33. tueris te autoritate nu-  
mi Antonini Pii, qui numus, tua sunt verba, Historicorum aut ne-  
gligentiam, aut temporis injurias, quibus Codices sunt absumpti,  
subplet. Nempe ficulneorum instar gladiatorum sunt argumenta,  
ab uno Scriptorum silentio, vel ab antiquorum monumento-  
rum jejunitate repetita, præsertim ubi habetur vel unicus fin-  
ceræ antiquitatis numus! Talis profecto erat Othonis æreus  
maximi moduli, quem VAILLANTIO in Italia inspectare,  
versareque licuit. Similiter unicus est Annæ Faustinae ar-  
genteus, quem in D. Abb. de Rothelin Cimeliarchio custodiri  
testatur INL. BARO DE LA BASTIE. His jure meritoque ad-*

cenſeri poſſunt ſingulares duo meo ex Muſeo Peſcennii Nigri numi, græcus alter, alter latinus, uterque æneus.\*

DIVAE jam titulum meo in numiſmate, quippe Veſpaſiæ memoriæ poſt obitum conſignato, requiris? Obcupas, quæ tibi jure objicere poteram, exempla tum Agrippinæ Germanici, tum etiam Agrippinæ Neronis, tum Domitiæ, atque aliarum Feminarum Auguſtialium, in quarum numiſ, licet ab earum morte filiorum autoritate percuffis, nulla pariter conparet DIVAE conpellatio. Obcupas, inquam, obtrudendo mihi Matris nomen, quod in illarum numiſmatibus non una litera M. ſed MAT. tribus ſaltem elementis ſcalptum legi, contra in meo ne ſpatium quidem reperire ais. Id cujuſquemodi argumentum ut primo mox ortu jugularem, imperio tuo ad literam obſecundans, plumbeum continuo ſtylum adripui, atque ſervatis intervallis, & literarum æquali dimenſione inſcripſi P. ut VES. conpleretur; adjeci AUG. tum tandem intruſi MAT. Id quod ut e re mihi ceſſerit, teſtem jam & arbitrum adpello univerſum Inluſtrium Anti-  
quariorum Senatum, quorum gratia ſecundam numiſmatis mei iconem, fronti hujus *Differtationis* præfixam, quæ illud cum

inte-

---

(\*) *Hos amboſ integerrimæ ſidei, & quam optime conſervatoſ numoſ ipſe ego, qui hanc Apologiam nomine & auſpicio Inluſtris HAVERI conſcripſi, haud abſque voluptate in pretioſiſſimo Ejuſdem Muſeo hic Viudobonæ repetitoſ vicibuſ contrectavi, atque verſavi.*

integro limbo, qualem nimirum in primo ortu suo erat, absque detrimentis, subinde a vetustate captis, exhibet, a perito ejus generis scalpore *Mansfeldo* integerrima fide nativam secundum formam depingi, atque in æs incidi feci, uti hoc pacto ipsorum oculorum judicio res omnis decernenda permitteretur; paratus quoque ipsum æneum, qualis meo in Museo exstat, numum cujuscumque, qui petierit, conspectui atque indagini fittere. Viden' jam, qui Nævii, ut ais, filicem feliciter secuerim, ac certum, quod putabas, adulterationis seu *vo Delatæ* argumentum everterim? Itaque jure a te, VIR PRÆSTANTISSIME, nunc postulare aulam, ut fin minus pro vetere tua in me propensione, certe pro sententiæ tuæ propriæ æquitate, proque prompto, quo imperata tua exsecutus sum, studio non mihi, at Veritati des manus, seu adfensum potius tuum, meumque ab omni jam adulterationis ignominia juxta proprium effatum tuum absolvas numisma.

Redis tu ad DIVÆ titulum in Agrippinæ Germanici moneta omissum; propositum enim tibi, inquis, numisma confectum ita deartuare, ut murænam exossaverunt coci. Mihi vero deliberatum est, vel ipsos, quemadmodum mox principio promiseram, tuarum contra Vespasianæ meæ monetam argutiarum apices calamo sic infectari, ut Vespasianæ nepos Domitianus, teste *Svetonio*, *muscas stylo præacuto cap-*

tavit, atque confixit. Dicis, nullum certæ γυναικός æneum Agrippinæ existere numum, in quo DIVAE compellatio abfit. Mirarer, tua memoria hic excidisse numisma indubitata antiquitatis æreum, quod Inlust. **MEDIOBARBUS** (α) ex Cl. SPANHEMIO producit, ubi in averſa parte *Porticus cum figura mulieris* conspicitur; adverſæ autem hæc legitur inſcriptio:

**AGRIPPINA. M. F. MAT. C. CAESARIS. AVGVSTI.**

Abſque ullo *DIVAE* ornamento: mirarer, inquam, niſi tu ipſe quam mox erroris memor eum conrigere ac purgare adnitereris dicendo: *Abeſt in ejus generis DIVAE titulus: verum an non ſatis compenſatur per averſæ epigraphen: MEMORIAE AGRIPPINAE, tum per typum Carpentis a mulis veſti?* Atqui viden', ut denuo in vado adhæreſcas una cum Carpentis tuo? ubi namque, cedo, in numo mox indicato aut *Epigraphæ* antediſta, aut *mulorum typus*? Sed plura jam aliarum quoque feminarum Auguſtæ familiæ numismata adductum eo, ſimul deſervitura ad convellendum id, quod hoc loco ſubjicis, nempe: *Ea enim verouſque ad Marcianam Traiani ſororem ratione ( ſcilicet Epigraphæ memorata, aut typo Carpentis a mulis veſti ) ſenatus Romanus, cui æris ſignandi po-*

---

(α) *Mediobarb. Imp. Rom. Numism. fol. 75.*

*testas permiffa, CONSECRATIONES FEMINARUM AUGUSTÆ FAMILIÆ publica in moneta solebat fingere.*

Ut alia Liviae Augustæ consecratæ numifinata præteream, unum hic fisto æneum ex Inl. MEDIOBARBO (α); in hoc sequens legitur inscriptio: DIVA, LIVIA. DIVI. AVGVSTI. CONSECRATIO. S. C. & repræsentatur figura Pavonis: atque adeo, quamvis hic numus publicam senatus auctoritatem præferat, tamen in eo nec adest *Epigraphe* indicata, neque *Carpentum mularum*. Addit doctissimus MEDIOBARBUS loco laudato: *Ut animas Imp. ab aquila Jovis alite in celos delatas credidit Antiquitas, sic AUGUSTARUM a PAVONE Junonis ac eo deductas asseruit: unde in numis PAVO SOLUS CONSECRATIONEM AUGUSTÆ designat.* Eandem in sententiam Cl. FROBLICHIVS Pavonem dicit (β) *perpetuum, propriumque MULIEBRIS CONSECRATIONIS symbolum*; ubi etiam argenteum Faustinae senioris numisma, a VALLANTIO in rarioribus numeratum, numis veterum Monetariorum culpa vitiosis ad censet propterea, quod cum *Epigraphe* CONSECRATIO. aquilam exhibet: *Neque enim, ibidem concludit hic Vir veterum peculii peritissimus, constans ille sincerorum numismatum consensus in aliquo perturbari uno, & altero adulterinae monetae testimonio citra injuriam potest.*

## F 2

(α) Mediob. Lib. I. fol. 53.

(β) Froelich. IV. Tent. p. 402. & seq.

Conmemorandi præterea hoc loco veniunt ex laudato Inl. MEDIOBARBO (α) terni ahenei numi Drusillæ, a Cajo Cæs. fratre post mortem consecratæ, in quorum pariter nullo ante adductam seu *Epigraphen*, seu *Carpenti* figuram cernere est. His merito adcedat meo ex Cimeliarchio ante dictæ Agrippinæ Germanici moneta ænea cum inscripta posticæ S. C. nota, absque ullo tamen DIVA E titulo, aut MEMORIAE epigraphæ, aut alio quopiam *Consecrationis διαγγραφε*. Isthoc hic numisma testem produco hoc confidentius, quod scio, idem ipsum, ex ære Corinthiaco effectum, ac perbelle conservatum, abs te, quum meum censoriis oculis tuis Numophylacium perlustrares, inter alia conspectum, & conlaudatum fuisse: cujus proinde rei memoriam minime te hoc loco abjicere, aut negligere oportebat.

Verum tu tertium ad Agrippinæ numismata, velut ad cramben recoctam, reverteris, atque conminisceris, id a me objectari, quod quidem, quippe a quæstione nostra prorsus alienum, ne in mentem quidem mihi venire poterat, videlicet: *In pretiosiore metallo*, nempe auro & argento, *Agrippinæ omissum Consecrationis quaecumque testimonium*; quum tamen omnis contentio nostra in ære solummodo ver-

---

(α) *Mediobarb. L. l. f. 80.*

setur. Ad diluendam insuper hanc extra scopum adfectam mihi objectionem argumento uteris adeo caduco atque incerto, ut præ te, lugubri licet in materia, jocantis speciem feras. *Arbitror*, ais, *DIVÆ compellationem in numis, iussu Filii flatis, illius imperio a III. viris onissam, ne acerba matris mortuæ recordatio in animum rediret.* Subin relata funebri ex SUTTONIO pompa, qua confestim imperii initio Cajus matris, fratrisque cineres ex Pandateria, & Pontis Romam transtulit, hunc in modum exclamas: *Quid nisi terrerrima amoris signa hic vides, altumque vulnus, quod vix cicatricem duxit? Quodnam tu hic recens, cui vixdum obducta cicatrix, existimas vulnus? num ex morte matris adceptum? at hæc integro ante quadriennio evenit, quam Cajus imperii habenas capefferet: nam Agrippina Caji mater, teste Tacito (α), Ser. Sulp. Galba, L. Cor. Sulla. Coss., atque adeo A. V. C. 786. XV. Kal. Novembris inedia voluntaria extincta est; Cajus vero imperare coepit Coss. Cn. Acerronio Proculo, & C. Pontio Nigrino A. V. C. 790. atque adeo quadriennio post matris decessum. Ubi igitur hic luctus, dolor, vulnus recens? num fors ex translatis recens matris cineribus? atqui ipse, quem adducis, SUTTONIUS dumtaxat pietatis, venerationis, religionis Caji hoc loco meminit, ne verbulo quidem luctus, aut doloris inlato.*

F 3

(α) Tacit. Annal. VI. 25.

At largiar etiam, in Caji animo funestæ ejus scenæ obcaſione triſtitiz vulnus recruiſſe. Eapropter DIVAE compellationem in matris numis omitti juſſerit? Noſtin' DIVAE vocabulum, numis adpoſitum, Romanis perinde ſignificaffe, ac quod *Conſecrata*, ſeu in *Dearum numerum relata*, quod tantum abeſt, ut triſte, aut funeſtum quid portenderet, ut potius ſummi *honoris*, *religionis*, atque *gratulationis* argumentum exiſteret; quum apud Romanos nihil tam ſolemne ac feſtivum fuerit, quam dies & pompa *Conſecrationis*, ſeu ἀποθεώσεως? Ita ſane VELLEJUS PATERCULUS (α): *Sacravit*, inquit, *parentem ſuum Cæſar Tiberius*, *non imperio*, *ſed RELIGIONE*; *non adpellavit*, *ſed fecit Deum*. Ita PLINIVS (β) ad Trajanum: *Quem tu Nervam lacrymis primum ita, ut filium decuit, mox templis HONESTASTI*, *non imitatus illos, qui hoc idem, ſed alia mente fecerunt*. *Dicavit Cælo Tiberius Auguſtum*, *ſed ut Majeſtatis Numen induceret*: *Claudium Nero*, *ſed ut irrideret*: *Veſpaſianum Titus*, *Domitianus Titum*, *ſed ille, ut Dei filius*, *hic ut frater videretur*. Sic CAPITOLINUS (γ) de Antonini Philoſophi Conjuge Fauſtina: *DIVAM* etiam *Fauſtinam a ſenatu adpellatam GRATULATUS EST* Antoninus. In eamdem ſententiam canit STA-

(α) Vell. Patere. Hiſt. Rom. Lib. II.

(β) Plin. in Paneg.

(γ) Jul. Capitol. c. 26.



TIUS (α) de Polla, Lucanum maritum defunctum adorante, licet non sub ficta Bacchi, alteriusve Numinis figura, uti tum mos ferebat:

*Hæc te non thysis procax, dolosa  
Falsi numinis induit figura;  
Ipsum sed COLIT, & frequentat ipsum,  
Imis altius insitum medullis:  
Ac solatia vana subministrat  
Vultus, qui, simili notatus auro,  
Stratis prenitet, incubatque somno.*

Quicquid flevrat ante, nunc ADORAT.

Nihilominus Vota, objectas, pro Consecrationis dilatione concepta; testimonium depromis ex MARTIALIS L. VIII. Epigr. 39.

*Esse velis, oro, serus conviva Tonantis.*

Sed quis hic non intelligat, mortis potius, quam Consecrationis dilationem optari exemplo nostro, qui, ut quisque nobis immortalis vitæ delicias quam quod maxime cupiamus, ne-

mini tamen alteri celerem hac ex vita excessum earum potundarum ergo adprecari consuevimus? En aliud ex eodem MARTIALE (α) Carmen ad inlustrandam hanc sententiam meam oppido oportunum:

*Natales mihi Martiæ Kalendæ,  
Lux formosior omnibus Kalendis,  
Qua mittunt mihi munus & puellæ:  
Quinquagesima liba, septimanque  
Vestris addimus hanc focis acerram;  
Hic vos, si tamen expedit, roganti  
Annos addite ter, precor, novenos!  
Ut nondum nimia piger senecta,  
Sed VITÆ TRIBUS AUREIS PERACTIS,  
LUCOS ELYSIÆ petam PUELLÆ.  
Post hæc tempora nec DIEM rogabo.*

Viden', ut non nisi post longævam vitam, vegetamque senectam *Lucos Elysios petere*, id est, *mori expetat* MARTIALIS? nempe quinque & septuaginta annis exactis: totidem enim denariis æstimabantur tres aurei Romani. DIO (β): Χρυσὲν γὰρ δὴ καὶ ἐγὼ τὸ νόμισμα, τὸ τὰς πέντε καὶ ἑκατοσὶ δραχμὰς ἀντίστοιχον, κατὰ τὸ ἐπιχώριον ὀνομάζω. Aureum ego equidem numisma

(α) Martial. L. X. Epigr. 24.

(β) Dio. L. V. p. 556.

*numisma id, quod quinque & viginti denarios valet, populari nomine voco.*

Interea cur, cedo, sola & una DIVAE, alioquin honorificentissima, compellatio, non tam mortuae, quam consecratae matris index, plus Caji animum ferire potis erat, atque ipsa ejusdem imago, quam averse suorum ipsius numismatum parti adpingendam curavit? Quod si DIVAE vocabulum pariratione, quâ crucula, quam commemoras, in parentum nostrorum epitaphio imminens, tristem mortis imaginem repræsentet, minime disparili usus censerî poteras comparatione.

Ceterum an tu Cajo animum usque adeo facilem, atque ad lenitatem, dolorisque sensa existimas fuisse proclivem, ut vel una, matris mortuæ memoriam refricans, vocula eidem foret commovendo ac percellendo? si quidem, quem pro te laudas, consulo SÜETONIUM; multo diversam in Cajo deprehendo animi indolem, nimirum insignem parentum, majorumque contemptum ac infectionem, summanque ingenii sævitiam. Audi TRANQUILLUM ipsum (α): *Prædicabat Matrem suam ex incesto, quod Augustus cum Julia Filia commississet, procreatam; ac non contentus hac Augusti*

G

(α) Sueton. in Caj. c. 23.

infectatione, Aſtiacas, Siculasque Viſtorias, ut ſuneſtas populo Rom. & calamitoſas vetuit ſolennibus feriis celebrari. Liviam Auguſtam proaviam, Vlyſſem ſtolatum identidem adpellans, etiam ignobilitatis quadam ad Senatū epiſtola arguere auſus eſt, quaſi materno avo decurione Fundano ortam . . . Avie Antoniae ſecretum petenti denegavit . . . nec deſunctae ullum honorem habuit, proſpexitque e triclinio ardentem rogiū. Fratrem Tiberium inopinantem repente inmiſſo tribuno militum interemit. Silanum item ſocerum ad necem, ſecandasque novacula fauces compulit. Et paulo poſt (α): Leve ac frigidum ſit his addere, quo propinquos, amicosque pacto tractaverit, Ptolemæum regis Juba filium conſobrinum ſuum (erat enim & is M. Antonii ex Selena filia nepos) & in primis ipſam Macro-nem, ipſam Enniam adjutores imperii: quibus omnibus proneceſſitudinis jure, proque meritorum gratia cruenta mors perſo-huta eſt. Audisti' tenerum, piumque in parentes ac propinquos Caji animum? Perinde ſiniſtro ac incerto, quod quidem ipſe ſubverebare, ſubceſſu tu hic venam Caji tentaſti, ac ſupra Veſpaſiani ingenium.

Diu haecenus multumque differuimus ſuper Conſecra-tione. Iſtis enim inmoratus eram conſulto, ne tibi quidquam debere videar, eſſi cuncta, quæ adhuc de ἀποδείξει in

---

(α) Idem in eod. c. 26.

medium adlata fuere, minus propositum in argumentum conveniunt. Quippe falso tu isthic ponere videris, mortuorum memoriam *publico numismate quopiam honestatam*, aut eosdem *publico solemnique ritu consecratos*, seu in Deorum numerum relatos esse, unum Antiquis sonuisse, idemque; atque adeo in quibusvis, defunctorum memoriae & honori proculis, numis consuetam *Consecrationis* notam ac symbolum, aut faltem *DIVI*, aut *DIVAE*, aut *MEMORIAE* epigraphen exprimi debuisse. Verum isthæc ab se quam longissime disjuncta, non vocabulorum modo illorum etymon, sed ipsa præterea Veterum consuetudo & exempla abunde demonstrant. Quod si igitur dixerō, *Pollæ* meæ defunctæ numum esse signatum absque ulla prorsus ἀποθεώσεως prerogativa; ecce tibi uno flatu disiecta omnia, quæ instruxisti *Consecrationis* machinamenta, *DIVAE* ornamentum, *MEMORIAE* epigraphen, *Carpentum*, *thesaurumque mularum*!

Exstant certo Claudii Drusi *Germanici* numismata in omni metallo, quorum pleraque faltem, primum ab ejus morte percussa fuisse, non solum *GERMANICI*, quam exhibent, epigraphæ, sed ipsum etiam Claudii Cæsaris nomen, quod complura eorum, præsertim ænea, habent adjectum, planum facit atque indubitatum. Fuit quippe Dru-

fus iste Claudii Imperatoris pater, diemque obiit anno ætatis tricesimo, *V. C.* 745. Claudio tum bimo infante, qui non nisi octavo & quadragesimo post anno, nempe *V. C.* 794. atque adeo 50. natus annos, imperare obcoëpit: unde necessario relinquitur, longo post Drusi obitum tempore signatos esse cunctos ejusdem numos, sequenti insignes epigraphæ, posticæ adjecta:

TI. CLAVDIVS. CAESAR. AVG.

P. M. TR. P. IMP. P. P. S. C.

Non minus alii, ejusdem Drusi Neronis Imp. honori ac memoriæ procusi numi, qui GERMANICI cognomen, *Arcumque triumphalem cum Tropæis* repræsentant, inter alios funeris honores mortuo obtigerunt. Nam adtestante SVETONIO (α) *Corpus ejus per municipiorum, coloniarumque primores, suscipientibus obviiis scribarum decuriis ad urbem devectum, sepultum est in Martio campo. Ceterum exercitus honorarium ei tumulum excitavit, circa quem deinceps statim die quot annis miles decurreret . . . Præterea senatus inter alia complura MARMOREVM ARCV M CVM TROPÆIS via Appia decrevit, & GERMANICI cognomen ipsi posterisque ejus . . . cum Augustus tantopere & vivum dilexerit, ut*

---

(α) Sueton. in Claud. c. 1.

*coheredem semper filiis instituerit, sicut quondam in senatu professus est; & defunctum ita pro concione laudaverit, ut Deos precatus sit: similes ei Cæsares suos facerent, sibi que tam honestum quandoque exitum darent, quam illi dedissent. Nec contentus elogium tumulo ejus versibus a se compositis insculpsisse, etiam vitæ memoriam prosa oratione composuit. Nihilominus tantus Heros, de Republ. æque, atque de familia Augusta optime meritis, tantisque ab obitu ornamentis cumulat, numisque quam plurimis posteritati commendatus, publico solemnique ἀποθεώσεως five Consecrationis honore caruit. In ejus certe numismatibus ne minima quidem Consecrationis conparet nota.*

Hujus ex merito latus stipet Germanicus, a Tiberio adoptatus, & TI. JVL. TI. AVG. F. GERMANICVS. CAESAR. dictus; ejus quoque numismatum partem majorem post ipsius obitum, qui Epidaphne in Syria contigit, a Cajo filio, vel a Claudio fratre cæsam testatur MEDIOBARBUS (α), quin eapropter in Deorum censum venerit, solemnī consecrationis pompa decreta, aut quin ulla hujus notam illius præferant numi; licet eximiis, ac prope

G 3

(α) Medioarb. Imp. Rom. Numism. fol. 72.

divinis ab obitu cumulatus fuerit honorum ornamentis, quæ conquestis verbis diffuse describit TACITVS (α).

Istis velut coronam addo Antoniam Augustam, laudati ante Drusi uxorem, atque adeo matrem Claudii Augusti, feminam rara iis temporibus honestatis ac continentiae laude insignem: istius pariter numismata pleraque seu aurea, seu argentea, seu ænea, nempe illa, quæ AVGVSTAE cognomen, & *Constantiae* symbolum, Ti. Claudio Imperatori peculiare, cum hujus ipsius Imp. nomine referunt, primum ab ejusdem excessu mallei ictum adcepisse, duo sunt, quæ evincunt. Alterum est autoritas SVETONII (β), qui Claudium, ait, matri decrevisse *cognomen AVGVSTAE ab VIVA recu'tatum*: sic enim mendosum illud ab AVIA expurgandum ac legendum, non verus modo dictorum sensus atque contextus, sed ipsa quoque LIPSII, aliorumque doctorum virorum autoritas atque consensus suadent. Alterum, idque multo certissimum est ipse Antoniae obitus, cujus, teste eodem SVETONIO (γ), autor erat ipse Cajus illius nepos; unde omnino manifestum fit, numos, sub Ti. Claudio, Caji subcesore, matris Antoniae honori ac memoriae signatos, nisi post hujus mortem, non existitisse. Habes in hac plane geminum Vespasiae meae

(α) Tacit. *Annal.* II. 83.

(β) Sueton. in *Claud.* cap. 11.

(γ) Id. in *Caj.* c. 23.



exemplum: nempe Avia, & Mater Augustorum Antonia post mortem monetæ honore a Claudio filio decoratur, atque in metallo immortalis efficitur; quin tamen usitata *Consecrationis muliebris* prærogativa, notave, puta *Patro*, aut secundum sententiam tuam *Carpentum ibensave muliarum*, aut etiam *DIVAE*, seu *MEMORIAE* epigraphe in ullo ejusdem numo conspicienda se præbeant: quamquam eadem ipsa, perhibente *SVERONIO*, jam sub Cajo nepote omnibus, quos unquam Livia Augusta susceperat, honoribus uno Senatus Consulto cumulata, atque præterea a Claudio filio eidem decretum fuerat *Carpentum*, quod per circum duceretur.

Consulto hic prætermitto *Familiarum Romanarum* numismata, quæ propemodum omnia ab eorum, quorum honoribus consignata sunt, obitu in lucem prodierunt, constat, at nulla *ἀντιθεσίς* hedera adpensa.

Id, quod de senatus adulatione subjicis, nihil moror: nam ea opus mihi haud est ad apotheosin Pollæ decernendam, quippe quæ, id quod modo disceptavi, necessaria non fuit, vel certe in numo exprimi non debuit; sed neque, ut ejusdem numum tutum præstem tectumque, eo confugiendum mihi est. Quod namque tu adsentationi, id

ego amori possum adscribere, hocque neutiquam citra propositum. Nimirum ex eodem, quem tu hic adplicasti, **DIONIS** (α) loco id stabilio: *Συσσίτες τὲ ἐκ τε αὐτῶν ἐκείνων, καὶ ἐκ τῶν ἄλλων καὶ ἑκάστην ἡμέραν συχρὰς ἐποιεῖτο, καὶ πολ- λάκις καὶ αὐτὸς παρὰ τοῖς πάνι φίλοις ἐδείπνευ τό, τε σύμπαν, τῇ προνοίᾳ τῶν κοινῶν ἀποκράτωρ ἐνομιζέσθω· ἐς δὲ δὴ τὰλλα πάντα κοινὸς καὶ ἰσοδύαιτος σφίσιν ἦν.* *Convivas quoque ex iis ipsis, senatoribus, atque ex aliis quotidie frequentes adhibebat, ac crebro etiam ipsi apud familiares coenabat: in summa, quoad curam Reipublicae Imperator habebatur, quoad cetera omnia aquabili cum ipsis jure degebat.*

Jam Principi honoris sui tantopere studio, tamque in se comi, propenso, atque familiari senatus mutua amoris denegarit officia? an non potius pari eum, ejusque familiam complexus fit studio? Quid ergo vetat, quin & matrem popularis adeo, cunctisque cari principis vel post fata pro gratæ memoriæ monumento in metallo redivivam, spectandamque populo sistat?

Interea num sic adulationis atque blanditiarum faturos, uti tu contendis, sub Vespasiani imperio Patres Romanos fingere mihi liceat, haud scio: quippe qui paucis dum-

dumtaxat mensibus ante, id quod bene advertit **CL. PATINVS** (α), stultitiæ ac vanitati Vitellii Imp. eo usque adulati sunt, uti in eum unum felicissimorum, sapientissimorumque Principum, ut Augusti, elogia congesserint, percussis eum in finem publico **S. C.** conpluribus numis, quorum aliquot loco indicato laudatus recenset **PATINVS**. Præterea an nulla prorsus senatus adulantis indicia reperire sit in ipsius numis Vespasiani? quid igitur sibi volunt ii **S. C.** notati, adeoque publica senatus autoritate confignati numi copiosissimi, qui sequentes ostentant epigraphes, titulosque superbos :

**ADVERTORI LIBERTATIS PVBLICAE.**  
**SECVRITAS POP. ROMA.**  
**LIBERTAS RESTITVTA.**  
**VICTORIA AVGVSTI.**  
**AEQVITAS AVGVSTI.**  
**FELICITAS PVBLICA.**  
**HONOS ET VIRTVS.**  
**IYDAEA CAPTA.**  
**IYDAEA DEVICTA.**  
**MARS VICTOR.**  
**ROMA RESVRGENS.**

H

## VICISTI CAES.

## CLEMENTIA AVGVSTI.

Mitto complures id genus numos alios, qui omnes vivo Vespasiano ex senatus, quod singuli exhibent, consulto signati sunt, quique magnificis ejusmodi scatent adpellationibus, variisque Romani fastus insignibus. Mitto quoque pompam triumphalem post natos homines superbissimam, eidem ab senatu decretam. Hisce in cunctis, atque praesertim in superbo illo titulorum, praeniorumque cumulo & adparatu, nihilne tu adfentationis, nihil vanitatis, nihil nugarum vides? adeone senatum ab omni omnino adulationis nota abfolves, purgabisque?

*Quibus non salibus, prosequeris tu, ut erat facetus, vel auditum patrum consilium de matris numo inlatum perscruiisset, qui de sua ipse consecratione morbo ingruente nugabatur noto illo apud SVETONIVM: ut puto, Deus fio? In postremo primum tantisper inhærebo. Nugatum ain' de consecratione Vespasianum? quid si serio, minimeque ludibundus isthic de se, Divis ab morte ad censendo, locutus fuisset Vespasianus, eodem puta sensu, quo Adrianus, adoptato Aelio Vero, languido ac brevi morituro, dixit autore SPARTIANO (α): Ego mihi DIVUM adoptavi, non filium?*

(α) Ael. Spartian. in Vita Adrian.

Eandem in sententiam Antoninus Caracalla teste eodem (α), obciso fratre Geta, quum vereretur tyrannicam ex parricidio notam, audiretque posse mitigari facinus, si DIVUM fratrem præstaret, adpellaretque, reposuisse fertur: *sit Divus, dum non sit vivus*. Et enim certum securumque de Divinis honoribus, & coelestibus, quas TACITUS (β) vocat, religionibus, sibi a morte, pro more jam tum recepto, decernendis jubebant Vespasianum cum senatus, populi que in ipsum studia, tum Titi filii ac subcessoris pietas atque observantia. Ipsa ad hæc narrationis connexio, qualis in DIONE exstat; Flavium docet ex animo locutum: τῶν δὲ ἰατρῶν ἐπιλιμνῶνων αὐτῷ, ὅτι τῇ τε διαίτῃ ὁμοίᾳ νοσῶν ἐχρή- το, καὶ πάντα τὰ προσέκοντα τῇ ἀρχῇ ἔπραττε, τὸν αὐτοκρά- τορα δεῖ, ἔφη, ἐσιῶτα ἀποθνήσκειν. Quum autem increparent eum medici, refert DIO (γ), quod morbo conreptus eadem vi- ctus ratione uteretur, faceretque omnia, quæ ad principatum spectarent, respondit: *Imperatorem stantem mori oportet*. E- quis his dictis ludicrum quid inesse suspicetur, aut non intel- ligat, stantem eandem hic vim ac sententiam habere, quam negotiosum, sive muneri intentum? Cur igitur id, quod con- tinuo in laudato DIONE subjicitur, in jocularium dictorum

## H 2

(α) *Id. in vita Anton. Getæ.*(β) *Tacit. Lib. I. Annal.*(γ) *Dio Lib. LXVI. in Vesp.*

numero putandum fit? ἐπειδὴ τε ἐπίστευσεν, ὅτι τελευτήσει, ἔφη, Θεὸς ἤδη γενήσομαι. *Posteaquam autem credidit se moriturum, Deus, inquit, jam efficiar.*

Enim vero concessis, reliquisque his Vespasiano sua super consecratione nugis, examinemus jam tales, quibus tu inlatum Patrum de matris numo consilium ab eo perfricandum fuisse autumas. Et cur idem auditum Patrum de tot suis, quorum ante mentionem intuli, numismatibus, magnificisque inscriptionibus consilium non perfricit, aut non præpedit? vident, in quod, quantumque denuo conjeceris discrimen laudatam a te hic, uti supra, Vespasiani mediocritatem atque moderationem? Verum salva præstabo ego omnia, ubi modica digressiuncula facta in præsens paucis ostenderò, id quod supra etiam attingi, æris signandi potestatem usque ad conlabentis imperii tempora penes senatum plenam & integram fuisse, atque adeo eum neutiquam ad flanda, feriundaque ex ære numismata opus habuisse Imperatorum neve jussu, neve consensu, saltem specieatim expresso.

Præterquam quod communis, hodiernorum cumpri-  
mis, Antiquariorum atque rei numariæ Magistrorum sententia huic veritati subfragetur, ipsa adeo id demonstrant nu-

mismata *ænea*, in quibus S. C. nota usque se & undique conspicuam præbet, ubi in *aureis*, & *argenteis*, quæ Imperatorum usque ad Gallienum tempore procusa sunt, eadem pene disparuit, demptis pauculis, in quibus S. C. inscriptio non tam metallum, unde numus effectus, quam typum, ipsi metallo inpressum, respicit. Reservarunt equidem sibi Imperatores jus & arbitrium *aureæ*, *argenteæque* monetæ feriendæ, quarum æque, atque *æreæ* copia, stante adhuc dum & libera Republ., penes senatum erat omnis. At enim jam inde ab Julii Cæsaris temporibus, id quod inter alios Cl. quoque VAILLANTIUS sua in *Præfatione ad numos Familiarum Romanarum* docuit, monuitque, divisum erat uti Provinciarum, ita & monetæ imperium, ea quidem ratione, ut penes Imperatorem *Auri*, *Argenti*, penes Senatum vero *Aeris flandi*, *feriendi* potestas foret omnis, & arbitrium.

Hujus velut dimidiati Augustum inter; ac Senatum imperii monetæ argumenta præbent quam plurima cum scriptores, tum monumenta antiqua. Sic PLINIUS (α) de *aureis* scribit numis: *Paulatim Principes inminuerunt pondus AUREORUM*. LAMPRIDIVS (β) de *Elagabalo*: *Varias numorum AUREORUM formas invenit causa largitionis*. Rursus

## H 3

(α) Plinius XXXIII. 3.

(β) Aelius Lamprid. in vita *Heliogab.*

idem de Alexandro Severo (α): *Alexandri habitu plurimos numos figuravit, & quidem ELECTREOS aliquantos, sed plurimos tamen AVREOS. Electrum, teste PLINIO (β), auro simul, argentoque, vel natura vel arte mixtis, constabat. Ultra LAMPRIDIUS de eodem Alexandro Imp. narrat (γ): Tuncque primum semisses AVREORUM formati sunt: tunc etiam cum ad tertiam partem AVRI vectigal decidisset, tremisses, dicente Alexandro, etiam quartarios futuros, quod minus non posset &c. Nulla prorsus isthic fit mentio de aliqua, quam Severus adtentarit, monetæ æneæ inmutatione: scilicet nolebat videri, arguive ullo pacto in senatus jura involasse. PLUTARCHVS (δ) de Othone meminit: Ἀποσάλλας δὲ Γάλβας, πρῶτος αὐτὸς προσεχώρησε τῶν ἡγεμόνων, καὶ φέρων ὅσον εἶχεν ἐν ἐκπώμασι καὶ τραπεζαῖς ἄργυρον καὶ χρυσὸν, ἔδωκε κατὰ νόμους ποιεῖν νόμισμα. Deficienti, a Nerone, Galbæ primus ex rectoribus Provinciarum adgregavit se, adferensque, quidquid in poculis & mensis AVRI & ARGENTI haberet, tradidit, Galbæ, ad signandam ex eo MONETAM. De numis præterea argenteis SVETONIUS (ε) in Augusto: Numum ARGENTEVm nota fideris Capricorni, quo natus est, percussit.*

(α) Id. in vit. Alex. Severi.

(β) Plin. Lib. I. c. 34.

(γ) Lamprid. l. I.

(δ) Plutarch. in Galbæ.

(ε) Sueton. in Aug. c. 24.



Ad hæc STATII (α) versus, quos ad levandum Hetrusci, mortuum patrem lugentis, dolorem concinnaverat, nobis manifesto indicant, eundem Hetruscum præfectum fuisse metallo, nomine Cæsarum signando:

*Que DIVVM in vultus igni formanda liquescat  
Massa, quid Ausonia scriptum crepet igne MONETÆ.*

Id autem metallum, quo cudendo occupabantur Monetarii Cæsarum, exstitisse *aurum & argentum*, denuo luculentissime demonstrat Inscriptio antiqua, Romæ sub exitum seculi sexti supra decimum detecta, & a GRVTERO prolata. Istius Inscriptiois, imperante Trajano factæ, initium ita habet: (β)

FORTVNAE AVG.

SACRVM

OFFICINATORES. MONETÆ

AVRARIAE. ARGENTARIAE

CAESARIS.

Jam vero quod de plena senatus auctoritate in *signando ære* dixi, id præter hæcenus dicta adfirmo insuper,

---

(α) *Stat. Sylv. L. III. 433.*

(β) *Grut. LXXIV. 1.*

& conroboro autoritate DIONIS (α), cujus hæc sunt verba de Caligula: Τῷ δὲ δὴ τῷ Γαίῳ μνήμη ἀχθόμενοι, τὸ νόμισμα τὸ χαλκῆν, πᾶν ὅσον τὴν εἰκόνα αὐτῆς ἐντετυπωμένον ἔιχε, συγχύοντες θῆναι ἐγνώσαν. Caji memoriam ægre ferentes, senatores, omne AEREBVM numisma, quod ejus imaginem habebat impressam, conflari jusserunt. Aereum dumtaxat Caligulae numisma conflatum scribit DIO, non aureum, non argenteum: quia scilicet æreum solum jussu senatus signatum fuerat, atque adeo ejusdem decreto conflari solum poterat. Huc valde quam adposite facit, quod Illustrissimus Baro DE LA BASTIE (β) hanc in sententiam scribit: Nota S. C. seu auctoritatis senatoriæ ἔργον comparat in omnibus majoris & mediæ formæ numis æneis ab Augusto usque ad Florianum & Probum, & in iis, qui minoris sunt moduli, usque ad Antonini Pii tempora, post quæ nullum, minoris formæ quidem, æneum reperire est numisma, quod Romæ percussum credi possit, usque ad Trajanum Decium, sub quo demum ejusce moduli reperiuntur numicum S. C. Diversitas (concludit Doctissimus hic Antiquitatis Investigator) adeo constans, unaque adeo memorabilis, quandoquidem moneta aurea & argentea præter εἰκόνα Cæsaris, quam præseferbat, nihil quidquam prerogativæ aut meriti ad usum & commercium quotidianum adferebat, quum contra ænea Cæsaris imagini

(α) Dio Lib. I.X.

(β) In Commentar. ad P. Jobert Science des Méd. T. I. p. 209.

imagini notam præterea senatoriæ autoritatis adderet ; talis , inquam , diversitas an aliunde exstiterit judicanda sit , quam ex partitione rei , potestatisque numariæ , Cæsarem inter , atque senatum facta ?

Ut ergo in auream , & argenteam Imperatores omne sibi jus vendicabant monetam , ita senatui integerrima æneæ relicta est copia atque potestas , usque adeo , ut haudquaquam necesse habuerint quampiam ex ære monetam flaturi , & signaturi , aut novum Principis imperium consensumve præstolari , aut ejusdem , si qua forte ex auro argenteove prior feriunda curasset numismata , exemplum actutum in ære imitari. Hinc fortasse & ratio peti possit , cur , ubi complures aurei & argentei Othonis numi præsto sunt , adeo tamen pauci & rari ejusdem existant ænei latini. Nempe habebat sibi Otho senatum Romanum perinensum , atque infestum. PLUTARCHVS (α) rogantes inducit milites : Τί γε γέγονασιν οἱ Καίσαρος πολέμιοι οἱ συγκλητικοί ; ubi essent HOSTES CAESARIS SENATORES ? TACITVS (β) , eo defuncto , ait : *Milites INFENSVM Othoni SENATVM adhibere arbitrabantur.* His non absimilia documenta etiam DIO profert.

## I

---

(α) *Plutarch. in Othone.*

(β) *Tacitus Lib. I. Histor.*

Inde nunc adeo conlige tibi responsum ad ea, quæ adhuc de jussu, consensu, & autoritate Vespasiani, ut si ista ad æneum Vespasiæ numum cudendum necessaria fuissent, sensisti & scripsisti, quæque hoc insuper loco de imitando ab senatu Vespasiani exemplo commemoras. Quamquam neque istiusmodi pro causâ mea ego respondi: liberum enim mihi est dicere, de quo quidem infra ex proposito acturus sum, Pollæ numisma sub Nepotibus Tito aut Domitiano esse signatum; unde tota, si quæ tibi super, difficultas circa Vespasiani seu mediocritatem, seu autoritatem, penitus tollitur conciditque.

Unum etiamnum mihi superat isthic dubium de numis Domitillæ, Vespasiani conjugis, cujus tu effigiem extra dubium esse ais, a Tito tandem in moneta signatam. Huic namque sententiæ adversatur ejusdem numisma, quod Cl. PATINVS (α) exhibet: in hujus adversa caput Domitillæ adparet cum epigraphe græca: ΦΛΑΟΤΙΑ ΔΟΜΙΤΙΛΛΑ. Aversa repræsentat serpentem equi currentis dorso impositum cum nota subscripta: ΙΣ. λεκάβαντος ἔκλε anno sexto, nempe imperantis Vespasiani. Addit PATINVS sequentia: Uxor is imaginem (cujus memoriam Imperatori jucundam Græci nove-

(α) Patinus Impp. Rom. Numism. f. 109.

rant) quasi rediret, ex ære cuderunt dignitatis summæ, quam illi fata inviderant, participem facturi. Hoc vero symbolum SERPENTIS, & EQUI vitæ brevitatem Domitillæ designare videtur: serpente enim annus in se recurrens, equo currente celeritas exprimitur. Verum multo certius, atque luculentius testimonium præbet mihi proprius, quem meo in Museo hodieque adservo, ejusdem Domitillæ numus, in cujus parte altera expressis verbis legitur: ΑΤΤΟΚ. ΚΑΙΣ. ΣΕΒΑ. ΟΥΕΣΙΑΣ. Imperator Cæsar Augustus Vespasianus, cum adjecta in medio nota: ΙΑ. imperii annum quartum designante; altera caput refert Domitillæ. Neque dixeris, isthæc Domitillæ Vespasiani filia esse numismata: quippe hæc nusquam legeris absque MEMORIAE epigraphe, & adjecto Titi fratris, sub quo primum in metallo ad immortalitatem consecrata fuit, nomine. Intelligis hinc, opinor, non omnia omnino, quod ais, Domitillæ Vespasiani Conjugis numismata primum sub Titō filio procusa.

Scena mutata inter Ψυλλῶς, & Ornatrices te ingeris, minime veritus, dum meæ Vespasie fiat male, ne te fors ipsum, virum moribus antiquis gravem, atque non nisi cum doctis, mortuisque confabulari solitum, procax aliquin & nugax puellarum cubicularium chorus male adcipiat, faciatque ludos. Cultum capitis ut cum ornatu certarum

ejus temporis Augustarum conparem, præcipis. Conpara-  
vi; inspexi inprimis caput Domitillæ; neque hujus ca-  
pillorum fabricam deprehendi valde diffentaneam illi;  
quam mea præfert Vespasia: examinavi præterea Stä-  
tiliæ Messalinæ Neronis, Valeriæ Messalinæ Claudii, Ga-  
leriæ Fundanæ Vitellii Imp. uxorum capita; neque hæc  
multum ab similia inveni. Tu ipse confiteris, Vespasiam  
meam ad Juliam Piam Severi uxorem adcedere, quin cum  
Salonina commatis Alexandrini belle congruere. Cave, quæ-  
so, latina inscriptione te finas prohiberi ab hac cum illa con-  
paranda: cur enim Alexandriæ præter græcos non æque  
latini aliqui poterant signari numi, atque in aliis Græciæ  
urbibus? annon habemus numismata & græca, & latina  
urbis Patraffenfis in Achaja? annon Cl. HARDVINVS (α)  
inter Damasci numos recenset jam latino, jam græco solum,  
jam utroque simul loquentes idiomate? Certe sub Vespasiani  
Imperatoris primordia Alexandriæ græcam una, & lati-  
nam signatam esse monetam veri est quam quod simillimum.  
Audiamus DIONEM (β): Αὐτὸς δὲ, τὰ τε ἐν τῇ Συρίᾳ ἐπιδιδόν,  
καὶ τὸν πόλεμον τὸν πρὸς Ἰουδαίους ἄλλοις τισὶ προσάξας, ἐς τὴν  
Αἰγυπτὸν ἐκομίσθην καὶ συνέλεγε χρήματα, ὧν περ καὶ τὰ μα-  
λιστα ἐχρήζε, καὶ σίτον, ἣν ὅτι πλείεον ἐς τὴν Πάριν ἀποσεύλη.

(α) Hardain, Opp. Sel. pag. 48.

(β) Dio. Lib. LXX. in Vitellio.

*Ipse, Vespasianus, inspectis rebus Syriae, praefectisque aliis Ducibus bello Judaico, in AEGYPTVM contendit, & PECUNIAM, qua maxime ei opus erat, itemque frumentum colligit, ut Romam, quam maximum numerum possit, mittat. PECUNIA isthac certo signabatur in totius Aegypti metropoli Alexandria; erat haec urbs praeterea emporium celeberrimum; aliqua tum exercitus, Vespasiani imperiis subditi, pars cum eodem ibi commorabatur: quid itaque mirum, si in ea urbe praeter Graecam & Latinam cudebatur moneta, tum copiarum Romanarum stipendiis, tum ipsorum incolarum inter se, & cum militibus commercio deservitura, tum etiam Romam transmittenda? Quin itaque hic dixero, ipsum Vespasiae nummum Alexandriae signatum? Alexandrini namque Vespasianum, narrante eodem DIONE (α), πρῶτοι αὐτὸν ἀντοκρατορὰ πεποιήσαν, primi omnium Imperatorem fecerant; poterant igitur ad inlustrandos ejusdem natales, quum minus id per obscuram ad id tempus Flaviorum gentem liceret, splendorem mutuari ab Vespasiae matris genere nobilissimo juxta, ac vetustissimo, ejusque nomine monetæ inpresso, in populum vulgare, efferreque; praesertim quum ipse quoque Vespasianus inde nomen traheret suum, atque in ipso aliorum nihil decorum & ornamentorum, Principe dignorum, desideraretur praeter unam natalium claritudinem, generisque*

nobilitatem, priscis nihilominus illis summe expetitam, maximeque pensam. Annon Tiberius Alexander, Aegypto praefectus, quique legiones suas Vespasiano, tum primum salutato Imperatori, adjunxerat, alia inter, & Vespasiae poterat procudere numisma ad honestandum hoc pacto filii ortum, maternique generis claritudinem ostentandam? Satis enim liquet, Quaestores ac Praetores Provinciarum jus atque potestatem habuisse monetæ non militibus modo distribuendæ, verum & cudendæ. Nolo jam in his copiosior esse, quippe plura sub *hujus Dissertationis* finem, ubi simile recurret argumentum, dicturus.

At dabo etiam, cultui capitis Vespasiae meae cum aliarum ejus temporis Augustarum ornatu non convenire, quid tu inde? Jam ego te inspicere jubeo, atque contenta opera contemplari Augustarum numos; & his fere omnibus inspectis, vix binas adfero te inventurum pari prorsus modo-cincinnatas, comptasque. Tu igitur continuo singulos harum numos inter adulterinos eapropter proscrisperis? En ut denuo malleum inter & incudem medius hæreas! Hæc ipsa tanta varietas firmum super capitis, capillorumque cultu haud patitur nos ferre judicium. Nempe id, a capitis ornatu in volubili adeo sexu petitum, argumentum levioris etiam ponderis est, ac illud, quod supra ex oris, lineamen-



torumque diversitate hauifiti. Quam autem mutabile hac in parte feminarum ingenium fuerit, non tu tantummodo nosti, sed veterum quoque abunde conpertum faciunt exempla.

Sic illa tempestate jam veluti *rhinocerontes* feminis prominebant ex capitibus, jam *cometæ* vacua horum spatia pererrabant. Erant, quæ crinem fastigiabant, & summum in verticem adfringeabant, ut veluti turritam *Cybelen* referre viderentur; de hujusmodi aliqua JUVENALIS (α):

*Tot adhuc compagibus altum  
Ædificat caput.*

Erant, quæ adscitios infuebant crines, quibus nimirum non erant promissi. APULIJS (β): *Adtextis capite crinibus feminam mentiebatur.* Acus quoque comatoria, ut hodieque non nullis, sic antiquis erat solempnis. PETRONIUS (γ) *Psyche acu comatoria, cupienti mihi invocare Quiritium fidem, malas pungebat.* MARTIALIS (δ) item:

(α) *Juvenal. satyr. 6.*

(β) *Apulej. Libr. XI.*

(γ) *Petron. in Satyr.*

(δ) *Martial. lib. II. Epigr. 66.*

*Unus de toto peccaverat orbe comarum.*

*Annulus, incerta non bene fixus acu.*

ISIDORVS in eandem sententiam (α): *Acus sunt, quibus in feminis ornandorum crinium compago retinetur, ne laxius fluitant. Acus hanc ex VLPIANO liquet gemmis fuisse distinctas, quod & hodie fieri solet. Varia hæc cultus seu ornatus muliebris discrimina paucis complexus est TERTULLIANVS (β), ubi sic loquitur: Quod crinibus vestris quiescere non licet, modo substrictis, modo relaxatis, modo suscitatis, modo elisis. Aliæ gestiunt in circinnos coercere, aliæ, ut vagi & volucres elabantur, non bonæ simplicitate. Adfigitis præterea nescio quas enormitates futilium atque textilium capillamentorum, nunc in galeri modum, quasi vaginam capitis, & operculum verticis; nunc in cervicem retro subgestum.*

Superfedeo sexcentis aliis, quas feminæ in capitis, comarumque cultu olim adhibuere, formis modisque hic perconsendis; quum propemodum ad lanam caprinam, nempe pilos, horumque formam noster devolutus sit, sermo. Age jam, & instabili adeo atque incerto innitere fundamento! Ipse certo P. JOBERTVS, & Inlustrissimus ejus Con-

menta-

(α) Isidor. Lib. XIX.

(β) Tertull. de Cultu Fem.

mentator, a me alias laudatus, fatentur, necdum vocabula nobis subpetere, quibus tam diversas capitum capillorumque femineorum fabricas, in antiquis obcurrentes numis, commodum explicemus.

Cultu Vespasiam Nurfiano exhiberi pace mea affirmaris, aut negaris; quamquam nolim, inde concludas, hunc Nurfianis solum mulieribus fuisse capitis ornatum: eum namque vel maxime Romanis Vespasiani ævo matronis familiarem existisse, inter alia testatum facit Monumentum, quod *ad aquarum receptacula Thermarum Vespasiani* conditum e Boissardo GRUTERVS (α) producit; in isto Effigies Hellenicæ, quæ id marito, filio, filiæque, & sibi posuit, cum capillorum fabrica illi, quam Vespasia meo in numismate refert, germanissima cernitur. Interim, misso hoc, illa, quæ mox adjungis, verba ad limam revocare, atque exactiore trutina examinare constitui. *Contra adsensum filii*, inquis, *jam disputavi superius, cedo quis effigiem furtim sublegerit?* Disputasti tu equidem contra adsensum Vespasiani; quo autem subcessu id feceris, argumenta, quæ adversa ex acie obposui, doceant. Cetera plane atque latine tibi dico, me penitus latere, quid illa tua hoc loco sibi velit quæstio: *cedo, quis effigiem furtim sublegerit?* Ad hoc namque ut

K

---

(α) Gruter. Pag. DCCCXXXII.

Vespasie imago in æs incidi, scalpique posset, fat erat, si eadem a familia, aut filio Principe, id quod tu ipse isthuc admittere videris, eo in cera fuerat adservata modo ac more, qui tum nobiles apud Romanos obtinebat, vigebatque.

Atque profecto neque tu facile adseveraveris, Vespasianum eo usque aut matris defunctæ inmemorem, aut maternæ claritudinis incuriosum existisse, ut ne ejus quidem imagini, secus atque tum nobilium illius seculi mos ac genius ferebat, inter alias avorum maternorum ceras locum penes se relinqueret. Sed neque a temporum illorum ratione & consuetudine remotum, neque ab Vespasiani dignitate alienum, contra e re potius ipsius futurum erat, si paterni Flavio generis obscuritatem materni Vespasiorum claritudine velut cooperiret, aut, si mavis, inlustraret; atque adeo & nobilitatis laude in populo claresceret. Habebat ille præ oculis exemplum Germanici Cæsaris, cui, ut refert TACITVS (α), sub Tiberio aula præ Druso favebat, quia CLARITVDINE MATERNI GENERIS anteibat avum M. Antonium. Contra Druso proavus Eques Rom. Pomponius Atticus dedecere Claudiorum IMAGINES videbatur. Nec minori ad materni generis claritudinem tuendam & amplectendam, præcipue ubi paternum inhonorem atque obscurum est, incitamento esse

---

(α) Tacit. *Annal.* II. 43.

poterat Sabina Poppæa Augusta, Neronis Imperatoris uxor secunda, quæ T. Ollio patre genita, verba sunt ejusdem TACITI (α), *sed nomen AVI MATERNI sumpserat, inlustri memoria Poppæi Sabini, Consulari & triumphali decore præfulgentis. Nam Ollium, honoribus nondum functum, amicitia Sejanii pervertit. E converso Cajus Imp., quod prodidit SVETONIVS (β), Agrippæ sibi nepotem neque credi, neque dici ob INNOBILITATEM ejus volebat, succensebatque, si qui vel oratione vel carmine IMAGINIBVS eum Cæsarum infererent. Ad hæc laudatus ante TACITVS (γ) adducit Firmium Catum senatorem, qui juvenem nobilissimum Libonem Drusum e Familia Scriboniorum ad luxum & æs alienum bortatur, dum proavum Pompejum, amitam Scriboniam, quæ quondam Augusti Coniunx fuerat, consobrinos Cæsares, plenam IMAGINIBVS domum ostentat.*

Optime tenes, KHELLI ERVDITISSIME, Romanis Nobilitatem, & Imagines ejusdem vocabula fuisse valoris atque sententiæ, ita ut si quis una tantum, nempe sua gauderet imagine, homo novus, si nulla, ignobilis & obscurus, si majorum imaginibus, nobilis, & imaginibus clarus, & quo plures hæc essent, eo etiam ille nobilior censeretur. Ita

K 2

(α) Tacit. *Annal.* XIII. 45.

(β) Sueton. in *Calig.* c. 23.

(γ) Tacit. *Annal.* II. 27.

quoque *Jus imaginum* consequi, idem illis sonabat, ac *Nobilitatem* seu *Magistratus* & honores adipisci. CICERO ( $\alpha$ ): Ego me ob *adilitatem* mihi delatam adeptum esse intelligo antiquiorem in *senatu* dicendæ *sententiæ* locum, *Togam prætextam*, *sellam curulem*, *JVS IMAGINIS* ad *memoriam*, *posteritatemque* *proendam*. Hæ *majorum imagines* in *atriis* *adservabantur*, & quum quis ex ea *gente* defungeretur, in *funere* præferebantur. SENECA ( $\beta$ ): Qui *IMAGINES* in *ATRIO* exponunt, & nomina *familiæ suæ* *longo ordine* ac *multis stemmatum* *illigata flexuris* in *parte prima ædium* collocant, *noti magis* sunt, quam *nobiles*. PLINIUS Major ( $\gamma$ ) *Vespasiani famulus*: Apud *maiores nostros* in *Atriis* hæc erant, quæ *spectarentur*, non *signa exter- norum artificum ærea aut marmorea*. EXPRESSI CERA *VULTVS* singulis disponebantur *armariis*, ut essent *IMAGINES*, quæ *comitarentur GENTILITIA FVNBRA*, semperque *defuncto aliquo totus aderat familiæ ejus*, qui unquam fuerat, *populus*. SILIUS: ( $\delta$ )

*Non Conjunctæ, native aderant, non junctæ propinquo  
Sanguine turba virum, aut celsis de more feretris  
Præcedens prisca exsequias decorabat IMAGO.*

( $\alpha$ ) Cicero Orat. in Verr.

( $\beta$ ) Seneca de Ben. III. 23.

( $\gamma$ ) Plinius Hist. Nat. XXXV. 2

( $\delta$ ) Sil. Ital. de Bello Punic. L. X.

TACITVS libro ante laudato : (α) *Sotta Messalinus, ne IMAGO Libonis exsequias posterorum comitaretur, censuit. Idem alibi: (β) Viginti clarissimarum familiarum IMAGINES antelatae sunt &c.*

Imagines etiam annulis inculptas gestabant veteres. OVIDIVS: (γ)

*Hæc tibi diffimulas, sentis tamen omnia dici,*

*In digito qui me fersque refersque tuo :*

*Effigiemque meam fulvo complexus in auro ,*

*Cara relegati, quæ potes, ora vides.*

CICERO (δ): *Nec tamen Epicuri licet oblivisci, si cupiam, cujus imaginem non modo in tabulis nostri familiares, sed etiam in poculis, & in ANNELLIS habent. PLINIVS Junior (ε): Quod paulo tardus feci, dum requiro gemmam quam sibi habentem imaginem Pacori, & quibus insignibus ornatus fuisset, subtractam indicabat. In annulis præterea signatoris imagines ad-*

K 3

(α) Tacit. L. l. 32.

(β) Id. Annal. III. 76.

(γ) Ovid. Trist. I. Eleg. 7.

(δ) Cicero de Fin. bon. & mal. V. 1.

(ε) Plin. Epist. X. 16.

hibebant; in hanc rem SVETONIVS de Augusto (α) loquitur: *In diplomatibus, libellisque, & epistolis SIGNANDIS, initio SPHINGE usus est: mox IMAGINE Magni Alexandri, novissime SVA, Dioscoridis manu sculpta, qua SIGNARE insecuti quoque Principes perseveraverunt.*

Jam ab folemni hac & communi, apud cunctos Romanos nobiles obtinente, *Imagines* suæ gentis fingendi, adservandi, gestandi, ac præcipue in funeribus præferendi consuetudine soli abstinerint, desciverintque *Vespasie* propinqui? Nihil quidquam *matri Vespasianus, & Sabinus, nihil avia Titus & Domitianus, nihil adfini & propinquæ aliæ Vespasiorum* gente adfines, necessarii & propinqui, an potius nihil sibi ipsis, *generi nimirum ac nobilitati suæ, tribuisse censendi sint?* Erat *Vespasia*, id quod sæpius jam ex SVETONIO audisti, genere nobilissimo, ac vetustissimo oriunda; *exstabant igitur illius imagines, æque, atque majorum cum ad memoriam, posteritatemque prodendam, tum ad comitanda gentilitia funera.* Neque fors dixeris, nobilium tantummodo virorum, sed non feminarum *imagines* ab antiquis expictas, atque custoditas fuisse: & enim ex paulo ante dictis, adductisque exemplis in conperto est, *materni quoque generis claritudinem ac nobilitatem,* atque adeo & *imagines* *priscis* in numero, atque pretio habi-

(α) Suet. in Octav. Aug. c. 50.



tas. His addo præterea, quod SVETONIVS (α) de Galba Imp. commemorat: *Nulla gradu contingens Caesarum domum; sed band dubie nobilissimus, magnaue & vetere prosapia: ut qui . . . . Imperator etiam STEMMA in atrio proposuerit, quo paternam originem ad Jovem: MATERNAM ad Pasiphaen Minois uxorem referret. IMAGINES, & Elogia VNIVERSI GENERIS exsequi longum est.* En hic mentionem & Maternæ originis, & imaginum universi, adeoque materni etiam generis!

Ad hæc perbene nosti tum ex græco Vocabuli etymo, tum ex autoritate PLINII (β) dicentis: *STEMMATA lineis discurrebant ad IMAGINES pictas: isthæc fuisse coronas, in quarum medio cera expressi erant majorum vultus, lineis discurrentibus ad imagines pictas, & signantibus cognationis gradus.* Vnde rursus manifestum existit, nobilium quoque *feminarum imagines, ab stemmate in atrio proposito, exhibitas fuisse ad prodendam Nobilitatem, indicandosque necessitudinis gradus.* TACITVS (γ) item duarum nobilissimarum feminarum *imagines* profert: *EFFIGIES Poppæ prouunt. Octaviæ IMAGINES gestant bumeris, spargunt floribus, foroque ac templis statuunt.* Quam plurima id genus

---

(α) Sueton. in Galb. cap. 2.

(β) Plin. Hist. Nat. XXXV. 2.

(γ) Tacit. Ann. XIV. 61.

testimonia alia & exempla subpeterent, si ad alia properranti aut animus, aut necessitas foret eorum hic percensendum.

Aliud nempe hic mihi adhucdum subit: memini supra jam ex SVETONIO, *Vespasiorum complura MONUMENTA exstuisse, magnum indicium splendoris Familiae & vetustatis.* Jam denuo ex nominis etymo palam est, *monumentum* esse, ac dici, quod servandae memoriae gratia exsistit. Hinc, teste FESTO, Fana, porticus, scripta, & quidquid ob memoriam alicujus factum est, nomine *monumenti* venit. Sic thermæ, Pantheon, & porticus Vipsania vocantur *Monumenta Agrippæ* a TACITO *Annal. XV. 39.* Hic idem (α) Basilicam Aemilii Pauli vocat *Aemilia Monumenta*: *Hisdem diebus Lepidus a senatu petivit, ut Basilicam Pauli, AEMILIA MONUMENTA, propria pecunia firmaret, ornaretque.* In monumentorum numero præprimis quoque censebantur defunctorum *sepulcra*. VARRO (β): *Monumenta ideo secundum viam, quo prætereuntes admoneant, & se fuisse, & illos esse mortales.* Sepulcris vero *statuas, & imagines mortuorum fuisse inpositas* ille demum ignorat, qui nescit, quanta religione & adfectu veteres, præsertim Romani, in pro-

pin-

(α) Tacit. *Annal. III. 72.*

(β) Varro *de Ling. Lat. V. 6.*

pinquos & necessarios, fato functos, tum etiam, quam infano fervore ac studio in hujusmodi signa & statuas ferebantur. Ad id firmandum bina modo adducam testimonia CICERONIS : (α) *Ejus, Tanagoræ, non longe a Tanagris SIMULACRUM e marmore in SEPULCRO positum fuit.* Idem in eadem oratione: *Hanc Deam quisquam violare audeat IMAGINEM meretricis, ornamentum SEPULCRI.* Huic tertium coronidis loco adcedat testimonium ex LIVIO : (β) *Alii Romæ, alii Literni & mortuum, & sepultum; utrobique MONUMENTA ostenduntur & STATVAE.* Nam & Literni MONUMENTVM, MONUMENTOQUE STATVA superimposita fuit . . . Et Romæ extra portam Capenam in Scipionum MONUMENTO tres STATVAE sunt. POLLUX (γ) statuas quoque in sepulcrorum ornamentis numerat. FESTVS item in statua Ludii ait: *super ossa ejus columna cum ipsius EFFIGIE posita est.* Taceo jam ipsa sepulcrorum signa marmorea, in veterum monumentis obvia, atque passim visenda.

Noli mirari, diutius me his inmoratum: ex præparato id egi, quo iis, quæ isthic super Ceris, Imaginibus

L

---

- (α) Cicero pro Domo. 43.  
 (β) Livius XXXVIII. 56.  
 (γ) Pollux III. 19. VIII. 42.

*Gemmis, & Statuis* in unum quasi locum constipasti, una omnibus obcurrerem, eaque tamquam in radice subciderem.

I nunc, & percontare: ecquisnam Vespasiae *effigiem furtim sublegerit*? Non opus hic *furtiva sublezione*, ubi illam seu in familiae, necessariorumque *atriis*, seu in ipso *sepulturae loco*, seu denique in *monumentis* aliis in propatulo cuique intueri licebat. Neque opus inepti cuiusdam *platae*, aut *pictoris*, qui

*Delphinum sylvis adpingat, fluctibus aprum,*

arte conquista, seu commentitia, qua diversum longe ab eo, quo viva usa sit Polla, capitis cultum eidem adfinxerit; ubi prototypa praesto erant, viventis tempore, atque adeo secundum nativam expectata formam: unde et Triumvir Monetalis, aut flator, aut typarii faber, qui in effigie Vespasiae occupabantur, capitis ahenei formam mutuari poterant; nisi forte tu iterum Vespasiam, feminam nobilissimam una, atque honoris sui studiosissimam, adeo ab nobilium tum consuetudine abhorrentem, imo generis & nobilitatis suae eousque incuriosamingas, uti effigiem suam neque in cera, neque alia in materia ullo pacto existare voluerit;

quum tamen vel libertorum , fervorum , scortorum superba undique cerneret monumenta.

Certe Sabinus Pollæ meæ filius major natu , quem SVETONIUS (α) *ad præfecturam urbis usque processisse* testatur , quique matri carus , & honorum admodum adpetens videbatur , materni generis claritudinem atque nobilitatem minime neglexisse , aut oblitterasse censendus est. Erat ei hujus contestandæ multiplex copia & obcasio ; quippe *Præfectus urbi* , id quod pluribus declarat Antiquariorum Lumen SPANHEMIUS (β) , summo a Consulibus apud Romanos potiebatur imperio , ut adeo PLUTARCHUS (γ) *Præturam urbanam* dicat τὴν μέγιστον ἔχουσαν ἀξίωμα , *eam , quæ maximam habeat dignitatem*. SVETONIUS (δ) de Domitiano tradit : *Cæsar consulatus honorem PRAETURÆ VRBANÆ consulari potestate suscepit*. Quum itaque summa rerum , Consulari nempe *Potestate* potiretur Sabinus ; numquid & hanc circa æs signandum , flandumque , quippe jus unice a Consulum Patrumque arbitrio pendens , exercere ipsi fas erat ? Tot , tantaque eidem hac super re prælucebant exempla in-

## L 2

(α) Sueton. in Vesp. c. 1.

(β) Spanh. de Præstant. & Usu Num. Ant. Diff. X. p. 119. & seqq.

(γ) Plutarch. in M. Brut. p. 986.

(δ) Sueton. in Domitian. cap. 1.

ferioris longe dignitatis Magistratuum , nimirum Triumvirorum Monetaliū , qui e familiis suis defunctos , publica etiam urbis moneta , ad duraturam nobilitatis ac gentis suæ memoriā , consignare non dubitarunt. Ita præ plurimis aliis habebat quoque is exemplum C. Marii Trogi , qui omnem Augusti familiam in uno exhibuit numo , in quo capita Caji & Lucii Cæsarum , ab Augusto adoptatorum , una cum Julia eorum *matre* , & Agrippæ conjuge intermedia repræsentabantur : producit hunc conquestæ elegantix numum VAILLANTIVS *Tom. II. Numism. Præst. p. 22.* Habebat insuper exemplum Bruti , qui plane , quod Dio (α) testatur , ἐς τὰ νομίσματα , ἀ ἐκόπλετο , ἐκείνα τε αὐτῷ ἐτετύπε , *numismatibus , quæ faciebat , suam ipsius imaginem impressit.*

Eccur igitur filius , amplissimo usus honore aci mperio , matris memoriā æneo numo cohonestare aut formidasset , aut detrectasset ? Adservabat ille in atrio inter avorum maternorum ceras , totidem nobilitatis ac splendoris proprii testimonia , matris dilectissimæ juxta , ac nobilissimæ imaginem : isthanc Triumviro , coelatori , flatori , fabro monetario monstravit , an commodavit monetæ incidendam ? Hicne denuo confugies ad *subreptionem furtivam* ? Annon

---

(α) *Dio XLVII. p. 341.*

similiter Vespasianæ frater, quem *Senatorem Prætoriam dignitatis* compellat SVETONIVS (α), tot aliorum inductus exemplis, in sororis juxta, atque gentis suæ Vespasianæ decus, & monumentum perenne, æreum ferire procudereque potuerat numisma? quum aliunde constet, Provinciarum Prætoribus monetæ signandæ jus fuisse.

Sed isthic denique locus est aliquid dandi, quam toties deprædicasti, Vespasiani *mediocritati*. Poterat fortassis nonnihil feriisse Principis animum conspecta matris imago, publico urbis in ære, fratris vel avunculi sui imperio, se aut infcio, aut etiam invito, consignata; hinc eam aut subpresserit, aut aboleverit. En non incongruam aliquam singularis Vespasianæ numi causam! Simile quid supra de æneorum Othonis numorum raritate adnotaveram.

Ex adhuc dictis, & porro dicendis fatis cognoris, me minime in eas conjectum esse angustias, uti opus habeam confugere ad sacram, quam jactitas, anchoram, nimirum AENEAE VICI librum, cui titulus: *Augustarum imagines æneis formis expressæ*. Interea tamen tantum abest, quod tu contendis, ut ejus autoritas numismati meo obficiat, ut po-

## L 3

---

(α) Sueton. in Vespas. c. 1.

tius ad propositum faciat, quam quæ maxime. Eidem namque falso adpingis hæsitatiōem super imaginum, quas adducit, sinceritate propterea, quod in præfatiōe dicat : *Hæc quidem*, nimirum picturarum exemplaria, *an vere ex antiquis numismatibus, vel sculpturis, vel ex statuis deprompta fuerint, non facile adfirmaverim.* Nullum hic indicium hæsitatiōis de exemplarium integritate : hæsitat modo de fonte, unde hausta sint. Noverat quippe vir doctissimus, diversos esse fontes, unde ii, qui veteris monetæ studiis adtendunt, sua delibant testimonia, videlicet : *Codices, numos, marmora, lapides, statuas*, & quæ sunt cetera his similia monumenta.

Tribus primis, quas ex FULVIO libro, quem laudatus VICVS testem adhibet, depromptas adducis, matronis, numi honore destitutis, alias ex eodem, & quidem multo plures obpono, nominatim : Juliam Augusti filiam ; Liviam ejusdem uxorem : Agrippinam Tiberii Conjugem ; Antoniam ; Drusillam & Livillam Caji Cæs. sorores ; Octaviam Claudii filiam ; Valeriam Messalinam ; Statiliam Messalinam ; utramque Domitillam, matrem & filiam : harum singularum numos recenset Inlustrissimus MEDIOBARBUS ; in istarum numero & censu, & quidem serie non interrupta, Vespasiam meam locat Andreas FVLVIVS. Cur ergo tu



hanc unam ab reliquarum istarum coetu eximis, & monetali prærogativa exuis?

Quid? quod præterea FVLVIO fictionis notam impingere non vereris? audiamus causam: *Poterat aliquarum matronarum, quæ ibi referuntur, vultus ex monumentis aliis, puta statuis, expingere; at tamen hoc de Vespasiani matre iterum inficior.* Adeo nempe firmiter tuo jam animo infedit opinio, nullum uspiam existisse Pollæ seu numisma, seu imaginem, ut FVLVIVM pene cogas in statuis asylum querere. Verum, age, hæreamus tantisper in statua! *Cedo, sciscitaris tu, a quo hæc posita fuisset? a filio? an ab senatu?* Senatus auctoritatem hic supervacaneam ajo: Igitur a filio? sin minus a Vespasiano, ut hoc tibi dem; certe ab Sabino, quem paulo ante audisti *Prætorem Urbanum*, maxima munitum potestate, statuta fuerit. Adcepisti prius, sepulcris statuas inponi solitas. Inmodicam Romanorum, qua in statuas non tam ferebantur, quam rapiebantur, propensione, insanamque libidinem tu ipse in Libello, quem *de Numismate Augusti aureo formæ maximæ ex ruderibus Herculanis* eruto nuperime luci publicæ donasti, & fateris, & priscis ex scriptoribus conprobas. Profecto eo illi processerant, ut non solum claro ortis genere, sed & ignobilibus, imo ipsis adeo mancipiis, & scortis, quid plura? brutis animantibus su-

perba erigerent monumenta, ac simulacra; id quod sepulcrorum rudera, & inscriptiones hodieque testantur. Sepulcra, statuis carentia, veluti per contemptum *pagas* adpellabant. Unius jam Vespasie matronae nobilissimae monumentum in communi illa, & inolita consuetudine *statuam* nega fodes!

Atqui neque a filiis positam demus. Numquid Vespasie fratri, de quo paulo ante ex SVETONIO, prætoris senatori dignitatis aut indecorum, aut illicitum dixeris simili, pro seculi genio, fororis, tot avorum imaginibus claræ, sepulcrum conlustrare ornamento? An non ipsa Vespasia, adhucdum in vivis degens, ære suo sepulcrum sibi condendum, idque de more statua ornandum curarit, exemplis inducta alienis, quorum testes, quæ sepulcris, statuisque inscriptæ leguntur, sequentes sunt *siglæ*: S. P. P. P. S. C. *sua pecunia propria poni sibi curavit*. Annon Pollæ propinquis, necessariis, amicis, aliisve in matronæ hujus nobilissimæ, imo augusti genitricis honorem ære conlato statuere fas erat statuam? Hujus iterum testimonium præbent Epigraphæ, quæ visuntur antiquæ: EX AERE CONLATO, & AERE CONLATO. Exemplum adfert SVETONIUS (α): *Medico Antonio Musæ STATVAM AERE CONLATO statuerunt*.

Huic

(α) *Suet. in Aug. c. 59.*

Huic geminum addit PLINIVS (α): *P. Minutio, Praefecto anno-  
nae, extraportam trigeminam unciaria STIPE CONLATA*. Age  
jam, & ex his, qui potior tibi adriserit, lege modum, cui  
cui demum Phidia, statuam Vespasiae locandi!

Id, quod hoc loco ex SVETONIO, & DIONE  
CASSIO addis de Vespasiano, *ab Legatis pro decreta sibi  
non mediocris summæ statua colosseæ*, argentum potius de-  
poscente, nihil quidquam efficit, præterquam nimiam, quæ  
Vespasiano merito ab omnibus vitio vertebatur, pecuniæ  
cupiditatem, qua eum incitatum idem DIO (β) tradit: Πο-  
λλὰ μὲν γὰρ χρήματα καὶ ἄλλως παρ' αὐτῶν ἐξέλεξε, μηδένα  
πόρον, μηδ' εἰ ἐπαίτης τις ἦν, παραλιπὼν, ἀλλὰ καὶ ἐκ τῶν ἄλ-  
λων καὶ ἐκ τῶν ἱερῶν ὁμοίως χρηματίζομενος. Pecuniam tam  
multam conlegisse, nullo genere tributi prætermisso, ut ne mendi-  
cis quidem pepercerit, ac de divinis sacrisque rebus pecuniam  
fecerit. Sane SVETONIUS (γ) illum adfirmat, & lotii vesti-  
gal commentum esse. Id genus vestigalis nullum ad ejus  
tempora exstabat vestigium: quid itaque mirum, si Ve-  
spasianus, aliorum Impp. (qui ab amicis, & clientibus,  
imo ab urbibus loco coronarum & statuarum aurearum,

## M

(α) Plin. XXXIV. 5.

(β) Dio LXVI. in Vespas.

(γ) Suet. in Vesp. c. 23.

quæ alias ipsis, maxime post decretum triumphum, obferri consueverant, pecuniam adceperunt magis sub ratione muneris, quam liberi cujusdam decreti beneficio) exemplum, quo majorem æris vim redigeret, strenue imitatus, pro statua argentum flagitaret? Hac certe ratione J. Cæsarem magnam pecuniæ summam coacervasse itidem narrat Dio: (α) Πλὴν ὅτι κ' ἀνταῦθα πολλὰ ἡργυρολόγει, τὰ μὲν τινὰ ἐν δωρεῇς μέρει, σεφάνεις ἔ ἀγάλματα, ἔ ὅσα ἄλλα τοιαῦτα, λαμβάνων τὰ δὲ ἔ δανειζόμενος δίδειν, οὐχ ἔτι παρὰ τῶν ιδιωτῶν, ἄλλα ἔ παρὰ τῶν πόλεων. Præterquam quod Εῖ illic magnam pecuniæ vim cogeat, quam partim in muneris loco, ut sint coronæ Εῖ statuæ, Εῖ id genus alia, partim etiam mutui scilicet obtentu, idque non a privatis tantum, sed ab ipsis quoque urbibus adcipiebat. Hujusmodi pecuniæ, seu auri Coronarii, quod usitato vocabulo nominat TULLIUS Orat. 1. Agr., Εῖ in Pison, ab Jul. Cæs. toto orbe expilati & exacti, summa adsurgit ad numerum duorum millionum, quingentorum & quadragenorum millium, una cum mille & quadringentis aureis (β). En uberrimum fontem, unde auri famem aliquo modo explere poterat avarus Vespasianus! hujus aviditatem ac sordes denuo videris, ut cum laudata abs te alibi mediocritate concilies. Adeo malo nodo malum quæstisti cuneum!

(α) Dio XLII. p. 208.

(β) Græv. Thes. Antiq. Rom. T. XI. p. 1597.

Res tibi in vado jam hærere videtur ; hinc vela vertis , et a gemmula arcessis Vespasianæ meæ præsidium , at pariter supervacaneum : quippe quo me neutiquam egere ex hætenus dictis adfatim perspicias. Interim veri esse fimilius adfero secundum eorum , quæ ante retuli , rationem , & in gemmis ac annellis , de more tum obtinente , Pollæ enituisse effigiem. Quod si quæris , cur in antiquarum gemmarum , quas lustrasti , serie hanc tibi intueri non licuerit , ut cumque idoneum ex PLINIO tibi reddam responsum : Fuit & alia , verba sunt ejusdem (a) , *Claudii Principatu differentia in solis his , quibus admissionum liberti jus dedissent* IMAGINEM PRINCIPIS IN ANNULO gerendi , magna criminum obcasione : quæ omnia salutaris exortus Vespasiani Principis abolivit. Si propriam in annulo gestari imaginem vetuit Vespasianus , quidni & matris in gemma effigiem interdixerit circumferri ? Quidquid tamen de hoc sit , totum hoc ratiocinium eo recidit , quo illud , quod supra ex SVETONII , & Scriptorum silentio contra me evincere adnitebaris , abunde ibidem a me confutatum. Hic modo adjungo id , quo tu ipse mox in tuæ contra numisma meum Epistolæ limine adversus Itolorum quorundam antiquariorum uteris , argumentum hujus sententiæ : *Si universi numi illi* , addo gemmæ , *qui hætenus in antiquariorum manus non venerè* , nigro Theta

M 2

(a) *Plinius XXXIII. 3.*

*præfiguntur, quos tandem habebimus ἀνεκδότους?* Et quæ præterea, pergo & percontor ego, fors illos maneret numos necdum editos, quorum in lucem emittendorum curis honestissimis occupari te nunc adeo, quum hæc scribo, cum voluptate intelligo? Ad hæc quot, quantarumque rerum notitias pulcerrimas in posterum conbibituros nos sperare possumus ex ACADEMICORVM HERCVLANENSIVM præclaris laboribus in eruendis, quæ in terræ visceribus adhuc incognitæ oblescent, Antiquitatis opibus & reliquiis? Harum jam quartum Volumen REGI CHRISTIANISSIMO nuperrime a Legato Siculo oblatum publicæ nuntiarunt Ephemerides.

Id quoque Volumen IV. ad me perlatum recens adcepi, jucundissimam mihi adcessionem ad priora tria, quæ Regia VTRIVSQUE SICILIAE MONARCHAE Munificentia, ac Exellentissimi MARCHIONIS TANVCCI, qui secundus ab Rege, primusque Regni Administer pari ad Cives, Exterosque cum Prudentiæ & Aequitatis laude publicam usque modorem moderatus est, benevolentia, propensisque in me studiis similiter dono mihi obtigere; quod quidem beneficii genus in grati animi τεκμήριον hoc loco memorandum, honori quoque mihi duco hoc majori, quod, viris nisi primariis, non facile conferatur.

At inter centum & amplius feminarum Augustarum capita, quæ in pretiosorum lapillorum confectione optimæ memoriæ *Jos. de France* exstant, nullum simile, seu vultum; seu capilli discrimen spectes, videre tibi licuit. Isti hoc contra jam disputavi superius, ubi una dixi, Augustarum capita quoad pilorum fabricam cultumque sibi sic esse similia, uti ovibus ova.

Ad VICVM reverfus, me juxta recinere eandem cogis cantilenam, quam tibi in aurem ante infusurravi, nimirum me ad stabiliendam causam meam non jam indigere numismatis, quod ex FVLVIO exhibet VICVS: quamvis haud diffitear, cultui capitis Pollæ meæ valde quam belle convenire cum eo, quem VICVS obfert expictum. *Verum diversa, obcinis tu, sunt reliqua omnia. Quæ illa? Epigraphæ spectato τῷ MAT. magis ad morem antiquum adcommodata.* Vix ab risu temperaram, nisi nossem te, virum ad fidis distentum curis literariis, ad singula animum, in plura studia distractum, adtendere minus posse: non advertebas tu certe isthic ad id, quod supra pag. 25. scripsisti, quum me adrepto stylo plumbeo jubebas intrudere MAT. *Tentavi idem, addebas, neque tamen nisi pro solo M. spatium reperi.* Nullam tu tum, quæ MAT. referret, cernebas notam, aut epigraphen; at neque cernere poteras, quippe vetustate ero-

sam. Vide iconem numismatis I. Dissertationis bujus fronti præfixam. Ac enim hoc loco tam acutum vides, ut plane dispicias, quanto propius epigraphæ ectypi, ab Vico exhibiti, *σπεκτατο τῷ MAT.* ad morem antiquum adcedat, ac ea meo in prototypo, quam tibi, ut antehac tuos, omniumque oculos effugerit, hoc tamen mox loco placet redere adspectabilem. Vin' secundo Nævii fecem filicem?

*Literarum ordo*, pergis, *aliis limbi partibus respondens*: vultus alter, magisque senilis: dein ad sinistram conversus, qui tuo in numo dextram respicit. De oris, lineamentorumque habitu, qui in numis adparet, superius jam fatis superque disputasse me existimo. Quod ad literarum ordinem adinet, ut tribuam, hunc tuis, in Vespasie Numismatis perniciem æquo plus acutis, oculis videri diversum ab eo, qui in moneta mea spectatur, aliisque limbi partibus respondentem; quid denique hinc eviceris, præterquam seu incuriam, seu errorem Chalcographi, qui FVLVII ectypon scalpserat? Quam facile enim, atque proclive fit in minutos id genus errores incidere ac prolabi, te certe latere minime potest, qui tantam jam numorum veterum copiam æri insculpi fecisti. Verum super his mox plura. An putas, sciscitando concludis, *diversa elaborata esse typaria Vespasie?* scilicet, quod Pollæ vultus in Vici numo sinistram, in meo



autem dextram respiciat, atque aliis limbi partibus, ut tibi placet, literarum ordo respondeat, diversa continuo elaborata sint typaria? Isthoc qui tu inde efficias, non video: fatis namque mihi sit dixisse, VICTI, aut potius FVLVIT sculptorem, qui Vespasiae os, e numo petum, in æs iterum inciderat, aut scientem prudentemque, aut errore prolapsum, in alterum conversam latus scalpisse Pollæ faciem, atque in literarum, limbum coronantium, intervallis seu discriminibus dimetiendis, circumscribendisque minus curiosum ac solertem exstitisse. Sin minus hoc placeat, melius subgeram: intellexisti antehac, pro communi olim obtinente more, imagines Vespasiae in necessariorum, familiaeque nobilissimæ atriis adservatas; itidem intellexisti, ejusdem sive effigiem, sive statuas in sepulcro, aliisve monumentis propalam visenda exstitisse; quid itaque vetat, quin FVLVIVS, vel ante hunc alius, ex superstite vetere id genus monumento aut archetypo, aut ectypo imaginem numi sui deprompserit?

Sunt mihi bina Vespasiani numismata ænea, ex integro gemina, ejusdem nimirum commatis, ejusdem formæ, ejusdem anni cum hac epigraphe: IMP. CAES. VESPASIAN. AVG. PON. MAX. TR. POT. P. P. COS. V. CENS. in eo dumtaxat diversa, quod *caput* Vespasiani *laureatum* in altero dextrorsum, sinistrorsum in altero

fit verum. In his tu duo agnosces typaria ? fit ita ; at non necessario duo archetypa : poterat alterum apotypon esse alterius sic, ut secundi faber a primi typo desciverit, imaginis faciem in partem traducendo obversam.

At si dixero etiam, duo diversa, & quidem prototypa elaborata esse Vespasie typaria ; nil quidquam edixero novi : nam utrumque in prius dictis jam a me didicisti. Alterum equidem, ubi supra declaravi, ab Alexandrinis sub imperii Vespasiani primordia Pollæ numum, quo materni generis claritudo, Principi novo, ac Imperatori cum maxime nascenti, sed qui obscuro ortus esset patre, perhonorifica, in luce & in oculis omnium poneretur, fuisse procusum. Alterum autem, ubi paulo ante ostendi, a Flavio Sabino, Vespasie filio majore, Prætoris Urbani, adeoque dignitate & potestate maxima prædito, vel etiam a Pollæ fratre, prætorie senatore dignitatis, in genitricis Augustæ, aut fororis honorem nullo dispendio monetam æneam potuisse signari. En bina ex hætenus dictis confecta Vespasie typaria ! queis cumulus, bona venia tua, etiam tertium, imo quartum & quintum in dicendis adcedent : non quod putem, ea reapse singula fabricata, vel ad honorem numifinatis mei tuendum necessaria ; verum ut ostendam,

me

me haud perinde inopia , ac copia laborare , utque tibi liberum eorumdem singulatim relinquam delectum.

Unum me jam alio, jamque tranfiturum, hoc etiamnum loco tantisper moratur : illa videlicet verba tua , queis hic adseveras , Vespasie nullum unquam numum in alicujus Antiquarii manum venisse. Quid si, jam ex te quæro , JOANNES TRISTANVS , unus e primis ac celeberrimis Gallie Antiquariis, aliquem Pollæ meæ numum vidisset , & adtrectasset ? Recenset ille inter alia Vespasiani numismata unum quodpiam (α), cujus antica exhibet effigiem hujus Imperatoris cum epigraphe : VESPASIAN. de postica vero sic loquitur Cl. Vir: *Au revers il y a l'effigie d'une femme sans inscription. Cette Médaille est de Bronze, & hors de tout soupçon de falsité, la quelle le Sieur de Bretagne m'a communiquée; or cette tête ne rapporte aucunement aux effigies & pourfils des Domitilles femme & fille de Vespasian, qui se remarquent en leurs Médailles, non seulement de celles, que j'ai vues, mais même de celles, que Vicus, Scotus, & Strada nous exhibent. C'est donc la difficulté de savoir, si elle ne représente point VESPASIA POLLÆ Mere de Vespasian. In posteriore area exstat Caput mulieris sine inscriptione: hoc numisma est ex ære, atque indubitatae integritatis, quod mecum communicavit D. de Breta-*

## N

(α) Tristan. Commentair. Historiq. T. I. p. 289.

*gue. Jam capiti illi nulla prorsus ratione convenit cum Domitillarum, Conjugis & Filiae Vespasiani, capitibus, qualia in istarum numis conspiciuntur efficta, non modo in iis, quos ego vidi, sed neque in aliis, quos Vicus, Scotus, & Strada nobis produnt. Difficultas igitur in eo sita videtur, ut sciamus, an non numisma repræsentet VESPASIAM POLLAM, Matrem Vespasiani.*

Hæsitat equidem paulo post, & subdubitat Vir ille sapientissimus, an non fors potius Coenidi, Vespasiani concubinæ, adscribendum sit numisma. Causa dubitandi præter levioris momenti alias, quas alibi a me convulsas hic non tango, præcipua illi est, quod secundum SVETONII testimonium Coenidem Vespasianus summe dilexerat, ac pene justæ uxoris loco habuerat. Verum bona Viri hujus, dere numaria quam optime meriti, pace dicere mihi liceat, eam infirmam prorsus ac caducam causam videri, tanti certe non esse, ut idcirco numus Vespasie abjudicetur. Quod si ulla, hac sane in re, te, KHELLI AMANTISME, secundum me sensurum spero: nam quem tu ante pietatis ac mediocritatis adeo studiosum adseruisti Vespasianum, ut ne quidem matris, feminæ nobilissimæ, imaginem æri insculpi permiserit; huncne eundem jam tu cum TRISTANO eo usque admiseris impudentem, ut vel ignobili pellici, & con-


cubinæ publicam consecrarit monetam , imo illius capiti suum in ære jugatum proflare voluerit ? Absit ab utroque nostrum hæc Vespasiano nimiopere ignominiosa sententia. Quare quum neque uxori, neque filiæ, neque denique concubinæ Vespasiani , neque etiam alteri cuipiam ejus temporis feminæ illud jure tribui queat numisma , omnino Vespasiæ matri ut adjudicetur , necesse est.

Exempli facem Vespasiano prætulere Cæjus , & Nero Impp., qui Matrum suarum capita suis conjungenda curarunt in numis , quorum specimina exhibent Cl. Cl. VAILLANTIVS , & MEDIOBARBVS. Ecce illorum exemplum imitari renuisset Vespasianus ? Ego profecto nunquam induci me patiar , ut credam , eum Vespasianum , qui magnificentissima æque , atque sumptuosissima exstruxit ædificia , & de iis gloriatus est ; qui superbissimum post natos homines triumphum , ne pleno quidem jure sibi debitum , ab senatu & decernendum curavit , & decretum splendidissime egit ; qui gloriosissima honorum vocabula numis suis inscribi & fecit , & sustinuit (quæ omnia & singula in superioribus adfatim demonstrata sunt) qui denique ipsum adeo matris Vespasiæ nomen adsumpsit , suisque inferuit titulis : eum , inquam , nihilominus credam Vespasianum , idem ipsum respuisse in ære nomen matris illius , a qua omnem natalium splendorem , pri-

namque nobilitatis laudem adceperat? Eum demum credam, in una matris imagine numo æneo inprimenda inanem modestiæ famam adfectasse, inque hoc dumtaxat uno religiosum tantopere, atque mediocritatis studiosum exstitisse?

Cave obtendas, posticæ inscriptionem in eo TRISTANI numismate desiderari: præterquam enim, quod vetustate, tam longo temporis tractu, consumptæ, ac exesæ dici queant literæ, super quo & alibi a me pluribus disputatur; id cuicumque hic sat esto, quod numus memoratus, ut ex TRISTANI testimonio liquet, indubitatæ sit fidei & antiquitatis, atque manifesto feminæ præferat caput, quod quum nulli alteri ejus temporis mulieri, uti pariter ex prius dictis palam est, recte & ratione adtribui possit; necessario hinc conficiatur, illud esse caput Vespasiæ. Placuit hanc cursim hoc loco tetigisse materiem, non quia credam, isto mihi opus esse argumento, aut eidem robur inesse peculiare ad constabiliendam numismatis mei integritatem seu fidem: hæc quippe firma ipsi constat, constabitque, etsi nunquam in ullius antiquariorum manus neve ipsum, neve simile quodpiam Vespasiæ numisma venisset, quemadmodum cum ex adhuc dictis, tum ex porro dicendis planum apertumque est; sed ut conmonstrem, aliquod saltem numismatis mei vestigium, ac testimonium contra men-

tem atque sententiam tuam, & hic & alibi declaratam, in celeberrimo Antiquario reperiri. Quid? quod Inlustrissimum Antiquariorum Decus SPANHEMIVS ὁ πάλιν hunc eundem e TRISTANO Vespasianæ numum commemorandum sibi duxerat in *Dissertat. XI. pag. 270.*



am quæ aversæ numismatis mei parti intentas tela, eodem prorsus vultu, fronteque eadem, præ tibi sum, me excepturum ac disjecturum, qua quæ in illius vibraſti adverſam. Primum mox arietem, mecum conſicans, admoves Tempſa, de quibus inperterritè adſeris: *Si quid hætenus in re numaria didici, id ſcio, Auguſtorum, Auguſtarumque vultibus fere, ſi Tempſa in poſſica Romani commatis exhibentur, ea conſignata eſſe, quæ aut ab ipſis ſtructa, aut vitio factò ſuis, aut publicis inpenſis fuerant reſtituta. Id inductis aliquot templorum typis, quorum in antica Principum capita depicſta cernuntur, conprobare adlaboras. At mox in oſſio aqua hæret. Pau-*

cula solum modo, ne longum faciam, hic in contrariam partem adducam exempla; quum alioquin ex Cl. SPANHEMIO (α) notum sit, *numos cum Templis cufos quoque fuisse ad signandam Imperatorum in Deos pietatem, vel religionem.*

Sic certe in Vitellii numis, ab VAILLANTIO, & MEDIOBARBO exhibitis, cernere est *Templum Jovis Capitolini*, quod adeo Vitellius non condidit, ut potius illud testibus DIONE (β), & SVETONIO (γ) incenderit, vastaritque; sed neque id suis, aut publicis impensis restituere poterat, quippe fenos modo menses imperio usus, atque extemplo post ejusdem ædis incendium a victoribus Vespasiani militibus contrucidatus. Similiter in Vitellii numismatibus cusa videtur *Aedes Jovis Victoris* in monte Palatino posita; cujusce modi numum argenteum refert laudatus mox VAILLANTIVS (δ), atque hujus rationem hanc prodit, nimirum quod festo ejus Jovis die, Idibus Aprilis Romæ celebrato, Vitellii exercitus victor Othonis copias ad Bebricum fuderit. En ne γρὺ quidem hic meminit Vir Doctissimus super *strutura aut instauratione Templi hujus!*

(α) Spanh. de Præst. & Us. Numism. Antiq. Diss. XIII. p. 547.

(β) Dio Lit. LXV.

(γ) Sueton. in Vitell. c. 15.

(δ) Vaillant. Numism. Præst. T. II. p. 81.



In numis Titi, & Domitiani conparet *Templum Pacis*, ut a neutro horum conditum sit; quippe a Vespasiano proximum foro exstructum atque perfectum. Quid? quod Inl. SPANHEMIVS (α) testatur, inter Commodi insuper numos superbum istud Pacis Templum ab se Romæ olim visum, quum tamen, testibus HERODIANO (β), & DIONE (γ), id sub eodem Imperatore dirutum incendio fuerit. *Vestæ* itidem *Templum* rotundum, quatuor columnis adornatum, *Capiti Domitiani laureato* in posteriore numi area junctum exhibet VAILLANTIVS (δ); ubi tamen in conperto est, *Vestæ* ædem primum sub Numa structam, ac imperante Nerone, funesto hoc urbis incendiario, cum dimidia decem & quatuor regionum, in quas Româ dispescitur, parte exustam, demum a Vespasiano restructam, atque ad fastigium perductam fuisse.

Mitto, quod aliorum Augustorum, Augustarumque Capitibus, seu titulis in postica passim respondet *Vestæ Templum*, aut *Simulacrum*, quin ab ipsis de suo, vel e publico structum, restitutumve sit: potius dixeris cum doctissimis SPANHEMIO, ac VAILLANTIO, *Vestæ Aedem*, vel *Ico-*

---

(α) *Spanhem. de Præst. etc. Dissert. XIII. f. 643.*

(β) *Herodian. I. 14.*

(γ) *Dio LXXIII. in Commod.*

(δ) *Vaillant. Numism. Rom. Imp. Præst. T. I. p. 43.*

nem, Augustorum vultibus additam, supremum eorundem, tamquam Pontificum Maximorum, imperium ac potestatem in ipsas quoque Virgines, Vestæ sacras, indicare eadem plane ratione, qua in feminis Augustis earundem denotat pudicitiam, cujus symbolum, uti præclare ex INL. SPANHEMIO animadvertit VAILLANTIUS ( $\alpha$ ), est Vesta propterea, quod post debellatos Titanes optione habita petendi, quod vellet, continuo Virginitatem petierat. Vnde de eadem OVIDIVS: ( $\beta$ )

*I, pete virginea, populus, suffimen ab ara!*  
*Vesta dabit: Vestæ munere purus eris.*

Alia hic causa subit præterea: ecurr nempe Vestæ seu Icon, seu Aedes toties in Augustorum, Augustarumque moneta obcurrat. Eadem quippe colebatur tamquam unum ex præcipuis Urbis, ac cumprimus Domus Augustæ, Palatiique Tutelaribus Numen, adeo ut jam sub Augusto in huius ipsius palatio Vestæ Templum decreto senatus fuerit positum: in hoc eodem palatio, domi nempe suæ, ædificavit Augustus Aedem quoque Apollinis; discimus hæc ex NASONE ita canente: ( $\gamma$ )

*Cognato*

( $\alpha$ ) *Vaillant, Num. Præst. To. II. p. 289.*

( $\beta$ ) *Ovid. Fast. IV. 371.*

( $\gamma$ ) *Ovid. Fast. IV. in fine.*

*Cognato Vestæ recepta est*

*Limine: sic iusti constituere Patres.*

*Phoebus habet partem, Vestæ pars altera cessit,*

*Quod superest illis, tertius ipse tenet.*

*State Palatinæ laurus, prætextaque quercu*

*Stet domus: æternos tres habet una Deos.*

Hinc etiam est, quod *Dea Palatina*, inter *Cæsareos Penates* *sacrata*, & *Cæsarea Vestæ* dicebatur; testis VIRGILIUS (α):

*Di Patrii indigetes, & Romule, VESTAQUE MATER,*

*Quæ Tuscum Tiberim, & Romana PALATIA servas.*

Atque iterum OVIDIUS: (β)

*VESTAQUE CAESAREOS inter SACRATA PENATES,*

*Et cum CAESAREA, tu Phæbe domestice, VESTA.*

Mitto jam *Templum Jovis Custodis*, quod numi Caracallæ, a VAILLANTIO (γ) laudati, repræsentant, quin tamen unquam hanc ædem condiderit hic Imperator Antoninus, Caracalla cognominatus. Mitto *Templum Vulcani*, ab Romulo conditum, in Valeriani numis conspiciendum, quod ab hoc fabricatum, aut renovatum nemo unus certa autori-

O

---

(α) *Virg. Georg. I.* 498.

(β) *Ovid. Met. XV.* 864.

(γ) *Valkau. Num. Præfl. T. I. p.* 122.

tate evicerit. Mitto denique quam multa alia seu Tempia, seu Simulacra, *Providentia, Pietati, Pudicitia, Fortuna Virili ac Muliebri, Marti, Jovi O. M., Jovi Conservatori*, cujus Templum in plurimis Impp. numis obcurrere tradit SPANHEMIVS (α), & id genus aliis ex infinita Deorum, Dearumque turba inscripta, atque Augustorum, Augustarumve imaginibus altera in area adjecta; quæ cuncta (uti ante jam ex Eruditissimo SPANHEMIO innui, ac passim in dilaudatis VAILLANTII Voluminibus I. & II. Numism. Præstantior. legere est) partim peculiarem, qua ii Principes ejuscemodi Numina prosequabantur, religionem, partim singularia, sperata aut inpetrata eorumdem ope beneficia, partim denique varias titulorum, honorumque prærogativas, atque mutuas Augustorum, Augustarumque cum Diis, Deabusque comparationes indicabant, prodebantque. Ist hæc si tuiis, quæ hoc loco de Templorum fabrica, instauratione, atque dedicatione diffuse differis, addas; næ tum omnes hujus argumenti absolvisti numeros.

Templa Pacis, & Claudii una cum quibusdam aliis, quæ tu hoc loco adducis, ego non moror, qui ultro & lubens fateor, iis in posteriore numismatis mei area locum non esse relictum.

---

(α) Spanh. de Præf. & Uj. Num. etc. Diss. XIII. p. 645.

Ad Vestæ Templum redeo; hoc adeo ajo ipsum pontificam Vespasianæ numi pleno jure possidere: neque tu diffiteris, eidem satis belle cum Vespasia mea convenire. At mox religio, an pœnitudo? animum subit tuum: *At quis nescit*, exclamas, *rotundum illud fuisse*? Ita profecto: rotundum erat Vestæ templum; num non fors tale meo se sistit in numismate? anne tu, VIR OPTIME, præjudicatis opinionibus, & falsis imaginibus animum, oculosque sic geris in numum meum armatos, ut vel in meridie cæcutiant, quo minus videant Ὁλοειδῆ templi in eo repræsentati formam, seu rotundum in medio tholum, de quo OVIDIUS (α):

*Esse diu stultus Vestæ simulacra putavi;*

*Mox didici CURVO nulla subesse THOLO.*

Atqui quaternæ in eo conspiciuntur columnæ; statuarum item. Ita equidem: statuis seu figuris ornatum profert VAILLANTIVS (β) in numis Titi, & Vespasiani. Tetrastylon paulo ante tibi obtuli ex eodem VAILLANTIO. Tale quoque, nempe quatuor columnis insigne, proponit GRÆVIUS in *Antiq. Rom.* Volumine V., in cujus pagg. 629. & 641. cernere est conplures Vestæ Templi imagines, ei, quam nu-

O 2

---

(α) Ovid. *Fast.* VI.

(β) Vaillant. *Num. Præst. To. II* p. 98.

misma meum depictam obfert, examussim respondentes: has consulendi si aut animus tibi, aut otium fuisset, quale demum cumque arietum, in Templi numo meo designati typum ac formam a te libratorum, robur protinus fractum, elumbatumque vidisses. Tetrastylam præterea Vestæ ædem ex numis antiquis producit Magnus SPANHEMIVS (α), ubi addit: *E gracilitate columnarum agnoscis, ut oji in or, ordinis illud, Vestæ Templum, esse Corinthii, de quo nota sunt, quæ tradit VITRUVIVS (β): Tertium vero, quod Corinthium dicitur, Virginalis habet gracilitatis imitationem.* Adposite omnino dictum ad Vestæ Virginis Templum. Idem *Dissertatione* mox laudata, non insolitum in variis priscis numis esse adferit, quod exterior solum sacrarum Aedium *Frons* absque interiore *Cella* in iis sit expressa; id quod diversis Templorum antiquorum speciminibus, in medium prolatis, præclare, quod solet, consolidat. Hinc & in Vestæ Templo *Frontem* Tetrastylam ab ejusdem *Cella*, & tholo rotundo ut discrimines, oportet.

Quod de Vestæ Templo, in Juliæ Domnæ numo aureo *Cimelii Aufriaci*, prostante cum epigraphe VESTA. subdis, atque ex VAILLANTIO contra me conficere niteris,

---

(α) *Spanhem. Dissert. XIII. p. 647.*

(β) *Vitruv. IV. 1.*

pro me facere mox advertes. VAILLANTIVS, quum huic geminum profert numisma (α), adjungit: *Illud, Vestæ Templum, restauratum fuisse VIDETVR Julæ munificentia.* Cur hoc? quia *Palladium Vestales in aulam Imperatoris transtulisse* narrat HERODIANVS; quum illud, *flamma absumpto Vestæ templo, nudum conspiceretur.* Verum ecquis, quæso, (bona pace VAILLANTII, Viri de supellectile numaria tantopere meriti, id dixero) his ex verbis HERODIANI effecerit, Vestæ Templum a Julia Severi resectum? Quid? quod HERODIANI modo adlata verba ne ulla quidem ratione ad Juliam hanc pertinent? arsit namque, teste eodem, Vestæ templum cum plurimis aliis ædificiis sub Commodo, atque tum quoque *Palladium* ex eodem in aulam Imperatoris, puta Commodi, translatum erat: qui igitur hæc verba ad Juliam Domnam, Severi Imperatoris, qui Commodo post Pertinacem, & Didium Julianum subcefferat, uxorem secundam referas? Videtur id ipsum suboluisse VAILLANTIO; hinc neutiquam ausus est aperte adfirmare, Vestæ templum ab hac Julia *restauratum esse*, at *videri solummodo*: nullum equidem testimonium solidum, aut tutum in promptu habebat, quo ei sententiæ fidem vel auctoritatem conciliare effet potis. Quare confestim eodem loco, filo minime interrupto, aliud superiori simillimum, quod tu dis-

simulasti, ex argento subicit numisma cum Vestæ pariter templo, in cujus aditu sacra facit Julia, *ut Vestam sibi*, verba sunt VAILLANTII, *Domuique Augustæ propitiâ reddat*. Nihil isthic amplius mentionis de *restauracione Templi*, quantumvis licet eadem Dea, Augusta eadem, eadem epigraphe, idem repræsentetur templum, sacrificium idem. Profecto posterior isthæc VAILLANTII sententia & veritati propior, & iis, quæ tum ex eodem ipso, tum ex SPANHEMIO supra recitavi, magis videtur consentanea, ac prior illa, incerto nixa fundamento. Referre hæc placuit, ut iterum videas, Matronarum numis non ea modo insculpta templa, quæ fors ipfarum munificentia sint instaurata; sed vel maxime etiam ea, quorum Numen aut peculiari ab ipsis cultu & religione honoratum, aut beneficii cujusdam inpetrandi, inpetrative gratia salutatum fuit.

Requiris porro Inscriptionem in Vestæ templo, quod numisfinatis mei aream obcupat posteriorem. Verum, præterquam quod tu ipse mox adsentiris, abesse nonnuncquam inscriptionem: *quia Aedes hæc jam inde a Denariis familia Cassiæ erat notissima*; hanc alteram insuper addere potes caussam, videlicet: Vestæ ædis adeo diversam a plerisque aliis ejus ætatis templis fuisse formam, sicque obviam & in vulgus cognitam, ut nota indice, aut charagmate cer-



to opus haberet minime. Adcedit, quod & alia templa absque ulla epigraphe in conplurium Augustorum numis spectanda se præbeant.

Neque inconcinna illa est ratio, quam postremam pro me tibi objectas: *Interiisse Historicos, notum satis fuisse Templum iis, qui ætate proxima vixerunt; in omnium manibus versari numos VICTORIA. AVG. insignes, typo solito magno numero sub diversis Augustis cufos, quin Gens memoretur, aut Provincia, unde lauri demesse: satis nempe notum erat populo Romano, unde triumphales hæ monetæ proficiscerentur. Hactenus peropportune ad rem meam. Jam audire lubet, ut hæc evertas: Notum item ajo, prosequeris, subiectis Romano orbi Provinciis, nunquam aciei formam, evolutionum casus, & quæ ad rei gestæ amplio rem notitiam facere poterant, ut apud nos in chartis, tum in numis depingi in more fuisse: ast si de ædificio sacro ab ædilibus curato res erat, pro ea, qua in publica monumenta, & perpetuam memoriam ferebantur propensione monetarii, remotissimis Romani Imperii populis operis magnificam ideam communicatam volebant, non vaga aliqua Templi cuiuscunque, sed ejusdem, quod seu ERECTVM, seu novo splendore REELECTVM erat, ut nuni ferebat ærea, orthographia summis saltem lineis adumbrata.*

Et isthæc perbelle dicta ; sed horum nihil quidquam contra mei numi Templum. Jam iis, quæ de Templorum priscorum, in numis conspicuorum, seu *Erectione*, seu *Refectione* præmisi, viam obvallavi. Neque conditum a Vespasia mea, neque instauratum est Vestæ Templum: interim tamen minime vaga Templi cuiuscumque, sed ejusdem, quod a Nerone coeptum, & a Pollæ meæ filio minore Vespasiano perfectum constat, Vestæ Templi orthographia meo in numismate adumbrata conparet.

Eodem pacto mihi edisserere fas sit de Templo, quod Vespasiæ numus sistit, quo VAILLANTIO de eadem Vestæ æde, in numis Titi, & Domitiani obvia; hanc Vir iste Eruditissimus adserit, propterea istis insertam numismatibus, unaque Tito, & Domitiano dicatam, quod eadem ab istorum patre Vespasiano ad culmen fuerit perducta. In eandem fere sententiam loquitur de numismate Caracallæ, in quo Hercules, & Bacchus cum epigraphe DI. PATRII. cernuntur: hos, ait, idéo hacce in moneta exhiberi, patriosque a Caracalla adpellari Deos, quod Severus ejusdem pater iis, summopere ab se cultis, maximum, teste DIONË, Templum ædificasset. Quidni igitur de Vestæ templo germana plane ratione dicam, istud Vespasiæ numismatis posticæ incisum propterea, quod idem ab ejus filio exstructum, atque

atque ad perfectionem adductum fuerat? Adcedunt insuper bina illa, quæ supra de Vesta, pudicitia symbolo, & custode, conservatrice, atque domestica Domus Augustæ, palatiique Dea, jam protuli, non minus congrua argumenta. Nihil sanctius, rursus ad propositum oportune VAILLANTIVS (α), *Augustæ habebant, quam ut castæ apud populos existimarentur.* Hinc toties in earumdem numis Vesta exhibetur pro pudicitia typo. Idem tradit alibi (β): *Mamæam Augustam, in numis argenteis, sub effigie VESTÆ representari ad indicandam illius PUDICITIAM.* Imo hæc ipsa, nimirum pudicitia, adtestante rursus eodem (γ), *ut Dea Romæ culta est, & quidem ab omnibus feminis: nam una Patria, altera Plebeja erat, diversaque habebant templa, unum in foro boario, alterum in vico longo.* Nihil enim carius habuisset Augustus quam pudicitiam, testatur sæpius in earum numis repetita ejus epigraphæ.

Quodsi hæc, ut cuique alteri subsectura putem, tibi necdum faciant satis; non tam propter necessitatem, quam copiam, quo delectum facere possis, aliud hic adjicio præterea. Conpertum, atque exploratum habetur ex prisco-

## P

(α) Vaillant, Num. Præst. T. II. p. 102.

(β) Vaillant, Ibid. p. 289.

(γ) Il. Ib. p. 218.

rum<sup>a</sup> codicibus, ac monumentis, Tempa ipsis quoque sepulcris fuisse inposita. Sic propter Ophelti sepulcrum ædem sacram, & aram conspicua fuisse tradit PAVSANIAS (α); juxta quocum fentit & STATIVS (β):

*Mirum opus atteleraſſe manus, ſtat ſaxea moles,  
TEMPLVM ingens, CINERI.*

Similiter Valerii sepulcrum erat prope Aesculapii Templum; id quod testatum facit sequens inscriptio Hispanienſis (γ):

OSSA. NOSTRA. POSSE. MELIVS  
ADQVIESCERE. QVAM. PROPE. TEM-  
PLVM. AESCVLAPII

Prætermitto conplura id genus testimonia alia, uti ad scopum præfixum citius, propiusque adtingam. Supra multum superque audisti ex SVETONIO, conplura Vespasiorum familiæ monumenta extitisse. Audisti pariter in monumentis vel maxime numerari *sepulcra*; his nunc adeo conperisti crebro *Tempa* fuisse adjuncta, aut inposita. Quid si igitur

(α) Pausan. Corinth. p. 57.

(β) Stat. Theb. VI. 242.

(γ) Nicol. de Sepulcr. II. 15. 6.

tribuam Vespasiae meae locum in majorum, familiaeque monumentis? An non enim proximum vero credam, ipsius cineres ibi quiescere conditos, ubi avita erant *sepulcra & monumenta* cum vicinis, aut inpositis *Templis*? Quid si hujus opulentissimae, ac nobilissimae matronae *sepulcro ipsi*, aut *proprio*, aut *conlato aere*, de quo similiter plura superius, *Templum* esset adjectum, aut superstructum? Istius itaque, vel alterius cujuspiam ex gente Vespasiorum, cui Pollae sepulcrum contiguum erat, Templi icon numismatis mei posticae adpingi aerae poterat. Neque opus hic inscriptione, quum hujus templi forma aequae tum viventibus cognita perspectaque foret, atque alia, de quibus toties, Vespasiae gentis monumenta, quorum tamen distincta nulla, neque in SVETONIO, neque alibi obcurrit descriptio, vel adumbratio.

Aliud itidem hic commemorasse non injucundum sit. Meminit PANSIROLLIVS (α) ex RVFO templi Vespasiani, in Regione Urbis octava situm; hoc a TITO in honorem patris excitatum numorum ope conprobant VAILLANTIVS, & MEDIOBAREVS: neque id a veritate alienum videri debet, quum Numophilorum neminem lateat, Vespasianum a TITO Divorum numero insertum esse, atque adeo & templo honorari debuisse, propterea quod tum obtinebat, ut conse-

P 2

---

(α) Pansiroll. Comment. de XIV. Urbis. Reg. Reg. VIII.

cratis præter honores alios & Tempa decernerentur. Numne mihi haud permissum fit dicere, id, quod in numo meo conspicuum est, Templum esse Vespasiani, modo memoratum? Quid si hac occasione una adferam hanc ipsam Vespasie meæ monetam a Tito nepote esse signatam? quid enim prohibet, quin dicam? Explorata est Titi clementia, & pietas in omnes, & cum primis in patrem, eccur non in hujus matrem? Titum testatur Inl. Baro DE LA BASTIE (a), cui & numerum subfragatur autoritas, omnium fere Decefforum fuorum restituisse numismata adeo, ut & Othonis, licet Principis tantopere effeminati, memoriam redintegrare non dubitaverit: numismata quoque Livie; item Agrippinæ, Caji matris, teste eodem, innovavit. Hic itaque Princeps, qui tot aliorum, ad se minus pertinentium, numismata restituit; qui Othonem mollem, omnibusque infensum, Agrippinam præterea feminam ambiciosissimam, Caligulæ matrem, in ære veluti redivivos præstitit: hic, inquam, Princeps unam genitoris sui matrem neglexerit, aut oblitus sit, a qua & ipse omnem stemmatis materni claritudinem, & pater Vespasianus suum nomen, primamque nobilitatis laudem fortiti sunt? Super Templi Vespasiani forma, cave, quid hoc loco objectes: paulo enim post præbebitur campus pluribus de Aedium sacrarum formis disceptandi. Placuit isthæc superio-

---

(a) *La Science des Méd.* T. I. p. 286.

ribus velut cumulum adicere, quo apertius pericliteris, penum mihi, quum de numismatis mei area utravis tuenda, ornandaque agitur, adeo tum non esse angustam, ut etiam argumentorum, sententiarumque adfluat varietas, & juxta delectatio.

Decempeda armatus Architectum jam induis; sed bono tuo, & meo fato personam hanc diu non sustines, omnemque paucis scenam absolvis. *Romanos Vespasiani, aut vicina filiorum ætate nequaquam meo in numo suum aliquod ædificium agnituros fuisse, dicis, in statuas coronidem prementes solum intentus.* Quam ob rem Romani nihil quidquam suæ meo in templo agnoscant artis? *Dimensionem si exigis, repone tu, sedentium statuarum, colossæ erunt, inferiores superaturæ.* Largiar id tuis, in numismatis mei perniciem armatis, oculis sic videri, aliter dubio procul judicaturis, ubi nudi, & integri statuas, quales ipsis imago, hujus libelli fronti præfixa sistit, examinarint, dimensique fuerint. Interea ad illud enervandum ecce tibi ex Eruditissimo SPANHEMIO (α) typum alterius ædis ex ævo Flaviano, Templi nimirum *gentis Flaviæ, seu Minervæ Flavianæ*, a Domitiano, teste SÆVTONIO (β), excitati, cum singulari inscriptione: AETER-

## P 3

(α) Spanhem. *Dissert. XIII.* p. 649.

(β) Sueton. in *Domit.* cap. 5.

**NITATI. FLAVIORVM.** In hujus ingressu ternæ vi-  
suntur statuz pedestres, seu in pedes erectæ; ipsi autem  
ejusdem fastigio insunt singulæ utrinque statuz equestres:  
hasce tu, cum inferioribus illis conlatis, jure meliori excla-  
maveris esse *colosseas*. Verum ut ne effugii locus relinquatur  
tibi, fors obtenturo, eas equestres esse statuas; en aliud ex  
eodem SPANHEMIO, & quidem eodem mox indicato loco,  
*δῆγμα Τημεπλίου Συνcordiæ*, a Tiberio, Augusto adhucdum  
superfite, dedicati! hujus fastigium superbit variis pariter  
condecoratum statuis pedestribus, quarum mediæ binas infe-  
riores, in ingressu statutas, magnitudine sin minus superant,  
at certe exæquant, quemadmodum typum inspicienti mani-  
festum est. Et tamen SPANHEMIVS ὁ πᾶν addit: id ipsum  
Templum inter maxime notabiles Regiæ Gallorum gazæ nu-  
mos spectari.

Silentio prætereo varias Templorum icones, quas  
ex mei Cimeliarchii numis conspectui tuo, si copiosior esse ve-  
lim, fistere possim; in quibus statuz superiores cum inferio-  
ribus non ea, quam tu exigere videris, adcurata ad regulam  
proportionem sibi respondent, quin eapropter vel rei numariæ  
tironi suspicio super eorum integritate in mentem venire que-  
at. An putas fabros, aut cœlatores monetarios circino usos  
in ære incidendo, signandoque, quemadmodum solent geo-



metræ nostri, vel architecti in adumbrandis, expingendisque super chartam ædificiorum orthographiis? An credis, monetæ publicæ fabros temporibus Flaviorum in effingendis numis æneis, præsertim iis, in quibus obvia quæpiam fabrica, qualis Vestæ Templi, repræsentaretur, adeo delicatos, atque religiosos exstitisse? Ubi de eorumdem *negligentia*, & *frequentibus lapsibus* ipse adeo doctissimus FROELICHIVS tuus (α) conqueri coactus est, quibus, ait, *ipsam typorum varietatem & copiam, sub Vespasiano, Tito, ac Domitiano adhibitorum, occasionem præbuisse.*

Acroteria desideras præterea? Inspice, quod supra ex SPANHEMIO commemoravi, Vestæ templi formam, & monstra mihi ibi acroteria, si placet! Nullam quoque acroteriorum mentionem facit VAILLANTIVS in ullo, quotquot enarrat Vestæ templorum, ut horum statuas, & columnas exacte percenseat numerando. Et certe quamvis in priscis Templis, cum primis magnificentioribus, acroteria nonnunquam numis consignata intueri liceat; tamen in palatiis potissimum, ædibusque Veterum profanis acroteria, seu fastigiorum ornamenta obtinebant, testante id VITRUVIO, veteris architecturæ Magistro (β): *Et ipsarum AEDIVM*

---

(α) Froelich. IV. Tentam. p. 420.

(β) Vitruv. III. 2.

*species sunt barica, baricephala, humiles, laxa, ornantque  
SIGNIS fictilibus, aut æreis inauratis earum FASTIGIA.*

Umbras tibi denuo movent, luminibusque tuis ob-  
ciunt statuae *fellularia*, quæ ædificii frontem deformari con-  
tendis. Sed quid obpones tandem, si tibi ostendero, ipsam  
fors hujus templi indolem iis ornari flagitasse? Ex prisco-  
rum testimoniis, numorumque fide exploratum habetur,  
Deorum statuis solemne fuisse ac proprium, ut *sedentes* fin-  
gerentur. Ita PLINIVS (α), ubi Trajani moderationem ex-  
tollit, quod mortalis divinos honores sibi non adrogaret:  
*Horum, inquit, unum si præstitisset alius, jam dudum radia-  
tum caput, & medios inter Deos SEDENS, auro staret, aut  
ebore.* Simili pacto CAPITOLINVS (β) narrat, Macrinum  
Imperatorem, quum Bassianum inter Divos referendum  
curaret, duas quoque *statuas sedentes* ipsi decrevisse. Ea-  
dem quoque de causa virorum Principum, inter Deos rela-  
torum, figuras & simulacra, in Thensis devectora, *sedentium* ha-  
bitu referunt numi. Obvios modo, qui nempe primi mihi  
obcurrerunt, hic ex VAILLANTII *Numism. Præst. T.*  
*II. fisto: profert iste Eruditissimus numariae supellectilis*  
*promuscondus pag. 99. numisina argenteum impendio rarum*  
ac

(α) *Plin. Paneg. c. 52.*

(β) *Capitol. in vit. c. 6.*

ac præstans, Thenfam continens, in qua simulacrum *sedens* Vespasiani, inter Divos relati. Alterum aureum præstantissimum exhibet p. 167., ubi visuntur duo elephantes ducentes Thenfam, in qua *sedet* Faustina, recens Deabus adscripta, habitu Cereris, d. spicas gerentis. Tertium denique pariter aureum, ac singularis raritatis adducit p. 114., in quo iterum Thenfa, a binis elephantis vecta, supra quam figura Nervæ *sedentis*. Existimabant videlicet Veteres, Diis sedendi honorem convenire præprimis: quum sedendi habitus quoddam veluti æternitatis symbolum esset, propterea quod *securitatem, & constantiam* portendebat. *Fortuna (α) super Cylindro stans omnibus mala significat, propter basim ipsius periculositatem: semper bona est. SEDENS, & reclinata: SECVRTATEM enim, & CONSTANTIAM per ipsam figuram demonstrat.*

Quid itaque, si binæ, quæ fronti Templi mei superfedent *secularia*, Deorum sunt statuæ, ut certe sunt; quum quidem veterum ædificia, præsertim sacra, idolorum scaterent simulacris? quid, inquam, tu denuo obcines illud tuum *Stantes hoc loco, aut in humerum, basi aliqua adjutas, decumbentes statuas eurythmia exigit?* Perinde quasi seu structor templi, seu monetæ fiator secus, ac tum simili in obcasione seculi mos aut genius postularent, ad inportunæ eurythmiæ

Q

(α) Artem. d. II. 42.

leges adstringere sese debuissent. De Fronte & Tympano antehac sat egi. Ad finem jam hujus argumenti delapsus concludis quærendo: *Ubi decor ille, & majestas, quæ ex Templo Pacis in Flauiorum moneta elucet?* Tunc eandem reliquis in Templis exposcere audes majestatem, atque vetustatem, quæ in operum omnium tota urbe maximo, & pulcherrimo, quod vocant Templum Pacis, quotquot de eo scripsere autores, promicat, & exsplendescit? quæ igitur huic præ illis reliqua foret pulcritudinis laus, atque prærogativa?

Cetera tu in paginis, hanc proxime præcedentibus, *tricesima sexta, ac quarta*. ultro largiris, ab antiquis sculptoribus nonnunquam in numis aliqua architectonica bellaria, & ornamenta negligi, atque modo ædificii corpus, vel orthographiam, summis saltem lineis adumbratam, exhiberi. Et ita sane in statuis præcipue, & figuris usuvenire numorum complura docent exempla. P. PÉDRVSIVS ex Societate tua, in veteris monetæ obficio insigniter versatus, *Musæi Parmensis* exhibet numisma, cujus aream posticam explet ante memoratum Pacis Templum, a Vespasiano nove excitatum. Est id hexastylon cum quinque statuis infra positis, quarum media altari infidentis habet speciem; fastigium quinæ pariter ornant; quarum media volucris, binæ proximæ utrinque equestres. Idem exhibet ANGELLONIVS in sua *Historia Augusta*;

at quanta cum figurarum, statuarumque diversitate? exhibet enim infra ternas solummodo figuras, & insuper quam discrepantes maxime ab illis, quas numisma proponit Parmense: supra in fastigii medio ne animata quidem figura, & duæ ex utroque latere proximæ, quæ in Parmensi equestres, in hoc comparent pedestres, & hastatæ præterea.

Verum non tantum modo quoad statuas, & figuras, id quod tibi placet; sed quoque quoad columnarum formam, & numerum, imo vel quoad faciem ipsam eadem in numis Tempia diversam sæpe nanciscuntur imaginem. Sic DIVO JULIO EX S. C. exstructum ab Augusto in foro Templum, quod inter hujus numos hodieque visitur, Pycnostylon, sive crebris ornatum columnis fuisse tradit VITRUVIUS (α). Hoc non obstante SPANHEMIVS (β) bina adfert numismata, quæ hanc Julii Aedem tetrastylam, seu quatuor solum columnarum repræsentant cum faciebus insuper, sive ædis frontibus, utcumque ab invicem diffidentibus. Similiter VAILLANTIVS (γ) prodit numum argenteum, in quo templum Minervæ Flavianæ, a Domitiano in Regione urbis septima excitatum, spectandum se præbent tetrastylon, seu cum qua-

Q 2

(α) Vitruv. III. c. 2. p. 41.

(β) Spanhem. Dissert. XIII. p. 649.

(γ) Vaillant. T. II. p. 105.

tuor columnis; quamvis illud loco ante laudato SPANHEMVS referat hexastylon. Hac occasione non possum, quin denuo novam quampiam pro tuendo numismatis mei honore promam sententiam: nimirum quod in eo visitur, id ipsum esse posse templum, cuius nunc adeo memini, *Minervæ*, sive *gentis Flaviae nuncupatum*. Aedem *tetrastylam* sistit numisma meum; ejusce quoque modi Flaviana, ut modo cognovisti, ostenditur a VAILLANTIO. Ceteroquin ex hactenus dictis abunde conjicere poteras, antiquos scalptores non usque eo religiosos extitisse, quo minus quandoque in numis sive statuarum formas habitumque, sive columnarum ordinem numerumque, sive ipsorum etiam peristyliorum, & vestibulorum speciem atque conformationem inmutarent, aut quæpiam plane prætermitterent, in summis modo ædificii lineis adumbratis adquiescentes.

Neque difficultas aliqua in eo obversari potest, quemadmodum Domitianus Aviae honori ac memoriae numum decernere potuerit. Idem namque, quod pro Tito supra eam in sententiam adtuli, & pro Domitiano pugnat. Restituit hic quoque Decessorum suorum numos, exemplum Titi fratris consecratus: quin ergo monetam signasset aviae, ex qua optime norat, primum, maximumque nobilitatis splendorem genti suæ, antehac obscuræ, adfulsisse?

Adcedit, quod Princeps iste, alioquin ultra modum ambitiosus, sumptuosissimum illud genti Flaviae erexit Templum, in quo Principum ex hac gente defunctorum condebantur reliquiae; quemadmodum quidem de cineribus Juliae, Titi filiae, luculenter docet SVETONIVS (α): *Phyllis nutrix reliquias*, cadaveris Domitiani, TEMPLO FLAVIAE GENITIS clam intulit, CINERIBVSQVE JULIAE Titi Filiae commisit. Qui itaque Aedi Flavianae, ab se excitatae, cineres Juliae, fratris filiae, intulit Domitianus, eundem sepulturae honorem negaverit Vespasiae, genitoris sui matri, ac primo Flaviani stemmatis, splendorisque fonti? Qui eandem fratris sui filiam compluribus post mortem numis, ipsius honori flatis, posteritati commendavit, is patris sui matrem, nobilissimum Flavioꝝ decus & ornamentum, in aere redivivam sistere aut timuerit, aut neglexerit? His positis, quid facilius, quid convenientius, quam ut dicam, templum fors esse Flavianum, quod in Vespasia numo representatur?

Interea haud quaquam is sum, qui putem, aut contendam, templum a versae numismatis mei arte, manuque insignis alicujus sculptum esse Myronis, quem PETRONIVS addit in tractando aere sic fuisse exercitatum, egregieque versatum, ut pene animas hominum, & ferarum in aes transfun-

## Q 3

(α) Sueton. in Domit. c. 17.



dendi artem calleret. Ipſius certe juvenca aëa priſcorum  
conpluribus Poetarum cantus materiem ſubminiſtravit. De  
hac AVSONII ſequens exiſtat Epigramma:

*Bucula ſum calo genitoris facta Myronis*

*Aërea : nec factam me puto, ſed genitam.*

*Sic me taurus imit ; ſic bucula proxima mugit ;*

*Sic vitulus ſtitens ubera noſtra petit.*

*Miraris, quod fallo gregem : gregis ipſe magiſter*

*Inter paſcentes me numerare ſolet.*

Ipſe etiam ANACREON meus (α) de eadem ſeſtively juxta,  
ac argute, quod ſolet, canit :

*Βόδιον ἐ χοάνοις τετυπωμένον, ἀλλ' ὑπὸ γήρω*

*Καλιῶδὲν σφετέρῃ ψεύσατο χειρὶ Μύρων.*

*Tempore in æs verſam, non flatam ex ære, juvencam*

*Proprie opus dexterae finxerat eſſe Myron.*

Quod Poeta Gallus ſic convertit:

*Non, en moule jamais elle ne fut jettée*

*Cette Vache ; le tems l'a changée en airain ;*

(α) Ανακρέοντος Επὶγραμμα ε΄.



*Et Myron se parant d'une gloire empruntée,  
Fit croire qu'elle étoit l'ouvrage de sa main.*

Minime, inquam, contendam, templum meo in numismate conspicuum, celeberrimi hujus, aut alterius cujuscumque præstantis sculptoris esse opus; id modo contendo, illius orthographiam, & summas saltem lineas sic esse effectas, ut in antiquarum monetarum numero censeretur non minus mereatur, quam complura alia numismata, vel ex meo Cimelio proferenda, in quibus Templorum insculptorum figura multo rudior, ac vilior comparet, atque in meo, quin tamen ullus eadem capropter spuris ad censere aufit. Fors quoque rudius non minus Templi mei exprimitur *χρῆμα*, propterea quod illius referre debebat formam ædis, ad cuius normam suam adcommodavit Vespasianus ædificium: adcommodasse autem Vespasianus, ejusdem instaurator & restitutor, censendus est fabricam suam ad normam primi Vespasii templi, a Numa conditi, cujus formam, veri videtur simillimum, in ea temporum, rerumque conditione fuisse simplicem, obviam, ac inpolitam.

*Ad id jam venis, quod si cetera abessent omnia, solum,  
contendis, numaria in republica Vespasiam cum tota substru-  
ctione evertere; idque, ais, te ultimo loco reservasse doloris*

mei causa: nempe volebas, ut dubia γνώσεως numi, hactenus non visi, lente quasi per gradus, qui cogitari poterant, emoriatur. Profiteor primum me tibi obstrictum pro hac, ut credo, sincera animi in me propensi testificatione: alterum vero a tua humanitate flagito, ut ne subcenseas mihi, aut tibi ipsi dolorem oboriri patiari, quum ex modo dicendis perspexeris, hunc, quem putas argumentorum tuorum Achillem, non jam doloris mei gratia, sed proprio suo merito, nimirum ob inbecillitatem, imo inanitatem suam postremum tenere locum, eundemque non per gradus, ac pedetentim, sed una, unoque ictu prostratum emori. *Tam humilia sunt omnia, ais, in postica, atque vix ex area prominentia, ut si signum S. C. abesset, prima fronte in Hispanica, aut Syriaca aliqua Colonia flatum, non percussum excisimarem, antica non inspecta, ubi tamen accuratius in omnem partem versatus fuit, ne fustum quidem, sed scalp pro miserum in modum rasum censebam potius.*

Itane numus meus rasus videtur oculis nimirum tuis, in eum ante armatis? Τὸν ὑγλαίνοντα ὀφθαλμὸν, praeclare scribit Marcus Antoninus Imperator (α), πάντα ὁρᾶν δὲ τὰ ὄρα-  
τά, καὶ μὴ λεγέειν, τὰ χλωρὰ θέλω τετο γὰρ ὀφθαλμῶντός ἐστι.

Oculus

(α) Μάρκος Αντωνίνος Αυτοκράτ. τῶν εἰς ἐαυτὸν Βιβ. ι.

Oculus bene constitutus cuncta videre debet, ut se in conspectum dant, & non solum viridum, nempe delectantium, adspectum adpetere: hoc quippe ægrotantis est. Tibi certe, velut oculo per vitrum viride inspectanti, omnia alia, ac reapse sunt, meo in numismate adparent. Hunc in modum ædes, posteriorem illius aream obcupans, rasa tibi videbatur. Verum ad hunc tibi errorem penitus eximendum primo loco testimonium adfero, quod hac quidem in quæstione, de qua nunc agimus, fidem & auctoritatem habere debet ut quod maximopere. Est hoc ab ipso, qui numismatis iconem geminam, fronti hujus *Dissertationis* præfixam, in æs inciderat, scalptore profectum *Mansfeldo*; qui, quum myriades seu numorum, seu aliarum figurarum æri hætenus insculperit, artis hujus peritiam ac usum habeat, necesse est, quam qui egregium. Certe quod nec tironem fugiat, id exercitatus hic artis alumnus non potest, quin norit, videlicet rationem *fusi*, aut *perculsi* ab *raso* dignoscendi. Is adeo mihi, quum ex eo quasi aliud agens, & dubitantis in modum sciscitarer, num meum, quod exhibebam, numisma scalpro rasum fors crederet? cum stomacho subridens: næ is, reposuit vernaculo idiomate, qui numum hunc scalpro rasum censeat, ne a limine quidem *γλυφεῖν* salutasse, neu veterem monetam vel primoribus digitis adrectasse videtur; mihi certo ne ad primum quidem numi hujus adspectum ea opinio in mentem venire poterat.

Atque profecto, si tu inde, ut videtur, numisma meum rasum efficere velis, quod monetaria averſæ fabrica cum adverſæ partis labore minus congruat, quum in illa omnia ſint humilia, atque vix ex area promicantia; inmanem numismatum antiquorum turbam raſis adcenſere, atque adeo de ſua, quam uſque huc apud æquos, & peritos peculii veteris æſtimatores obtinuere, ſtatione deturbare cogeris.

Permulta ſane ejuscemodi numismata vel ex meo Cimeliarchio tibi recenſere poſſem, ni brevitati conſulere mavelim; interea nonnulla, ut primis apertis forulis in manus inciderunt, tibi hic fiſto. Primi obcurrerunt bini numi Agrippinæ, in quorum uno *Plauſtrum* viſitur a *mulabus veſtum*, valde quam exeſum, atque adeo vix ex area promicans; ipſæ notæ S. C. & S. P. Q. R. pene intuentis conſpectum fugiunt. His adceſſit *Contorniatuſ* numuſ Neroniſ, huic meo quoad metalli formam germaniſſimuſ; uti & alter ejusdem Imperatoriſ, in quo *Portuſ Oſtieuſiſ* tam humiliſ eſt, ut vix poſteriore ex area promineat. Ita pariter numi, qui Veſpaſiani *Apotheoſin cum quadriga elephantiſ* repræſentat, poſtica nihil prorſuſ habet exporreſti. Sic *Carpentum* Divæ Juliæ; ſic *Templum Joviſ*, item *Columna Trajani* in hujus numiſ; ſic *Templum Divi Auguſti* reſtitutum ab

Antonino: sic in Faustinae, quæ habeo, numismatibus *Lecliternium*, item *Templum Hexastylon*; sic Aurelii *Rogus*, ubi literæ præterea erosæ, ac *Templum tetraastylon*; sic denique in Plautillæ numo græco *Templum octo columnis fultum*: singula, inquam, hæc ita sunt humilia & plana, atque vel ætate detrita, vel ærugine adrosa, ut parum aut nihil foras projecta emineant usque adeo, uti cuncta & singula, quæ modo strictim percensui, numismata huic meo ea in parte sic sint similia, ut ova ovo; quantumvis eadem quoad cetera ita belle conservata meo præstent in Museo, ut pauca magis. Num tu singula illa pari idcirco, qua meum, ratione dixeris scalpro miserum in modum rafa?

Itane tandem tu nihil quidquam virium & roboris edaci temporis denti tribuis, a quo tamen durissima quæque paulatim exedi, erodique constat? an nescis juxta Græcorum adagium: Σίδηρος ἔχ' χαλκὸς ταῖς ἐπαταῖς τῶν χειρῶν ἐκτρίβεται vel manuum contrectationibus ferrum atque æs deteriri? An putas nihil prorsus integro decem & septem continenter seculorum intervallo de numismate meo abradi, adterique potuisse, quo minus eadem omnes in eo figuræ ratione promineant? ut nihil neque ex templi columnis, neque statuis, neque fronte, imo neque ex ipsis literarum apicibus promicantibus adefum, conrosum, extritumve disparuerit?

Sane citius tu mihi, faciliusque *Plautini Poenuli scenam* verbis tuis explanaris, quam numum meum rasum demonstraveris.

Finieram argumentum, ni me tantisper adhucdum morarentur voces illæ tuæ: *Si signum S. C. abesset, prima fronte in Hispanica, aut SYRIACA aliqua Colonia flatum existimarem.* Simile quid jam supra de Alexandria Aegypti disceptavi; in præfens de Antiochia Syriæ Metropoli agam. Putasne tu Romæ modo, non vero alibi, in Græcia, aut *Syria* monetam cum S. C. *χαράγματε* cusam? Vt missa hic faciam, tum quæ *VAILLANTIVS* in *Numis Colonialium*, & præterea *T. I. Numismat. Præstant.* de *Æneis*, Antiochiæ signatis, numis S. C. nota insignibus, tum quæ ipse ego supra hoc super proposito adtuli; ea tantummodo addo, quæ alias dilaudatus *INL. JOBERTI COMMENTATOR* (α) in rem meam de ea *Syriæ* urbe principe commemorat, & quæ ego, ne multa multis, solum latine reddo: *Quum Antiochia Romanis se subiecisset, jus cudendæ monetæ ex earum erat numero prerogativarum, quæ eidem mittebantur; atque veri est simile, æs, hac in urbe signatum, ad solvenda adhibitum fuisse stipendia copiarum, quæ limiles tuebantur adversus Persas, Arabes, & alios populos, Romanis ibidem Provinciis conterminos.* De-

---

(α) *La Sci. des Méd. T. II. p. 221.*

hinc, dicit TACITUS (α), initio ab Suria ad flumen Euphratem, quantum ingenti terrarum sinu ambitur, quatuor legionibus coercita. Cui ergo mirum videatur, ea in urbe, ubi cum pro stipendio militum Romanorum, tum pro mutuo incolarum inter se, ac cum ipsis militibus commercio pecunia signabatur, & Græca, & Latina percussa esse numismata? Nota S. C. indicat potestatem monetæ cudendæ Antiochenis senatus decreto esse concessam. Idem alibi (β): Nequaquam inus inficias, ab Imperatoribus aequè, atque ab Senatu potuisse Colonis fieri copiam æris signandi. Hinc quoque est, quod in NUMIS LATINIS ANTIOCHIAE ad Orontem S. C. usque ad Marci Aurelii tempora, & in aliis Antiochiæ Pisidiæ S. R. Senatus Romanus insculptum cernatur. Proconsules ipsi, qui pro senatu Provincias, quas Imperator senatui populoque Romano administrandas permittebat, moderabantur, nonnunquam similem largiebantur facultatem, cujus testimonia præbent numi, in Achajæ, & Africæ urbibus cusi.

Ex his manifestum fit, non Romæ tantummodo, sed & in aliis Romani Imperii Urbibus, atque Colonis, sæcus ac tibi videtur, æs cum S. C. nota signatum fuisse. Hac occasione & aliud mihi in mentem venit, nimirum Vespasianæ

R 3

(α) Tacit. Ann. IV. 5.

(β) La Sci. des Méd. T. I. p. 210.

meæ monetam fortassis in hac ipsa Syria Metropoli percussam esse. Ad hoc firmandum, inlustrandumque primam mihi facem adcendit TACITVS, quum, ubi Vespasianum Antiochiæ primo pronuntiatum Imperatorem tradidisset, actutum subdit ( $\alpha$ ): *Apud Antiocenses aurum, argentumque signatur.* Idem libro eodem ( $\beta$ ) narrat, a Muciano, Vespasiani Duce, habita facundissima concione milites in verba Vespasiani adaectos; atque hunc ab iis primum Antiochiæ Imperatorem consalutatam. Quorsum hæc dicta? ut ostendam, quam primum, quamque congruum tum fuerit, ut vel ab Vespasiano ipso, ut cum maxime creato Imperatore, vel si mavis, a Muciano in ea pecuniæ signatæ multitudinem, in faustis iis novi Imperatoris adclamationibus, atque exsultantis militis, populique plausibus, & æneum procuderetur numisma, quo ad alia, omnibus perspecta, Vespasiani decora atque ornamenta, etiam nobilitatis, tantopere a priscis quæsitæ & æstimatæ, splendor velut cumulus adcederet.

Erat Vespasianus, quod superius jam dictum, obscuro genere ortus adeo, ut SVETONIVS ( $\gamma$ ) perhibeat,

---

( $\alpha$ ) Tacit. Histor. II. 82.

( $\beta$ ) Id. Ib. 80.

( $\gamma$ ) Suet. in Vesp. c. 4.



eum ad motum rebellantium Judæorum comprimendum a Nerone potissimum delectum esse: *ut & industria expertum, nec metuendum ullo modo ob HVMILITATEM GENERIS ac NOMINIS*. Quare ad hanc *generis & nominis*, puta paterni, *humilitatem*, priscis illis magno habitam despicatui, tantisper elevandam quidni adminiculum maxime congruum peteretur a materni stemmatis, quippe nobilissimi, elatione ac splendore? unde eadem de causa, uti alias innui, ipsum quoque nomen suum mutuatus videtur Vespasianus. Hujus itaque maternum *genus ac nomen* moneta consignari, atque in vulgus communi illa lætitia efferri conveniebat valde quam oportune. Id quo minus Mucianus, suprema & Provinciae Syriae, & militiae cum potestate praefectus, praestaret, quid obstabat, quid intercedebat? Effecerat is, ut ante ex TACITO, quo Vespasianus & a militibus, & ab Antiochenis primum salutaretur Imperator. Conpertum praeterea ex SPANHEMIO, VAILLANTIO, aliisque Rei Numariae Magistris est, Praefides, Quaestoresque Provinciales, ac Militares, pecuniam pro stipendiis legionum administrasse, unaque & numos ipsos cudendos curasse. Hujus testes agunt numi ipsi, quorum conplures sub Antonio, Julio, & Augusto a Praetoribus & Quaestoribus cum Provincialibus, tum militaribus percussos recensent MEDIOBARBUS, &

VAILLANTIVS. Hic meminit præterea (α) numi oppido rari, qui ipsos duos Provinciarum Præfides, nempe Tiberium Alexandrum Ægypto, & Licinium Mucianum, de quo hic, Syriæ Præfectum, repræsentat, dextram sibi porrigentes ad Vespasianum suarum legionum consensu procreandum Imperatorem: de his binis Prætoribus *vid. SEXTONII in Vesp. c. 6.* Percussit igitur Mucianus peropportuna in ea rerum conditione, quum alioquin ingens pecuniæ vis, teste TACITO ante laudato, tum temporis Antiochiæ securante signaretur, & æneum Vespasiæ numisma cum averso typo Vestæ templi, Augustis feminis alias familiari, ipsarumque capitibus ob rationes supra adductas jungi passim solito; ut hoc pacto clarum Vespasiani stemma, quale modo maternum erat, mox sub prima imperii delati initia propalam, plenaque in luce poneretur, atque is non solum ob aliā, quibus eminebat, decora, sed & ob Nobilitatis laudem populo commendaretur.

Sed manum de tabula. Infirmatis hætenus, confutatisque, quoad mihi licuit, tuis, quæ contra numisma meum καίρως ἀκαίρως objectasti, argumentis, atque juxta constabilito causæ meæ robore, quid superat, quam ut τὸν κολοφῶνα addam? Addam, ubi tibi paucis etiamnum ad magis

---

(α) Vaillant T. II. Num. Præst. p. 85.

gis denique firmandam rem meam ostendero , & notas ac characteres , unde monetis antiquitas , atque integritas sua constat , in Vespasie meae reperiri numo. Signa hæc , seu notæ propriæ , atque germanæ a monetæ veteris præceptoribus potissimum hæc enumerantur : metallum , hujus forma & fabrica , pondus , typorum figuræ , inscriptionis characteres , ac denique in æneis nobilis illa crusta , qua non , nisi ab natura , multorum seculorum intervallo æs vestiatur , atque imbuatur.

Jam quod metallum numi adinet mei , id æs esse antiquum , cuique inspicienti ac exploranti apertum est ; neque nisi uni illi dubium fit aut obscurum , qui æri ab lupinis distinguendo non fit. Formam ejusdem ac fabricam similiter esse partum antiquum , docet adæquata ipsius cum plurimis aliis numophylacii mei numismatibus , quorum singulorum integerrima est autpritas atque antiquitas , sive quoad duri-  
tiem & asperitatem , sive quoad facilitatem in tractando , sive quoad limbi orbem convenientia , ratioque prorsus gemina. Pondus ipse , præfente erudito Numophilo , adpendi , & par antiquis aliis ejusdem moduli , ac metalli monetis , imo & harum nonnullis majus reperi. De typis , inscriptisque literis satis , opinor , in superioribus actum. Jam quod ad extremum in rem meam facit plurimum , est illa æris facies , seu crusta pulcerrima , indubitata , testibus P. JOBERTO , AE-

NEA VICO, aliisque eruditis monetæ antiquæ Censoribus, antiquitatis nota, quæque a peritis æstimatoribus pluris fit, atque pretiosissimum metallum propterea, quod nulla ars seu industria, ut bene advertit P. JOBERTVS (α), sive colorem, sive fulgorem, sive glabritiem atque lævitatem spectes, eam ea ratione æri inducere, inferereque possit, qua natura, plurium seculorum labore in eo versata. Ego certe palam hic declaro, me juxta cum eruditis aliis Numophilis, qui Vespasiæ meæ numisma æqua & exacta indagine explorarunt, de ejusdem integritate, ac antiquitate sic esse convictum, atque persuasum, ut prius, quam de hujus, de Decii numi, in meo pariter Museo adservati, sinceritate, super qua tamen tu complura argumenta in prima tua ad me Epistola, luci publicæ commissa, congelessi, dubitare in animum inducerem.

Et profecto, si quidem, quia rarissimus, quia hætenus non visus, quia unicus, continuo numus meus in adulterinis censendus fit, quid de iis statuendum, quorum necdum vulgatorum editionem te nunc ut cum maxime moliri audio? quid tot aliis fiet, a BANDVRIO, & VAILLANTIO in rarorum, aut rarissimorum censu conlocatis, & quorum ego in uno meo Cimeliarchio facile quadringentos & amplius numero? ex istis

---

(α) P. Jobert *La Sci. des Méd. T. I. p. 443.*

exempli causa non hic percensebo, nisi æneos eos, quos CL. VAILLANTIVS inter *Imp. Rom. Numismata Præstantiora* in *rarissimorum* loco ponit, ut hac occasione eruditæ veteris monetæ arbitris, & amatoribus publicum quodpiam numophylacii mei specimen, ac veluti promulsis proponatur. Primum sisto numum *primi moduli cum capite Tiberii laureato*, & Epigraphæ CLEMENTIAE. Ab hoc secundus sit ejusdem Cæsaris numus *primæ similiter magnitudinis cum inscriptione ROM. ET AUG.* Tertium obcupet locum moneta cum *capite Caji laureato*, & *Templo*, cui inscriptum: DIVO AUG. Quartam *secundi moduli monetam subpetit laureatum Neronis caput cum Epigraphæ: ANNONA AVGVSTI.* Huic subcedant terna alia ejusdem Cæsaris numismata: primum *primæ formæ*, cui inscriptio MAC. AVG. Alterum *secundæ formæ*, inscriptum: PORT. OST. AVGVSTI. Tertium *mediæ pariter formæ*, cum nota S. C. repræsentans Arcum sine epigraphæ, supra quem *Quadrige cum Victoriolis.*

Hæc sequitur numisma *primæ magnitudinis cum capite Galbæ laureato*, inscriptum: ADLOCVTIO. Ejusdem præterea magnitudinis alterum istius pariter Imp., in quo Imp. paludatus stans manum porrigit Romæ genu flexo supplicanti, s. puerulum gerenti, c. Epigr. ROM. RESTIT. Tertium item ejusdem Imp., at *secundæ formæ*, cum Arcu, supra quem

*Quadrigæ Triumphales; tres figuræ nudæ, manibus post terga revinctis, ad arcum properant, quas figura baculo elato insequitur: Inscript. QUADRAGENS. REMISSAE. Tum consequitur Primi Moduli numus Trajani, in quo cum nota S.C. exhibetur Circus Maximus, in cujus medio Obeliscus. Ejusdem quoque moduli Numisma c. capite Plotinæ Augustæ, Trajani uxoris; aversam ornat figura muliebris stans d. Spicas. f. canistrum florum & frugum. Epigraphe: FIDES. AVGUST. Primi juxta moduli est numus Hadriani, cujus area posterior exhibet Imperatorem, qui figuram muliebrem subleuat capite radiato, f. sceptrum gerentem; inscriptio: RESTITVTORI ASIAE. Germanus huic quoad formæ magnitudinem est alter ejusdem Hadriani, in cujus postica Imperator paludatus stans in subgesto adloquitur cohortes cum Epigr. EXERC. BRITANNICVS. Hos excipiat numus Antonini Pii, quem mediæ formæ nedum rarissimum, sed & singularem adpellat VAILLANTIVS: representatur in ejus aversa Rogus cum Epigr. CONSECRATIO. Numus item Commodi, in cujus area posteriore visitur Navis cum duobus velis expansis, Epigr. PROVID. AVG. P. M. TR. P. COS. V. P. P.*

Jam in censum veniant bina Didii Juliani numismata, utrumque formæ mediæ: in alterius aversa cernere est figuram

*muliebrem*, *utraq̃ue manu signum militare*, c. Epigr. CONCORD. MILIT.; in alterius postica conparet *figura muliebris d. Temonem globo inpositum f. Cornucopiæ*, cum Epigr. P. M. TR. P. COS. His proxima bina pariter numismata, alterum *Manliæ Scantillæ*, Juliani uxoris, *formæ mediæ*, alterum *Didiæ Clavæ*, ejusdem filiæ, *formæ primæ*: in primi averfa conspicitur *figura muliebris stans d. pateram, f. bastam puram, pro pedibus pavo*; Epigr. JVNO. REGINA.; in secundi area secunda *figura muliebris stolata stans d. palmam oblongam, f. Cornucopiæ*. c. Epigr. HILAR. TEMPOR. Jam agmen, ne longius vager, claudat *Alexandri Severi numus primæ magnitudinis*, elegantissimus, & rarissimus a VAILLANTIO nuncupatus. Averfa conspectui sistit *Templum pulcherrimum porticibus ornatum*, in cujus medio *Jupiter sedens d. fulmen, f. bastam* c. Epigr. JOVI. VLTORI. P. M. TR. III. COS. II. P. P. Superfedeo hic recensendis pluribus aliis, puta *Caracallæ*, ejusdem *Alexandri Severi* ante memorati, *Gordianorum*, *Balbini*, *Philippi senioris*, & aliorum, qui non inferioris, ac priores illi, pollent venu-  
statis & raritatis laude.

Horum omnium, & singulorum, a VAILLANTIO inter *æneorum rarissimos* scriptorum numorum, eo confidentius hic mentionem intuli, contractam licet ac parcam,

quod memoriæ hodieque inpressum teneo, te ipsum, VIR mihi AMICISSIME, quum numophylacium meum, quantum est, perlustrares, eos non inspexisse modo; sed quoque non absque luculentis, quæ prodidisti, admirationis indiciiis suspexisse, atque deprædicasse. \*

Ad finem properans, ex destinato hic dissimulo silens numerum haud mediocre numerorum aliorum omnis formæ, qui juxta meum ornant Museum, quamquam neque in ANGELLONIO, MEDIOBARBO, VAILLANTIO, BANDURIO, neque in ullo alio Antiquariorum notorum, Museorumve

(\*) Mihi quoque, qui præsentem Dissertationem nomine & auspiciis Perinlustri Equitis & Consilarii HAVERI elucubratus sum, nos singula modo, quæ hic supra enumerantur, verum & alia omnia, quotquot nimirum Museum HAVERIANVM, a numaria supellestili instructissimum, omnibusque absolutum numeris, in universum complectitur, Numismata iterum atque iterum προσω νη' ορισω lustrare, conversareque concessum fuit. Unde hoc loco adfirmare quoque ausim, me hanc Apologistæ provinciam nunquam fuisse suscepturum, nisi in iis Vespasie Numisma, suis quam exacte a me ante examinatum ponderibus, omnino sincerum, atque ab omni vitiæ suspitione eximium deprehendissem. Quare mirari satis non possum, quæ ratione Literatissimus aliàs KHELLIVS induci se passus sit ad laudandum ante Inlustrem ejusdem Possessorem capropter seu erroris, seu fraudis insimulandum; quippe quem perbene norat, sumptibus ac studiis, multorum continenter annorum spatio in Veterum peculio conlocatis, eam istius traflandi peritiam natum esse atque dexteritatem, quam vel adeo ipse laudatus KHELLIVS non raro, adportatis secum variis commatis antiqui numis, in subsidium sibi & consilium vocandam duxerat.



vulgatorum reperire eosdem licet; quique adeo nedum in *rariſſimorum*, verum & in ἀνεδότων coetu locum sibi vendicant.

Quod si ad extremum ex me perconteris, cur Vespasianæ meæ numus adeo rarus, imo unicus sit? primum ego ex te quoque quæro, eccur numismata ænea tum *Plotinæ* Trajani uxoris, tum *Marcianæ* ejusdem Imperatoris fororis, rarissima sint? id quod ipsum & eruditissimo VAILLANTIO mirum videtur, in Plotina potissimum, eo quod ista tota in decus & gloriam Trajani cesserit, bonoque Reipubl. Romanæ nata fuerit. Deinde ex te contor, eccur argenteus *Anniæ Faustinae* numus, qui in Museo D. Abb. de ROTHELIN reperitur, testibus VAILLANTIO, & Inl. JOBERTI COMMENTATORE, unicus ad id tempus fuerit, & etiamnum sit? Quot non numos ἀνεδότες, in terræ visceribus hodieque conscriptos, ventura detegat ætas? quot non inde fors eruet eruditus juxta, ac improbus ACADEMICORVM HERCVLANENSIVM labor? cui tot faustis hæctenus subcessibus coronato, novissime præmium, imo thesaurus adcessit ingens in detecto, effossoque pene integro *Isidis Templo* una cum victimarum ossibus & cineribus, variaque vasorum, in sacrificiis illis adhibitorum, supellectile; quemadmodum hujus, quo isthæc scribo, diei referunt Ephemerides Vindobonenses.

At quidquid demum horum sit, modo certa constet numismati fides atque vetustas, quam quidem ego prolatis usque huc argumentis meo adfatim adseruisse mihi videor, adeo *raritas*, & *unici* prærogativa eidem non obfunt, ut potius ingens inde & pretium, & existimatio peritos apud Numophilos ei adcedat, pretiumque eo adcedat majus, quo rarius est numus. Hinc quum numisma Vespasie meæ non tantummodo *rariissimum*, sed singulare & *unicum* sit, atque præterea ejusdem integritas, ac vetustas eo sint argumentorum robore in publicum stabilita, quo nullius fors alterius ex Cimeliarchiis notis; relinquitur necessario, illud pretii esse omnium maximi, & uni mihi arbitrarii.

Animadvertis tu inde, opinor, quanto, quamque justo mihi dolori fuerit Minoa tua severitas, qua levibus dumtaxat, quæ tibi prima fronte obcurrerunt, argumentis adductus, an seductus? pretiosissimum Numophylacii mei ocellum proscripfisti, atque adeo de ipsius Musei mei pretio, quantum per te stetit, inminuisti; crevit dolor hoc amplius, quod tu ipse eodem anno, quo damnatoriam tuam in numum meum epistolam emisisti, publicis in positionibus typo inpressis, quas te Præsides, atque me præsentis, Illustrissimus Comes BANFFIUS in Conlegio Theresiano coram nobilissimorum Auditorum confessu tuitus erat, quæstionem  
de

de numismatis mei integritate propofueris tamquam dubii,  
& in utramque partem probabilis argumenti.

Huic proin juſto dolori tribue, ſi fors acrius, ſi nervoſius per præſentis *Differtationis* decurſum pro Veſpaſiæ meæ honore, & Cimelii mei pupilla dimicatum ſit. Veritatis quoque id tribue amori, quo animante, quidquid adhuc, ſcriptum eſt. Dolori ſpero te meo, ob veteris noſtræ conjunctionis neceſſitudinem; veritati autem manus daturum ob germanum, quo polles, animi candorem, mentisque ſagacitatem non vulgarem. Ita neque te tua in Republica Numaria vulgatiſſima laus, neque me, meumque muſeum præcipua gemma defecerit. Hac obcaſione Tibi, ORNATISSIME KHELLI, una ex animo gratulor ſingularem illum honorem, quo novum meritis tuis ſplendorem nuper decrevit ACADEMIA HETRVSICA CORTONENSIS, quum te Inluſtri Sociorum ſuorum cœtui adlegeret: honor hic, & auguror, & precor, ut prodromus ſit aliorum, qui certo ſubſequentur, dum tua iis modeſtia aditum ne præcluſerit.





